

佛說進學經

No. 798

宋居士沮渠京聲譯

聞如是一時佛遊舍衛祇樹之園須達精舍。大賢眾千二百五十人。佛告諸比丘。有四雅行智者常遵。丈夫所修。達士恒奉。不才愚夫所不好樂。何等為四。孝事父母。悅色養足。守仁行慈。終始不殺。惠施濟乏。未曾悋逆。遭值聖世。捐榮履道。是四雅行。智者所遵。丈夫所修。達士所奉。不才愚夫所不好樂。佛時頌曰

智者稱孝 愍命慈活 放施普給

超俗崇寂 如是正業 明士所習

聖見已具 定至無為

佛告比丘。復有二法。若在閑宴。或處大眾。心行莫懈。一者靜寂賢聖默定。二者博學講論邃義。又有二施。飲食美味以安身命。敷散經典開微悅聽。食施安身。法施遷神。二事雖快。法施為最。是以比丘。念演妙法。宣慧莫癡。既自洗濯并淨塵著。如是道法。永度無窮。乃名出家具足。覺了。佛說。經竟。比丘歡喜。作禮受教。

佛說略教誡經

No. 799

大唐三藏義淨奉制譯

如是我聞。一時佛在室羅伐城。逝多林給孤獨園。與無量苾芻眾俱。爾時佛告諸苾芻。汝等當知。於我法中。有少欲知足活命之事。謂我弟子剃髮染衣。持鉢巡家乞食。自濟世間。愚人之所輕慢。若有淨信善男子。離俗出家修行此事。不為王難所逼迫。故不為賊怖。負債驚恐。不存活故。但為發心。於生老病死。憂悲苦惱。生厭離故。欲斷苦蘊。煩惱纏縛。盡其邊際。求解脫故。汝等豈非為此事故。而求出家。時諸苾芻白佛言。世尊。如是如是。為解脫故。而求出家。汝等苾芻。如有一類罪惡苾芻。雖復出家。性多貪染。於五欲境。深生戀著。或起瞋恚。生惡尋思。心恒放逸。不勤策勵。常多妄念。不習定門。攀緣諸境。樂下劣事。不希勝行。終無所獲。此之惡人。猶如何等。汝諸苾芻。聽說譬喻。如野田中。焚死屍木。兩頭俱燒。中間穢污。此木不堪。聚落中人及野田人之所受用。我今以此喻彼。一類出家懈怠。愚癡之人。棄捨俗間。諸快樂事。沙門義利。復不修習。恒生三種不善思惟。所謂思惟五欲。思惟瞋害。思惟欺誑。此之三種不善思惟。因何而起。當知皆以無明為因而得生起。身壞命終。墮三惡趣。是故汝等。應勤修習。除斷無明。我是大師。汝是弟子。於我教中。要略之事。今為汝說。由大悲故。由哀愍故。為利益故。為勝樂故。如我所說。汝等應修。若在山林。蘭若樹下。或露地。汝可善思。不應放逸。勿於後時。心生悔恨。如說修行。當得解脫。爾時世尊。說是語已。諸苾芻眾歡喜奉行。

佛說略教誡經

佛說無上處經

No. 800

失譯人今附東晉錄

如是我聞。一時佛在舍衛國祇樹給孤獨園。爾時世尊告諸比丘。有三無上處。汝等諦聽。當為汝說。諸比丘。白佛。唯然受教。佛告比丘。三無上處者。一佛無上處。二法無上處。三僧無上處。若諸眾生。兩足四足。無足多足。若色無色。想無想。非想非無想。如來於中說無上處。諸比丘。若有眾生。能於佛無上處。起信向心者。於天人中得無上果報。諸比丘。是名初無上處。復次。諸比丘。於有為無為。色無色。法離欲法。為無上處。諸比丘。若有眾生。能於此法無上處。起信向心者。於天人中得無上果報。諸比丘。是名第二無上處。復次。諸比丘。僧無上處者。若僧若群若叢聚。若徒眾中。如來弟子。僧為無上處。諸比丘。若有眾生。能於此僧無上處。起信向心者。於天人中得無上果報。是名三無上處。時諸比丘。聞佛所說。歡喜奉行。

佛說無常經

No. 801

大唐三藏法師義淨奉制譯

稽首歸依無上士 常起弘誓大悲心

1(佛說)-2(經)-3(之)-4(念)-5(至)-6(心)-7(飲食)-8(二)-9(經)-10(大)-11(三藏)-12(伐)-13(或)-14(妄)-15(或)-16(人)-17(若)-18(佛說)-19(稽首)-20(亦)-21(義)-22(奉)

為濟有情生死流 令得涅槃安隱處  
 大捨防非忍無倦 一心方便正慧力  
 自利利他悉圓滿 故號調御天人師  
 稽首歸依妙法藏 三四二五理圓明  
 七八能開四諦門 修者咸到無為岸  
 法雲法雨潤群生 能除熱惱蠲眾病  
 難化之徒使調順 隨機引導非強力  
 稽首歸依真聖眾 八輩上人能離染  
 金剛智杵破邪山 永斷無始相纏縛  
 始從鹿苑至雙林 隨佛一代弘真教  
 各稱本緣行化已 灰身滅智寂無生  
 稽首總敬三寶尊 是謂正因能普濟  
 生死迷愚鎮沈溺 咸令出離至菩提  
 生者皆歸死 容顏盡變衰 強力病所侵  
 無能免斯者 假使妙高山 劫盡皆壞散  
 大海深無底 亦復皆枯竭 大地及日月  
 時至皆歸盡 未曾有一事 不被無常吞  
 上至非想處 下至轉輪王 七寶鎮隨身  
 千子常圍遶 如其壽命盡 須臾不暫停  
 還漂死海中 隨緣受眾苦 循環三界內  
 猶如汲井輪 亦如蠶作繭 吐絲還目纏  
 無上諸世尊 獨覺聲聞眾 尚捨無常身  
 何況於凡夫 父母及妻子 兄弟并眷屬  
 目觀生死隔 云何不愁歎 是故勸諸人  
 諦聽真實法 共捨無常處 當行不死門  
 佛法如甘露 除熱得清涼 一心應善聽  
 能滅諸煩惱  
 如是我聞。一時薄伽梵在室羅伐城逝多  
 林給孤獨園。爾時佛告諸苾芻。有三種法。

於諸世間是不可愛、是不光澤、是不可念、是不稱意。何者為三。謂老病死。汝諸苾芻。此老病死於諸世間實不可愛、實不光澤、實不可念、實不稱意。若老病死世間無者。如來應正等覺不出於世。為諸眾生說所證法及調伏事。是故應知。此老病死於諸世間。是不可愛、是不光澤、是不可念、是不稱意。由此三事。如來應正等覺出現於世。為諸眾生說所證法及調伏事。爾時世尊。重說頌曰

外事莊彩咸歸壞 內身衰變亦同然  
 唯有勝法不滅亡 諸有智人應善察  
 此老病死皆共嫌 形儀醜惡極可厭  
 少年容貌暫時住 不久咸悉見枯羸  
 假使壽命滿百年 終歸不免無常逼  
 老病死苦常隨逐 恒與眾生作無利  
 爾時世尊說是經已。諸苾芻眾。天龍藥叉。捷闍婆阿蘇羅等。皆大歡喜信受奉行。  
 常求諸欲境 不行於善事 云何保形命  
 不見死來侵 命根氣欲盡 支節悉分離  
 眾苦與死俱 此時徒歎恨 兩目俱翻上  
 死刀隨業下 意想並悼惶 無能相救濟  
 長喘連胸急 短氣喉中乾 死王催伺命  
 親屬徒相守 諸識皆昏昧 行入險城中  
 親知咸棄捨 任彼繩牽去 將至琰魔王  
 隨業而受報 勝因生善道 惡業墮泥犁  
 明眼無過慧 黑闇不過癡 病不越怨家  
 大怖無過死 有生皆必死 造罪苦切身  
 當勤策三業 恒修於福智 眷屬皆捨去

財貨任他將 但持自善根 險道充糧食  
 譬如路傍樹 暫息非久停 車馬及妻兒  
 不久皆如是 譬如群宿鳥 夜聚旦隨飛  
 死去別親知 乖離亦如是 唯有佛菩提  
 是真歸仗處 依經我略說 智者善應思  
 天阿蘇羅藥叉等 來聽法者應至心  
 擁護佛法使長存 各各勤行世尊教  
 諸有聽徒來至此 或在地上或居空  
 常於人世起慈心 晝夜自身依法住  
 願諸世界常安隱 無邊福智益群生  
 所有罪業並消除 遠離眾苦歸圓寂  
 恒用戒香塗瑩體 常持定服以資身  
 菩提妙華遍莊嚴 隨所住處常安樂  
 佛說無常經  
 若苾芻苾芻尼。若鄔波索迦鄔波斯迦。若見有人將欲命終。身心苦痛。應起慈心。拔濟饒益。教使香湯澡浴清淨。著新淨衣。安詳而坐。正念思惟。若病之人。自無力者。餘人扶坐。又不能坐。但令病者右脇著地。合掌至心。面向西方。當病者前。取一淨處。唯用牛糞香泥塗地。隨心大小。方角為壇。以華布地。燒眾名香。四角燃燈。於其壇內。懸一綵像。令彼病人。心心相續。觀其相好了。了分明。使發菩提心。復為廣說三界難居。三塗苦難。非所生處。唯佛菩提。是真歸仗。以歸依故。必生十方諸佛剎土。與菩薩居。受微妙樂。問病者言。汝今樂生何佛土也。病者答言。我意樂生某佛世界。時說法人。當隨病者心之所欲。而為宣說。佛土因緣。

①智寂：智證。②壞散：散壞。③至：生。④纏：縛。⑤於：諸。⑥法：教。⑦伐：筏。⑧莊彩：粧彩。⑨莊采。⑩住：停。⑪見枯羸：成枯悴。⑫捷闍婆：健闍婆。⑬佛說無常經終。⑭佛說無常經臨終方訣首但無首題。⑮臨終方訣首。餘請見後。



十六觀等。猶如西方無量壽國。一一具說。令病者心樂生佛土。為說法已。復教諦觀。隨何方國佛身相好。觀相好已。復教請佛。及諸菩薩。而作是言。稽首如來。應正等覺。并諸菩薩摩訶薩。願哀愍我。拔濟饒益。我今奉請為滅眾罪。復將弟子。隨佛菩薩生佛國土。第二第三亦如是說。既教請已。復令病人稱彼佛名。十念成就。與受三歸。廣大懺悔。懺悔畢已。復為病人受菩薩戒。若病人困不能言者。餘人代受。及懺悔等。除不至心然亦罪滅。得菩薩戒。既受戒已。扶彼病人北首而臥。面向西方。開目閉目。諦想於佛三十二相八十隨形好。乃至十方諸佛亦復如是。又為其說四諦因果。十二因緣。無明老死。苦空等觀。若臨命終。看病餘人。但為稱佛。聲聲莫絕。然稱佛名。隨病者心。稱其名號。勿稱餘佛。恐病者心而生疑惑。然彼病人命漸欲終。即見化佛及菩薩眾。持妙香花來迎行者。行者見時。便生歡喜。身不苦痛。心不散亂。正見心生。如入禪定。尋即命終。必不退墮地獄。傍生餓鬼之苦。乘前教法。猶如壯士。屈伸臂頃。即生佛前。若在家。鄔波索迦。鄔波斯迦等。若命終後。當取亡者新好衣服。及以隨身受用之物。可分三分。為其亡者。將施佛陀。達磨僧伽。由斯亡者業障轉盡。獲勝功德福利之益。不應與其死屍著好衣等。將以送之。何以故。無利益故。若出家。苾芻。苾芻尼。及求寂等。所有衣物。及非衣物。如諸律教。餘同

白衣。若送亡人至其殯所。可安下風。置令側臥。右脇著地。面向日光。於其上風。當敷高坐。種種莊嚴。請一苾芻。能讀經者。昇於法座。為其亡者讀無常經。孝子止哀。勿復啼哭。及以餘人皆悉至心。為彼亡者燒香散花。供養高座。微妙經典。及散苾芻。然後安坐。合掌恭敬。一心聽經。苾芻徐徐應為遍讀。若聞經者。各各自觀。己身無常。不久磨滅。念離世間。入三摩地。讀此經已。復更散花。燒香供養。又請苾芻。隨誦何呪。呪無蟲水。滿三七遍。灑亡者上。復更呪淨黃土。滿三七遍。散亡者身。然後隨意。或安窆。堵波中。或以火焚。或屍陀林。乃至土下。以此功德。因緣力故。令彼亡人。百千萬億。俱抵那庾多劫。十惡四重五無間業。謗大乘經。一切業報等障。一時消滅。於諸佛前。獲大功德。起智斷惑。得六神通。及三明智。進入初地。遊歷十方。供養諸佛。聽受正法。漸漸修集無邊福慧。畢當證得無上菩提。轉正法輪。度無央眾。趣大圓寂。成最正覺。

臨終方訣

佛說信解智力經

20802

西天譯經三藏朝奉大夫試光祿卿明教大師臣法賢奉詔譯

如是我聞。一時佛在舍衛國祇樹給孤獨園。與大苾芻眾俱。爾時佛告諸苾芻言。苾芻汝等當知。所有信解力。法。此法能證真

實之理。即是如來無所畏法。唯佛能知。苾芻。或有聲聞。作如是言。我於此信解力。法。如實了知。精進不虛。離諸塵垢。又復而言。我能善說。我善調伏。我當說法。今正是時。是為最勝。令他依止。如是真實。應當修學。應當勤行。又復而言。當如是知。如是之法。最尊最上。無有等等。當如是見。如是聞。如是覺。如是知。佛告苾芻。汝等當知。所有聲聞。作是言者。是即虛妄。非如是見。非如是聞。非如是覺。非如是知。何以故。此法即是諸佛真理。唯佛能解。不共聲聞之法。

佛告苾芻。信解力者。所謂如來五力十力。何等為五。一者信力。二者進力。三者念力。四者定力。五者慧力。信解之法。具此五力。又復如來應供正等正覺。具足如來十力。是能了知佛無上處。又復於大眾中作師子吼。善為眾生轉妙法輪。云何名為如來十力。所謂於處非處。如實了知。而處非處。若如實知。是為如來第一智力。而此智力。若諸如來應供正等正覺。具足智力。乃能了知佛無上處。於大眾中作師子吼。善為眾生轉妙法輪。

又復如來智力。於過現未來。諸法行業。因緣果報。皆如實知。如是如來。於過現未來。諸法行業。因緣果報。如實知已。是為如來第二智力。而此智力。若諸如來應供正等正覺。具足智力。乃能了知佛無上處。於大眾中作師子吼。善為眾生轉妙法輪。復次如來。於禪定解脫三摩地。三摩鉢底。

乃至煩惱業苦皆悉清淨如實了知。如是如來於禪定解脫三摩地三摩鉢底。乃至煩惱業苦皆悉清淨如實知已。是為如來第三智力。而此智力。若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。

復次如來於諸眾生。種種根行皆如實知。如是如來於諸眾生。種種根行如實知已。是為如來第四智力。而此智力若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。

復次如來於諸眾生。種種信解皆如實知。如是如來於諸眾生。種種信解如實知已。是為如來第五智力。而此智力若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。

復次如來於種種界趣皆如實知。如是如來於種種界趣如實知已。是為如來第六智力。而此智力若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。

復次如來於諸眾生。所樂欲性皆如實知。如是如來於諸眾生所樂欲性如實知已。是為如來第七智力。而此智力若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。

復次如來思念過去無邊行法。所謂一生十生百生千生及百千生。乃至無量無邊增劫減劫。如是生數劫數。所有眾生名字

族姓。飲食苦樂。壽量長短。或復久住。死此生彼。死彼生此。如是體相業用無量無邊。過去等事悉能思念。如是如來。於彼過去無邊行法。所謂一生十生百生千生及百千生。乃至無量無邊增劫減劫。如是生數劫數。所有眾生名字族姓。飲食苦樂。壽量長短。或復久住。死此生彼。死彼生此。如是體相業用。無量無邊。過去等事。如實知已。是為如來第八智力。而此智力。若諸如來應供正等正覺具足智力。乃能了知佛無上處。於大眾中。作師子吼。善為眾生轉妙法輪。

復次如來。以清淨天眼過於肉眼。觀見世間一切眾生。生滅好醜貴賤。上下善趣惡趣所作之業。乃至眾生具身口意諸不善業。毀謗賢聖而復邪見。作不善業行不善法。皆是邪因所起。由此邪因緣故。命終之後。墮於惡趣受地獄苦。又復眾生以身口意行十善業。不謗賢聖起於正見。作諸善業行諸善法。皆是正因所起。由此正見因緣故。命終之後。生於天界而為天人。如是等法皆如實知。如是如來以清淨天眼過於肉眼。觀見世間一切眾生。生滅好醜貴賤。上下善趣惡趣。及所作業。乃至眾生具身口意諸不善業。謗諸賢聖。起於邪見。造不善業行不善法。由此邪見因緣故。命終之後。墮於惡趣受地獄苦。又復眾生以身口意行十善業。不謗賢聖起於正見。作諸善業行諸善法。由此正見因緣故。命

終之後。生於天界而為天人。是為如來第九智力。而此智力若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。復次如來盡諸漏法。無漏解脫智慧解脫。以自神通。了知一切法。我生已盡。梵行已立。所作已辦。不受後有。如是等事皆如實知。如是如來盡諸漏法。無漏解脫。智慧解脫。以自神通。了知一切法。我生已盡。梵行已立。所作已辦。不受後有。如實知已。是為如來第十智力。而此智力若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。爾時佛告諸苾芻。是彼如來處非處力。若有問言。於處非處云何。如來所有智力。皆悉見聞覺知。乃至成等正覺。如是問者當為實答。又復所有一切眾生。自業智力。云何如來以業智力。皆悉見聞覺知。乃至成等正覺。若有問者當為實答。又復所有禪定解脫三摩地三摩鉢底。云何如來以禪定智力。皆悉見聞覺知。乃至成等正覺。若有問者當為實答。又復所有一切眾生。種種根性智力。云何如來以根性智力。皆悉見聞覺知。乃至成等正覺。若有問者當為實答。又復所有一切眾生。種種信解智力。云何如來以信解智力。皆悉見聞覺知。乃至成等正覺。若有問者當為實答。又復所有一切眾生。種種界趣智力。云何如來以界智力。皆悉見聞覺知。乃至成等正覺。若

終之後。生於天界而為天人。是為如來第九智力。而此智力若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。復次如來盡諸漏法。無漏解脫智慧解脫。以自神通。了知一切法。我生已盡。梵行已立。所作已辦。不受後有。如是等事皆如實知。如是如來盡諸漏法。無漏解脫。智慧解脫。以自神通。了知一切法。我生已盡。梵行已立。所作已辦。不受後有。如實知已。是為如來第十智力。而此智力若諸如來應供正等正覺具足智力。乃能了知佛無上處。於大眾中作師子吼。善為眾生轉妙法輪。爾時佛告諸苾芻。是彼如來處非處力。若有問言。於處非處云何。如來所有智力。皆悉見聞覺知。乃至成等正覺。如是問者當為實答。又復所有一切眾生。自業智力。云何如來以業智力。皆悉見聞覺知。乃至成等正覺。若有問者當為實答。又復所有禪定解脫三摩地三摩鉢底。云何如來以禪定智力。皆悉見聞覺知。乃至成等正覺。若有問者當為實答。又復所有一切眾生。種種根性智力。云何如來以根性智力。皆悉見聞覺知。乃至成等正覺。若有問者當為實答。又復所有一切眾生。種種信解智力。云何如來以信解智力。皆悉見聞覺知。乃至成等正覺。若有問者當為實答。又復所有一切眾生。種種界趣智力。云何如來以界智力。皆悉見聞覺知。乃至成等正覺。若

①及所作之所作之 ②謗諸毀謗 ③起於而復 ④造之作 ⑤法+(皆是邪因所起) ⑥(見)- ⑦人+(如是等法皆如實知如是如來以清淨天眼過於肉眼觀見世間一切眾生身口意諸不善業謗諸賢聖起於邪見造不善業行不善法由此邪見因緣故命終之後墮於惡趣受地獄苦又復眾生以身口意行十善業不謗賢聖起於正見作諸善業行諸善法由此正見因緣故命終之後生於天界而為天人) ⑧至-知



有問者當為實答。又復所有一切眾生樂欲智力。云何如來以樂欲智力。皆悉見聞。覺知。乃至成等正覺。若有問者當為實答。又復所有過去思念智力。云何如來以思念智力。皆悉見聞。覺知。乃至成等正覺。若有問者當為實答。又復所有一切眾生滅等法。云何如來以天眼智力。皆悉見聞。覺知。乃至成等正覺。若有問者當為實答。又復所有漏盡智力。云何如來以漏盡智力。皆悉見聞。覺知。乃至成等正覺。若有問者當為實答。復告諸苾芻。此處非虛智力。我但為彼等持者說。而不為彼非等持者之所宣說。又此業智力。我但為彼等持者說。而不為彼非等持者之所宣說。又此禪定解脫三摩地三摩鉢底智力。我但為彼等持者說。而不為彼非等持者之所宣說。又此一切眾生種種根智力。我但為彼等持者說。而不為彼非等持者之所宣說。又此一切眾生種種信解智力。我但為彼等持者說。而不為彼非等持者之所宣說。又此一切眾生樂欲智力。我但為彼等持者說。而不為彼非等持者之所宣說。又此宿命智力。我但為彼等持者說。而不為彼非等持者之所宣說。又此天眼智力。我但為彼等持者說。而不為彼非等持者之所宣說。又此漏盡智力。我但為彼等持者說。而不為彼非等持者之所宣說。

佛告苾芻等持者是正道。非等持者是非道。是故汝等咸應當知。佛說此經已。彼諸苾芻。聞佛所說信受奉行。

佛說解憂經  
西天譯經三藏朝散大夫鴻臚卿傳教大師臣法天奉 詔譯

佛說清淨心經

20803

西天譯經三藏朝散大夫試光祿卿傳法大師賜紫沙門臣施護等奉 詔譯

佛世尊。一時在舍衛國祇樹給孤獨園。與苾芻眾俱。

稽首歸依正等覺 能度無邊大苦海  
恒以甘露潤群生 令得涅槃我頂禮  
稽首歸依正法藏 能止無邊苦惱因  
顯示過失利眾生 令獲寂靜我頂禮  
稽首歸依大苾芻 能與世間為福聚  
發行勤修安樂因 善斷輪迴我頂禮  
愛別離最苦 憂火鎮燒然 若欲自安心  
端居作觀想 譬如群鳥獸 暫聚各分飛  
生死人亦然 云何懷憂苦 只自一有死  
眾入皆長生 別離痛不任 親姻須啼泣  
三界大輪迴 無有免斯者 平等受無常  
云何懷憂苦 若人生貪愛 孰知貪火燒  
如彼犍牛身 愛尾遭人殺 世人多迷醉  
欲逃嶮惡道 設盡方便心 不能免離苦  
如彼野驢鹿 常被師子逐 究竟不能逃  
云何懷憂苦 大地及天上 三界與四生  
未曾得見聞 不受無常者 亦如山野火  
焚燒草木時 不擇花果林 俱時成灰燼  
愚癡諸眾生 顛倒生妄想 身繫無常繩  
無人能可解 色界梵世中 禪味為安樂  
亦如樹臨河 不久風水壞 百億轉輪王  
千萬天帝釋 念念即無常 如風吹燈焰  
過去大神仙 五通心自在 往復騰空行  
猶被無常取 金剛堅固身 尚自示寂滅  
凡識如芭蕉 云何欲久住 大地妙高山

佛告諸苾芻言。汝等諦聽。若諸聲聞修習正行。欲得清淨心者。當斷五法。修習七法。而令圓滿。何等五法。一貪欲。二瞋恚。三昏沈睡眠。四掉悔。五疑。此五蓋障。應當除斷。何等七法。一擇法覺支。二念覺支。三精進覺支。四喜覺支。五輕安覺支。六定覺支。七捨覺支。如是七法。應當修習。

諸苾芻。所言清淨心者。當知即是心解脫。增語。慧解脫。增語。由貪染污心不清淨。由無明染污慧不清淨。

若諸苾芻。斷除貪染。即得心解脫。斷除無明。即得慧解脫。

又諸苾芻。離貪染。污得心解脫者。是名身作證。斷除無明。得慧解脫者。是名無學。永離貪愛。了知真實正智。現前取證。自果盡苦邊際。諸苾芻。如是所說。汝等應學。

佛說清淨心經

佛說清淨心經

及以四大海 劫壞亦歸空 何況眾生趣  
龍居深海裏 眷屬常圍繞 金翅鳥能食  
別離苦亦爾 或人往他界 欲避於無常  
如入磨竭魚 口中求安隱 如是欲色界  
及彼非非想 未有於一物 不被無常吞  
唯有正等覺 是真依仗處 信受汝諦聽  
能解諸憂惱

如是我聞。一時佛在舍衛國祇樹給孤獨園。爾時世尊告苾芻言。眾生無數輪迴無邊。如蟻循環無有窮盡。眾生貪愛無明障閉。如陷泥中而不能出。過去有情輪迴往復。數不能知。苾芻。所有大地之土都聚一處。和為泥丸大小<sup>①</sup>。如豆。數彼眾生。無始劫來所生父母子孫。每一人下一泥丸。如是泥丸下盡。父母子孫數不能盡。苾芻。如是無邊輪迴眾生。貪愛無明顛倒。陷愛欲泥中。生死輪迴不知其數。是故令汝學斷輪迴。佛言。苾芻。如是補特伽羅輪迴眾生。以骨作聚。如妙高山。不壞不爛。如是無學聲聞證四聖諦。了知此苦真實為苦。苦滅證苦聖諦。彼補特伽羅見此屍骨。不知是苦。亦不能滅三界煩惱。若滅三界煩惱。證須陀洹。不空法決定得菩提。由於七生天人之中。作斷輪迴除滅煩惱。七生滿已。聖諦現前。正見智慧滅盡餘惑。到涅槃寂靜。彼補特伽羅方得解脫輪迴之苦。

佛言。苾芻。如人眷屬互相愛樂。以貪愛故。廣造諸業。生死輪迴。譬如野象陷<sup>②</sup>泥坑中。無有出期。又彼眷屬如恒河沙。父母養育

皆如親子。至後世中。隨其報應。各各不同。或為僕從。或為冤家。互相瞋恨。欺辱打罵。或為傍類。互相食噉。或被殺害。如是種種。諸趣輪迴。如七仙眾。或聚或散。亦如天雨。生其水漚<sup>③</sup>。或生或滅。如是眾生愚癡大力。迷惑顛倒。不了輪迴。於其眷屬妄生樂想。造種種業。未有須臾得清淨住。又彼有情。無始輪迴。入地獄中所飲銅汁。過大海水。如彼猪狗。食不淨物。如妙高山。又彼有情。生死別離。愛戀泣淚。亦如海水。又彼有情。更相殺害。積聚彼頭。過梵天界。虫食膿血。亦如海水。又餓鬼趣。以宿慳貪。受飢渴苦。如遇飲食。即成煙焰。鬼報滿已。設生人中。貧窮飢困。種種苦惱。說不能盡。又彼有情。以修福善。生忉利天等境界。殊勝恒受快樂。貪愛熾盛。如火燒乾草。報壽盡時。即墮惡趣。譬如飛禽折其兩翼。剎那落地。受種種苦。是故汝等。學斷輪迴。速求解脫。

佛言。苾芻。譬如江河大地。日月星辰。須彌盧山。及諸聚落世界。未壞而得久住。常在世間。今此經典亦復如是。世界未壞。法亦久住。於意云何。為與一切有情止息輪迴。故。苾芻。聞已。信受奉行。

佛說解憂經

佛說梅檀樹經

20805

失譯人名今附漢錄

聞如是。一時佛從比丘在維耶梨國。有迦

羅越奉佛明法。請佛供養。佛呪願畢。迦羅越於佛前肅然。願聞法義。佛便笑。五色光從口而出。繞身三匝。還從頂入。阿難整衣服。叉手白佛言。佛不妄笑。笑必說法。有所濟度。願為說之。天尊曰。善哉。阿難。弘慈欲為一切開通法橋。沙門之儀。汝應其式。今者演之。諦聽執受。彼國有五百人入海採寶。置船步還。經歷深山。日暮止宿。預嚴早發。四百九十九人。皆引行去。一人臥熟。失輩。仍遇天雨雪。失去徑路。窮厄山中。啼哭呼天。有大<sup>④</sup>梅檀香樹。樹神謂窮人言。可止留此。自相給衣食。到春可去。窮人便留。至于三月。啟樹神言。受恩得全身命。未有微報。願有二親。今在本土。實思得還。願乞發遣。樹神言善。便自從意。以金一<sup>⑤</sup>餅賜之。去此不遠。當得國邑。可得還汝鄉里。窮人臨去。問神言。此樹香潔。世所希有。今當委<sup>⑥</sup>還。願知其名。神言。不須問也。窮人復言。依<sup>⑦</sup>陰此樹積歷三月。今當委還。情懷<sup>⑧</sup>恨恨。若到本國。當宣揚樹恩。神便言。樹名梅檀。根莖枝葉。治人百病。其香遠聞。世之奇異。人所貪求。不須道也。窮人還至故國。中外<sup>⑨</sup>親親歡喜相樂。時王得病<sup>⑩</sup>頭痛。禱<sup>⑪</sup>祝天地山水諸神。病不消差。名醫省視。惟當得梅檀香。以護病。便得愈。王即募求民間。無有便宣。令國中得梅檀香者。拜為封侯。妻以小女。時窮人聞<sup>⑫</sup>償祿重。便詣王所。白言。我知梅檀香處。王便令近臣將窮人往伐取香樹。至到樹所。使者見樹。洪直。枝條茂盛。華

①如豆。豆如。②泥。陷。③今。令。④(人名)。⑤(梅)。⑥餅。餅。⑦還。還。⑧陰。陰。⑨恨恨。恨。恨。⑩親。親。+(內)。⑪時王得。後無幾問國王。⑫(頭痛禱祝天地山水諸神病不消差)十四字。⑬祝。祀。⑭名。召。⑮償。賞。



果<sup>①</sup>煌煌人所希見心不忍伐不伐者則違王命病不消愈伐之者中心隱隱踟躕徘徊不知云何樹神便於空中言<sup>②</sup>便伐之但置其根耳伐已以人血塗之肝腸覆其上樹自當生還復如故使者聞神言如此便令人伐之窮人住在樹邊樹<sup>③</sup>路<sup>④</sup>也地枝標殺窮人使者便與左右議言向者樹神言當得人血肝腸以祠樹心為憮然不知當以誰<sup>⑤</sup>塞此此人今死便以當之則屠割取其肝血如神所勅樹即更生車載所伐樹以還國中醫即進藥王病得愈舉國歡喜王命國中人民其有病者皆詣宮門王出香藥給之病皆得愈王身康寧黎民無病舉國忻<sup>⑥</sup>遂致太平阿難退坐稽首質言是窮人何無<sup>⑦</sup>反復違樹神重<sup>⑧</sup>言誓佛報曰乃往昔惟衛佛時有父子三人其父奉五戒行十善持八關齋未曾懈怠<sup>⑨</sup>大兒常於中庭空中燒香供養十方諸佛小弟愚癡不知三尊輒以衣覆香上兄謂言此大重何以犯之弟起惡意誓言斷兄兩足兄復起念當拍殺弟父言汝二子諍使我頭痛大兒報言願破我身為藥令父<sup>⑩</sup>疾損口不可妄<sup>⑪</sup>言故世世受罪弟與惡意欲斷兄足後果將人往斷樹兄欲拍殺弟今作樹神果因樹為體拍殺弟時國王頭痛者其父也奉齋精進故得尊貴時言使我頭痛後果頭痛各受其殃佛言罪福報應如影隨形佛廣為說身口意戒迦羅越則向須陀洹迹率將妻子以家<sup>⑫</sup>資上佛各發道願

佛說經竟迦羅越歡喜作禮  
佛說梅檀樹經

20808

佛說枯樹經一卷  
僧伽尼城北迦葉佛時偷婆<sup>⑬</sup>陷在下方金剛際佛從天上為母說法還於此城下阿難問佛佛從天下以何為幟佛言今當現證即申手下方執迦葉佛偷婆出此偷婆以雜色玉石作偷婆名僧伽尸迦葉佛父名說立婆留言慈造高三百肘方三里半本真七寶合故有七種色現城即以此偷婆為稱也迦葉阿難等所以於此地集經者有二事不得涅槃處出一者不在人中二者天人四輩來者皆當悲感心亂不靖聽故也集訖諸王於其處造僧伽藍名諸王寺在偷婆北後群茶王憐偷婆當城門王欲壞之勅城內嚴<sup>⑭</sup>鋤<sup>⑮</sup>當除之夜半偷婆便移從城上過音聲振國去城南二十里在林樹間止所勸王破寺臣者即誅五族王覩變知改為清信士自移來可四十年許諸王寺朽壞後有橫王出更修飾之今日現在  
佛說枯樹經

佛說內藏百寶經

20807

後漢月<sup>⑯</sup>氏三藏支婁迦讖譯

佛在羅閱祇耆闍崛山中時有萬二千比

丘僧菩薩<sup>⑰</sup>七萬二千人共坐文殊師利菩薩從坐起前白佛今菩薩大會欲從佛聞遍和拘舍羅<sup>⑱</sup>勝智所入事菩薩何因緣分別知內外事佛語文殊師利菩薩聽我所說隨世間習俗而入教佛智不可量經法<sup>⑲</sup>不可計諸阿羅漢辟支佛所不能知何況世間人當所聞知世間人所行皆著佛所行無所著獨佛佛能相知如佛經法所言如佛身內外心智慧  
佛何緣現世間何因當別知雖在世間皆不著悉為世間作明  
身所行口所言心所念隨世間習俗而入行內事行諸佛法所行無能過者佛所行無有能逮者隨世間習俗而入無有能知者  
佛用哀十方人故悉現明隨世間所喜為說經法

菩薩不從父母<sup>⑳</sup>遺精而生其身化作譬如幻示現父母隨世間習俗而入示現如是佛光焰不可計照明十方隨世間習俗而入示現七尺光明  
佛未嘗持足蹈地文相反現地隨世間習俗而入示現如是  
佛從數千萬億阿僧祇劫以來成就般若波羅蜜隨世間習俗而入示現小兒  
佛照明十方人於婬暝中隨世間習俗而入亦復現妻子  
菩薩生墮地時自說言天上天下無過我者我當過度十方人隨世間習俗而入亦復問太子閻浮提坐樹下時從是起去勤

①煌煌 ②使 ③路 ④塞 ⑤反 ⑥言 ⑦疾 ⑧言 ⑨資 ⑩佛說 ⑪不可 ⑫氏 ⑬七 ⑭不 ⑮遺 ⑯西域記 ⑰窟堵婆 ⑱勝智 ⑲又曰塔婆 ⑳支提等 此云廟或云墳

苦六年。隨世間習俗而入。示現人勤苦如是。佛道欲成時。於樹下獨坐。隨世間習俗而入。放光使魔知之。

佛智慧以成悉等。無有能過者。隨世間習俗而入。得佛坐安隱。示現世間如是。

雖得佛用。哀十方人。故當為說經度脫之。釋梵從佛求哀。為人故。使佛說經。隨世間習俗而入。示現如是。

佛智慧無有能增減者。隨世間習俗而入。示現智慧多少如是。

佛亦無所從來。去亦無所至。住如本無。隨世間習俗而入。呼佛為出入。示現如是。

佛無人所適住。譬如空亦無所適住。隨世間習俗而入。呼佛為住。示現如是。佛足譬如蓮花不受塵垢。佛洗足。隨世間習俗而入。示現如是。

佛身如金不受塵垢。佛現入浴。隨世間習俗而入。示現如是。

佛口中本淨潔。譬如鬱金之香。佛反以楊枝漱口。隨世間習俗而入。示現如是。

佛未嘗有飢時。用哀十方人。故為現飢。隨世間習俗而入。示現如是。

佛身如金剛淨潔。無瑕穢。無②清便。現人大小清便。隨世間習俗而入。示現如是。

佛身無有衰老時。但有眾德。而現身衰老。隨世間習俗而入。示現如是。

佛身未嘗有病。而現病呼醫服藥。與藥者得福無量。隨世間習俗而入。示現如是。

佛力不可當持。一指動十方。佛剎。現人羸

瘦疲極。隨世間習俗而入。示現如是。佛一念頃能飛至無央數佛剎。而現疲極。隨世間習俗而入。示現如是。

佛身如幻。以經法名為身。現人惡露身。隨世間習俗而入。示現如是。

佛本無所有。隨世間所喜樂。現所有。隨世間習俗而入。示現如是。

佛身力不可計。終無坐起行步。臥出。現人坐起行步。臥出。隨世間習俗而入。示現如是。

佛身終不以寒溫動。隨得寒溫陰涼。隨世間習俗而入。示現如是。

佛如空。現人常著衣。無有解時。譬如梵天人常著衣。隨世間習俗而入。示現如是。

佛頭未嘗墮髮。法但示人。亦無有見持剃刀去者。隨世間習俗而入。示現如是。

佛無坐時。現人勤苦於石上坐。隨世間習俗而入。示現如是。

佛咽喉有滋味之相。未嘗有飢時。用哀十方人。故有人施與麤惡。悉為受。隨世間習俗而入。示現如是。

佛功德之福不可盡。亦無有能過者。佛入城分衛。得空鉢出。隨世間習俗而入。示現如是。

佛功④德福不可盡。欲得天上天下名好衣。悉可得。故著補⑤納之衣。隨世間習俗而入。示現如是。

佛欲得舍宅床臥具。天上天下珍寶殿舍。悉可得。現世間人暴露精思草⑥。尊上坐。隨世間習俗而入。示現如是。

佛持威神吹海水。悉令枯竭。見天雨持傘蓋。隨世間習俗

而入。示現如是。

佛一念頃能使數千萬億魔不知佛處。現人為魔所嫉。隨世間習俗而入。示現如是。

佛悉曉了十方不可計諸佛所有經法。示現人反覆問。隨世間習俗而入。示現如是。

佛用哀十方。故出現世間欲教度。復現人供養得福無量。隨世間習俗而入。示現如是。

佛無本。隨世間所喜色。現身如是。本一。隨世間習俗而入。示現如是。

合聚十方雷電之聲。共作一聲。不能動佛一毛。現入禪三昧。當於無聲處。隨世間習俗而入。示現如是。

諸經法本無名。佛示人諸經法無央數。隨世間習俗而入。示現如是。

佛想計本。悉斷常不離三昧。現人為說若干種經法。隨世間習俗而入。示現如是。

佛前身所作善惡。不可前身得會。當後身得佛示人。自作自得。隨世間習俗而入。示現如是。

佛知世間本無人。諸所有本無形。佛現度脫無⑦央數人。隨世間習俗而入。示現如是。

佛知諸經法本空。本亦無所有。現人有更死生。隨世間習俗而入。示現如是。本無今世後世之事。佛現人有今世後世之事。隨世間習俗而入。示現如是。

五陰六衰四大合為一。本無有。佛示現人欲界色界無思想界。隨世間習俗而入。示現如是。

本無⑧過去當來。今現在人。佛現死生五道中人。隨世間習俗而入。示現如是。佛為悉

中人。隨世間習俗而入。示現如是。佛為悉

①(入)㊦㊧ ②清=團㊦㊧\* ③嘗=常㊦㊧ ④德+(之)㊦㊧㊨㊩ ⑤納=衲㊦㊧ ⑥尊=禪㊦㊧ ⑦央數=數央㊦㊧ ⑧過=邊㊦㊧



示愚癡皆盡現人本<sup>①</sup>布施隨世間習俗而入示現如是

過去當來今現在經法佛悉知其本佛示人可說有不可說隨世間習俗而入示現如是佛知諸經本末一切皆深佛分別各自說其事隨世間習俗而入示現如是

佛所<sup>②</sup>語無有異說四諦法隨人所解而說隨世間習俗而入示現如是

諸比丘僧難可敗壞<sup>③</sup>正使數千億萬魔來及諸惡不能破壞比丘僧佛現人破壞比丘僧隨世間習俗而入示現如是

經法本無從誰學亦莫不學者佛現人經法是受戒是不受戒隨世間習俗而入示現如是空空亦無繫亦無脫世間佛示人度脫隨世間習俗而入示現如是

佛般泥洹無所向阿羅漢般泥洹無所向佛說法示人隨世間習俗而入示現如是佛說無所生無所滅是為要亦無所得亦無所失隨世間習俗而入示現如是

佛說泥洹譬如燈滅無形但有字耳經法無有能壞者隨世間習俗而入示現如是佛悉知諸經法本無形佛現人說經法甚眾多隨世間習俗而入示現如是

諸佛心<sup>④</sup>皆無所罣礙未嘗離三昧時現人<sup>⑤</sup>生念隨世間習俗而入示現如是

佛諸惡悉盡但有諸功德具足佛現人諸惡未盡隨世間習俗而入示現如是

佛身行口言心念當與智慧俱是為本佛現人使比丘說經自復欲聞隨世間習俗

而入示現如是

佛智慧所解無有<sup>⑥</sup>竭底過去當來今現在本空佛現人說經法隨其所喜各各為說隨世間習俗而入示現如是

諸佛合一身以經法為身佛現為人說經法隨世間習俗而入示現如是

佛辟支佛阿羅漢未得道人現死生得泥洹隨世間習俗而入示現如是

佛現為羅漢說經法悉具足雖知其具足不及薩云若隨世間習俗而入示現如是

佛智慧無有能過者悉知無有過去當來今現在佛現所因緣說經法隨世間習俗而入示現如是

中有欲知佛及了佛法者經本端界悉入是人為曉了佛隨世間習俗而入示現如是

菩薩亦不入母腹中亦不從母腹中出何以故經法本界無所不入菩薩現人入母腹中隨世間習俗而入示現如是

無所從生法樂諸經法亦無所從生菩薩現人初生時隨世間習俗而入示現如是

菩薩母腹空定含受一佛境界菩薩各各現人因緣生隨世間習俗而入示現如是

佛化分身無有數不可復計佛刹悉遍至佛身亦不增亦不減隨世間習俗而入示現如是

菩薩常現生無有絕時常本無而住不勤苦隨世間習俗而入示現如是

佛智慧功德威神不可復計佛現人限長短使人知之隨世間習俗而入示現如是

經<sup>⑦</sup>法本界無有能過者過去當來今現在皆空故佛現人尊經法隨世間習俗而入示現如是

本無所生無所滅經本界悉入佛現人境界壞敗時隨世間習俗而入示現如是

經法本無所從生無形而住佛現經法隨世間習俗而入示現如是

觀本無亦無所見亦無所視佛視人悉見悉了悉知隨世間習俗而入示現如是

諸經法無有作者亦無所出生佛現人經法本無所出生隨世間習俗而入示現如是

泥洹及空無有形聲亦無有名佛現四大及形聲隨世間習俗而入示現如是

佛力無有雙比不可復計亦無滅盡時現人衰老求人給使隨世間習俗而入示現如是

佛慈哀悉遍等終無有厄難窮極時佛現癡人不當與從事隨世間習俗而入示現如是

佛諸功德成就悉具足佛現功德少所隨世間習俗而入示現如是

無所從生本從中亦無所出生佛現三<sup>⑧</sup>門者隨世間習俗而入示現如是

佛現本末無所罣礙功德福無有能過者佛現人有施與者不斯受趣足而已示不貪隨世間習俗而入示現如是

人有至誠善意念佛者佛即為現佛亦無處所佛現身行菩薩道者隨世間習俗而入示現如是

佛度脫不可復計阿僧祇人為不度一人何以故本無故隨世間習俗而入示現如是

① 布-有 ② 語-說 ③ 正-政 ④ 皆- ⑤ 生-坐 ⑥ 竭-端 ⑦ 法本-本法 ⑧ 門-闍

佛珍寶內藏經。人有聞者無有不得安隱。度數千萬億劫無數如是。菩薩世世所用十方人故。菩薩世世行經戒。未<sup>①</sup>曾有犯時。用是得佛智慧。有應是行得佛疾。菩薩行慈哀有益十方。無<sup>②</sup>有極作是行者得佛疾。何人聞是不奉行。佛威<sup>③</sup>神巍巍。其有聞經法莫不過度。佛說經已。文殊師利菩薩及諸菩薩等。皆歡喜前為佛作禮而去。佛說內藏百寶經

佛說犢子經

No. 808 [No. 809]

吳月<sup>④</sup>氏優婆塞支謙<sup>⑤</sup>譯

聞如是。一時佛在舍衛國祇<sup>⑥</sup>洹阿那<sup>⑦</sup>邠<sup>⑧</sup>遲阿藍精舍。爾時佛<sup>⑦</sup>遇風患當須牛乳。時有婆羅門大富去城不遠。時佛遣阿難言。汝往到婆羅門家從乞牛乳。阿難受教而往<sup>⑧</sup>。便<sup>⑨</sup>至婆羅門家。婆羅門問阿難<sup>⑩</sup>言。來何所求。阿難言。如來向者少遇風患<sup>⑪</sup>。故遣我乞牛乳耳。婆羅門言。牛在彼間自<sup>⑫</sup>取之。阿難即往到牛<sup>⑬</sup>群所<sup>⑭</sup>。有一牝牛。性常弊惡。無人能近。阿難即自思惟。我法不應自<sup>⑮</sup>取。取牛乳。語牛言。如來遇小風患。汝與乳<sup>⑯</sup>。湏令如來服之。差者汝得福無量不可稱計。如來者是天上天下之大師也<sup>⑰</sup>。當以慈心憂念一切蠕動之類。欲令度脫一切苦

惱。牛言。此手捫摸我乳。一何快耶。前兩乳取去。置後兩乳用遺我子。我子朝來未有所食。爾時犢子在邊立住。聞有佛名即語母言。持我乳分盡用與佛。佛<sup>⑱</sup>者天上天下之大師也。甚難得值。我自食草飲水足得活耳。何以故。我先身以來常飲乳食。今<sup>⑲</sup>當生牛身亦復飲乳。世間愚癡者甚多無量。我先世時坐<sup>⑳</sup>也。隨惡知識教不信佛經。使我作牛作馬經十六劫。而今乃得聞有佛名。持我所<sup>㉑</sup>食分。盡用與佛滿器而去。令我後世智慧聰明得道如佛。阿難持乳還至佛所。佛問阿難。彼牛母子有何言說。阿難言。大可怪也。牛先甚<sup>㉒</sup>大弊惡不可得近。有一婆羅門為我取乳。牛即調善<sup>㉓</sup>。母子共說。佛言。此牛子母。先<sup>㉔</sup>世時不信佛經。故墮牛馬中經十六劫。今乃得悟聞有佛<sup>㉕</sup>名<sup>㉖</sup>。便<sup>㉗</sup>有<sup>㉘</sup>慈心以乳施佛。彼牛母子。後<sup>㉙</sup>世當為彌勒佛<sup>㉚</sup>。沙門弟子得大羅漢。犢子死後當為我懸繒幡蓋。散華燒香受持經戒。過二十劫後當作佛。名乳光如來。度脫一切。佛言。牛以好<sup>㉛</sup>善心意與佛乳。故度諸苦難<sup>㉜</sup>。後得無量福報。以是因緣。佛不可不<sup>㉝</sup>信<sup>㉞</sup>。經不可不讀。道不可不學。普告天上天下皆悉。令知佛說犢子經

佛說乳光佛經

No. 809 [No. 808]

西晉<sup>㉟</sup>月氏<sup>㊱</sup>三藏竺法護<sup>㊲</sup>譯

聞如是。一時佛遊維耶離梵志摩調音樂

樹下。與八百比丘眾千菩薩俱。國王大臣人民。及諸天龍<sup>㊳</sup>鬼神。共會說經。時佛世尊適小中風當<sup>㊴</sup>。須牛乳。爾時維耶離國有梵志名摩耶利。為五萬弟子作師。復為國王大臣人民所敬遇。豪富貪嫉不信佛法。不喜布施。但好異道。常持羅網。覆蓋屋上。及其中庭。欲令飛鳥不侵家中穀食之故。所居處去音樂園不近不遠。於是佛告賢者阿難。持如來名往到梵志摩耶利家。從其求索牛乳<sup>㊵</sup>。湏來。阿難受教著衣持鉢到其門下。梵志摩耶利適與五百上足弟子。欲行入宮與王相見。時即出舍。值遇阿難。因問言。汝朝來何其早。欲何所求。阿難答曰。佛世尊身小不安隱。使我晨來索牛乳。湏。梵志摩耶利默然不報。自思惟。我若不持乳。湏與阿難者。諸人便當謂我慳惜<sup>㊶</sup>。適持乳與。諸餘梵志便復謂我事瞿曇道。進退<sup>㊷</sup>。惟宜。雖爾續當指授與弊惡牛。自令阿難取其乳。又是瞿曇喜與我等共諍功德。常欲得其勝。當使是弊惡牝牛。舐殺其弟子。即可折辱其道。便見捐棄。我可還為眾人所敬。阿難得乳若不得乳。趣使諸人明我不惜為牛所殺。不能得乳。我意已達於我無過。梵志摩耶利時謀議是事已。即告阿難。牛朝已放在彼<sup>㊸</sup>。裏<sup>㊹</sup>。汝自往取其乳。湏。摩耶利勅其兒使言。汝將阿難示此牛處。慎莫為<sup>㊺</sup>。提取牛乳。湏。試知阿

①曾-嘗<sup>㉟</sup> ②有極<sup>㊱</sup> ③神-福<sup>㊲</sup> ④氏-支<sup>㊳</sup> ⑤(初)-譯<sup>㊴</sup> ⑥洹-桓<sup>㊵</sup> ⑦過風患-患風<sup>㊶</sup> ⑧(便)-<sup>㊷</sup> ⑨至-到<sup>㊸</sup> ⑩(言)-<sup>㊹</sup> ⑪故遣我-使我來<sup>㊺</sup>。故使我來<sup>㊻</sup> ⑫(群)-<sup>㊼</sup> ⑬(有)-<sup>㊽</sup>。有一-牝牛性常-牛當<sup>㊾</sup> ⑭乳+(婆羅門言諾即前以右手捫摸牛乳)-<sup>㊿</sup>\* ⑮湏-彙<sup>㉀</sup>(亦作馵乳汁也)-<sup>㉁</sup> ⑯當-常<sup>㉂</sup> ⑰者+(是)-<sup>㉃</sup> ⑱當-作畜<sup>㉄</sup> ⑲食+(乳)-<sup>㉅</sup> ⑳(大)-<sup>㉆</sup> ㉑(子)-子母<sup>㉇</sup> ㉒(世)-(之)-<sup>㉈</sup> ㉓(名)-<sup>㉉</sup>。明註曰南藏無名字 ㉔(便)-使<sup>㉊</sup> ㉕(有)-<sup>㉋</sup> ㉖(我)-<sup>㉌</sup> ㉗(世)-身<sup>㉍</sup> ㉘(作)-沙門<sup>㉎</sup> ㉙(善)-心善<sup>㉏</sup> ㉚(後)-<sup>㉐</sup> ㉛(信)-事<sup>㉑</sup> ㉜(月)-氏<sup>㉒</sup>。請見次頁



難能得乳不。時五百弟子聞師說是悉大歡喜。即復共疑怪。阿難向者所說事。則相謂言。寂志瞿曇常自稱譽。我於天上天下最尊。悉度十方老病死。佛何因緣自身復病也。五百梵志共說此已。爾時維摩詰來欲至佛所。道徑當過摩耶利梵志門前。因見阿難即謂言。何為晨朝持鉢住此。欲何求索。阿難答曰。如來身小中風當須牛乳。故使我來到是間。維摩詰則告阿難。莫作是語。如來至真等正覺身。若如金剛。眾惡悉已斷。但有諸善功德共會。當有何病。默然行。勿得効外道誹謗如來。復慎莫復語。無使諸天龍神得聞是聲。十方菩薩阿羅漢皆得聞此言。轉輪聖王。法輪在前。用無數德故。尚得自在。何況從無央數劫。布施於一切人。如來至真等正覺。無量福合會成。如來身。阿難莫復使外道異學。梵志得聞是不順之言。何況世尊身自有病。不能療愈。何能救諸老病死者。如來至真等正覺。是法身非是未脫之身。佛為天上天下最尊。無有病。佛病已盡滅。如來身者。有無數功德眾。患已除。其病有因緣不徒爾也。阿難。勿為羞慚。索乳。疾行慎莫多言。阿難聞此大自慚懼。聞空中有聲言。是阿難。如長者維摩詰所言。但為如來至真等正覺。出於世間在於五濁弊惡之世。故以是緣示現。度脫一切十方貪婬瞋患愚癡之行。故時往取乳。向者維摩詰雖有是語。莫得羞慚。阿難爾時大自驚怪。謂為妄

聽。即還自惟言。得無是如來威神感動所為也。於是五百梵志聞空中聲。所說如是。即無狐疑心。皆踊躍悉發無上正真道意。爾時梵志摩耶利內外親屬。及聚邑中合數千人。皆隨阿難往觀牛。阿難到即住牛傍。自念言。今我所事師作寂志者法。不得手自取牛乳也。語適竟。第二忉利天帝座即為動。便從天來下。化作年少梵志。被服因住牛傍。阿難見之心用歡喜。謂言。年少梵志請取牛乳。即答阿難。我非梵志。是第二忉利天帝釋也。我聞如來欲得牛乳。故捨處所來到此間。欲立本德故。阿難言。天帝位尊。何能近此腥穢之牛。帝釋答曰。雖我之豪。何如如來尊。尚不厭倦建立功德。何況小天。我處無常。皆當過去。今不立德。何福將盡。後無所怙。阿難報釋。設欲為我取牛乳者。惟願用時。釋應曰。諾。尋即持器前至牛所。時牛靜住。不敢復動。其來觀者皆驚怪之。年少梵志有何等急。來為瞿曇弟子。而取牛乳。若儻為是弊惡牛所舐。踏死。奈何不自。令寂志前取牛乳。帝釋爾時即為阿難取牛乳。而說偈言。

今佛小中風 汝與我乳湏 令佛服之差  
得福無有量 佛尊天人師 常慈心憂念  
娟飛蠕動類 皆欲令度脫

爾時犢母即為天帝釋說偈言  
此手捫摸我 何一快乃爾 取我兩乳湏  
置於後餘者 當持遺我子 朝來未得飲  
雖知有福多 作意當平等

於是犢子便為母說偈言。我從無數劫。今得聞佛聲。即言持我分。盡用奉上佛。世尊一切師。甚難得再見。我食草飲水。可自足今日。我作人已來。飲乳甚多。久及在六畜中。亦爾不可數。世間愚癡者。亦甚大眾多。不知佛布施。後因悔無益。我乃前世時。慳貪坐抵突。復隨惡知友。不信佛經戒。使我作牛馬。至于十六劫。今乃值有佛。如病得醫藥。持我所飲乳。盡與滿鉢去。令我後智慧。得道願如佛。

時天帝釋即為阿難。取牛乳湏得滿鉢去。阿難得乳意甚歡喜。於是梵志從聚邑中。來出觀者。悉聞此牛子母所說。皆共驚怪。展轉相謂言。此牛儻常時弊惡。人不得近。今日何故柔善。乃爾。想是阿難所感發耳。瞿曇弟子尚能如此。何況佛功德威神變化。然而我等不信其教。即時歡喜信解佛法。梵志摩耶利門室大小。聚邑男女合萬餘人。皆悉踊躍。遠塵離垢。逮得法眼。阿難持乳還至佛所。是時世尊適為無數千人說法。阿難即前更整衣服。長跪叉手而白佛言。向者奉使詣梵志摩耶利家索乳。牛之子母便作人語。我聞其言大驚怪之。佛告阿難。是牛子母悉說何等。而汝意疑。阿難白佛。此摩耶利有一牛。大弊惡喜舐踏人。家中人使初不敢近。主雖不得取乳。者但令產乳。是牛自產犢大且好。勝於餘犢百千倍也。梵志密勅兒。使制不得令

33 三藏+(法師) 34 (第二)+譯 35 (鬼)- 36 須-得 37 湏-類 38 適- 39 惟-唯 40 捉-轍 1 日-言 2 乳-類 3 勿-得 4 (復)- 5 法- 6 尚- 7 患-惡 8 徒-從 9 乳-類 10 得-復 11 自-思 12 來-共 13 令-全 14 (而)+說 15 於是犢子便為母說-爾時犢子即為天帝釋而說 16 多-大 17 佛-作 18 困-因 19 令-今

①為我取乳。我自念言。沙門法不應手自取。言適竟。第二忉利天。帝即來下。化作年少梵志。被服因住牛邊。我言。倩卿殺取牛乳。帝釋言諾。便前取乳。即告牛言。今世尊小中風。當用乳。汝與如來乳者。得福無量。於是牛語答帝釋言。取我兩乳。置兩乳。渾以遺我子。犢在母邊。聞世尊名。心大歡喜。便語母言。持我乳分。盡用上佛。如來世尊。天人所師。甚難得值。我作人時。飲乳久。作畜生時。亦復如是。世間愚癡者。甚大。不知布施。後世當得其福。我乃前世。坐隨惡友。不信經道。意行。舐突。是故使我墮牛馬中。十六劫。乃得聞佛聲。悉持餘乳。用上如來。願後智慧。得道如佛。牛母犢子。說事如是。佛告阿難。實如牛子母所說。佛言。諦聽我之所言。此牛子母。乃昔宿命時。曾為長者。大富樂饒財寶。復慳貪不肯布施。不信佛經戒。不知生死本。常喜出錢財。外人來從舉息錢。日月適至。意多。債息無有道。理。既償錢畢。復謾抵人言。其未畢。但坐是故。墮畜生中。十六劫。今聞我名。歡喜者何。畜生之罪。亦當畢。是故聞佛聲。便有慈心。以乳與佛。用此因緣。當得解脫。佛爾時笑。五色光從口出。天地為大震動。光照十方。還繞身三匝。分為兩分。一分入臍中。一分從頂入。便不復現。於是阿難。即前長跪。叉手白佛言。佛不妄笑。會當有緣。佛告阿難。汝所問者。大善。何以故。此牛子母。却後命盡。七反生兜術天。及梵天上。七反生世間。

當為豪富家作子。終不生三惡道。所在常當通識宿命。當供養諸佛。為懸。繒幡。蓋散華燒香。受持經法。牛母從是因緣。最後當值見彌勒佛。作沙門精進。不久當得羅漢道。犢子亦當如是。上下二十劫。竟當得作佛號曰乳光。國土當名幢幡光明。乳光如來。得作佛時。當度天上天下萬民。及蜎飛蠕動之類。其數當如恒沙數。爾時國中人民。皆壽七千歲。被服飲食。譬如北方尊上天下。佛在世間。教授四萬歲。般泥洹後。經法住止萬歲。乃盡。佛告阿難。牛之子母。以好心善意。布施與如來。乳渾俱得度脫。如畜生尚有善心。何況作人。六情完具。能別知好醜。而不信明生所從來。死所趣向。復不知佛經戒。不信布施。後世當得其福。人但坐慳貪。故還自欺身。心念惡。口言惡。身行惡。愚癡之人。皆由。是不得解脫。說經已。會中五百長者。子悉發無上正真道意。三千八百梵志。本不信佛法。聞經踊躍歡喜。應時得須陀洹道。五百人本不信生死罪福。見佛變化。悉受五戒。為清信士。佛說經已。比丘眾長者。梵志人民。皆大歡喜。稽首佛足而退。佛說乳光佛經。

諸佛要集經卷上

20610

西晉月氏三藏法護譯

聞如是。一時佛遊摩竭國柰叢樹間。於其

鄉土。北有山。名因沙舊。樹石室。與大比丘眾俱。比丘五千。菩薩二萬。皆不退轉。不起法忍。身口意定。總攝三世。獨步三界。開化眾生。應病與藥。各令得所。文殊師利。彌勒菩薩等。復有諸天。八萬四千。悉志佛道。爾時四部。各往詣佛。雖欲聽經。不能專精。厭所講法。各各忽忽。多所務求。追逐五濁。以為事業。佛心念言。眾人患厭所宣道教。不肯復來。諮受法言。不見如來。不聞正典。不入心耳。心不思惟。不能修立。佛自念言。吾欲示現如像。燕處。不自現形。到他方佛土。與諸佛俱。宣講諸佛之要集。佛復觀之。諸佛世尊。會於何方。輒覩東方。去是八萬四千億諸佛世界。國名普光。佛號天王。如來至真等正覺。現在說法。諸佛會彼。佛告阿難。如來當入因沙舊室。燕坐三月。諸天龍神。阿須倫。迦留羅。真陀羅。摩休勒人。與非人。若有來者。解喻其意。勿令入室。阿難白佛。大聖垂恩。有尊巍巍。神妙諸天。其威洞徹。身形微妙。心意叵見。往來周旋。不能將護。難既弱劣。無神足力。離大德鏡。神變所為。不及目連。大目連者。如來諮嗟神足第一。飛到十方。無所罣礙。獨可委付。護於後事。佛告阿難。勿有此言。如來至真。不須人護。今佛觀察天上世間。諸魔梵天。沙門梵志。諸天人。民。阿須倫。無能作威動。移如來無上至真之所建立也。汝且默然。如來在眾。能自將護。不須衛者。又若

①為(乳)而(取) ②乳(釋) ③帝+(釋) ④坐(生) ⑤舐(抵) ⑥(在)+外 ⑦債(責) ⑧術(率) ⑨繒(惜) ⑩(蓋) ⑪是+(故) ⑫(佛)+說 ⑬(月氏) ⑭三藏+(法師) ⑮北(比) ⑯名+(口) ⑰晉(此) ⑱部+(弟子) ⑲務(慕) ⑳典(法) ㉑示(不) ㉒燕(宴) ㉓休(暇) ㉔民+(及)



阿難若有<sup>①</sup>比丘比丘尼清信士清信女諸天龍神阿須倫迦留羅真陀羅摩休勒人若非人來到爾所如來至真<sup>②</sup>如在燕坐汝當為說如是道教法難可遇了義亦<sup>③</sup>然人身難得經道希有如來興世劫數時出能信如來所宣經<sup>④</sup>典出家為道見善師友能從啟受精進愛樂亦復難遭若復蒙覩明經比丘講清淨法此不可得<sup>⑤</sup>心好<sup>⑥</sup>放施若遭眾祐<sup>⑦</sup>授於供養受能淨畢是亦難遇假使孝順反復報恩又勤學問遵持經戒<sup>⑧</sup>至死不毀是亦難<sup>⑨</sup>值若復有人愍哀眾生而發無上正真道意適發心已尋能奉順隨佛之教究竟菩薩<sup>⑩</sup>是最難矣

佛告阿難如來燕坐四部之眾諸天龍神阿須倫等人與非人來到爾所欲聽經法當為宣傳如是法教佛復語阿難汝承佛教為宣如斯如來至真無數方便隨時化人棄捐非法迷惑邪見汝等承命修正真教阿難於彼何謂邪見謂禮他人妖偽之術<sup>⑪</sup>順於諸天奉事鬼神枯骨朽木山樹江河泉<sup>⑫</sup>原石神天地日月東西南北北斗社君蟒蛇鳥獸<sup>⑬</sup>糜鹿蛟龍承事若干殊異<sup>⑭</sup>魍魎是謂邪見復次阿難計受吾我著人壽命斷滅計常是謂邪見舉要言之當復為汝說<sup>⑮</sup>微邪見若族姓子及族姓女自起妄想欲得聲聞緣覺之乘若<sup>⑯</sup>復得佛當取滅度是悉<sup>⑰</sup>為邪見復次阿難如來至真在於燕處當為<sup>⑱</sup>解說如斯法要汝等學人<sup>⑲</sup>常當慕法義樂於法樂以法為上念修清

淨好於篤信多所歡悅慚愧恭恪戰戰恐畏在於二界不疑解脫慈悲喜護行四等心所<sup>⑳</sup>逕歷處常能應時忍辱和雅謙遜下意但歸於義不取嚴飾唯歸於慧不取識著唯歸妙經不取綺<sup>㉑</sup>辭唯歸正法不取於人教令遵修深妙法忍所言解度謂三脫門勤奉空行不計吾我修於無<sup>㉒</sup>想棄捐希望遵行無願消除所誓當為眾生說十二<sup>㉓</sup>因緣一切諸法從因緣起設無因緣則無所起亦無所滅當審諦觀十二因緣起察其根<sup>㉔</sup>源而奉行之彼若不諦觀十二因緣而致此難當云何觀阿難當知十二牽連悉無所生無所生者不起法忍若不生念是為審諦觀十二因緣當復分別賢聖正行為眾說法何謂聖諦所行誠信其聖諦者若以心聽計於聖諦無誠無欺無誑<sup>㉕</sup>無欺者以是之故名曰聖諦真諦之義是謂誠信而無所生其<sup>㉖</sup>真諦者實為真正為離欲諦為信<sup>㉗</sup>解諦無言辭諦無所行諦不造<sup>㉘</sup>苦諦無所有諦無不應無舉無下諦則為一諦無有罪諦不滅度諦則無為諦假使阿難解一切法不起不滅悉無所住無異眾生是謂賢聖諦以故如來說如此法賢明弟子行於無為欲曉了慧令苦不起至無所生是謂苦諦若遭惱患在於苦痛不<sup>㉙</sup>集諸行斷於因緣因緣已斷是曰棄<sup>㉚</sup>捨於習諦矣若能永滅盡一切苦長無所生是謂盡諦何謂道諦若修道<sup>㉛</sup>義不為二業善不善法入一品<sup>㉜</sup>門求如是路是則名

曰為三脫門諸過去佛及與弟子由<sup>㉝</sup>此道路至無所至而取滅度是為名曰八賢聖路一日正見二日正念三日正言四日正業五日正<sup>㉞</sup>活六日正<sup>㉟</sup>方便七日正意八日正定以此護意因說平等性<sup>㊱</sup>以平等則於諸法不懷<sup>㊲</sup>妄想此乃名曰<sup>㊳</sup>還入徑路又復阿難說法若<sup>㊴</sup>茲汝等精勤歸四意止為諸眾會<sup>㊵</sup>頒宣解說三十七品道行之法使立法教何謂於彼三十七品若住順義悉達自然假文字耳若等文字如來以此建立諸法是諸文字亦自然空不生不壞若有說者不說亦等不增不減所以文字以等故等假使阿難比丘等知文字是道品法所住順義又復阿難如來在燕若有天龍鬼神<sup>㊶</sup>健查<sup>㊷</sup>想人非人來當為講說三世平等何謂為三過去<sup>㊸</sup>已滅當來不現現在無住墮在顛<sup>㊹</sup>倒是亦本淨一切諸法亦復悉空無有三世亦無所住過去<sup>㊺</sup>已空當來亦空現在亦空亦如空空無空亦空<sup>㊻</sup>如三世空人空亦如是三世空名曰平等入於一義無有若干若為說法能除三界乃為安耳何<sup>㊼</sup>謂能除三界若有比丘應時思惟而觀察之欲界色界無色界者心<sup>㊽</sup>想所生其思想者亦無所有其無所有了三界已無想<sup>㊾</sup>而想無進<sup>㊿</sup>無<sup>㊽</sup>怠無所建立亦不誓願不思不念皆<sup>㊾</sup>捨心念得三脫門慇懃專精而修明證奉

①(比丘...信女)十一字 ②(毀除士毀除女薰士薰女)十字 ③如-而 ④然-難 ⑤典-法 ⑥放-於 ⑦授-受 ⑧至 ⑨(而) ⑩死 ⑪值-信 ⑫是+(則) ⑬順-敬 ⑭原-流 ⑮源 ⑯糜-糜 ⑰魍魎-罔兩 ⑱微-彼 ⑲復-欲 ⑳(為) ㉑解說-講說 ㉒(常) ㉓逕-經 ㉔辭-詞 ㉕想-相 ㉖(因) ㉗(因) ㉘源-原 ㉙(無) ㉚真-直 ㉛解-脫 ㉜苦-業 ㉝集 ㉞(習) ㉟捨 ㊱義-誼 ㊲門 ㊳(明) ㊴此-是 ㊵活-治 ㊶(方) ㊷以-已 ㊸妄-望 ㊹還-逮 ㊺茲-是 ㊻頒-班 請見後

三脫門空無相願。何謂三脫。得至明證不捨平等。暢於諸法無作不作。知一切法皆當歸盡。不入於禪意不墮落。不計有一亦無若干。是三脫門而得明證。又復阿難。當為說法使去五陰。何謂為五色。痛想行識是為五陰。若受此者則為盛陰。不受無陰。假使修行處於閑居。當作此觀。如來常說。色如聚沫。痛痒如泡。想如野馬。行如芭蕉。心識如幻。佛光踰日。慧越虛空。親說言。教告修行者。當作此觀。如來所講可入義者。吾不解了。不即啟解。欲界如聚沫。是亦空耳。色界亦無。無色無處。不著三界。其不猗者則無處所。聚沫無我。無人壽命。以是之故。一切諸法無人眾生。悉如聚沫。水泡野馬芭蕉。識如幻化。亦空。不著三界。若遊諸法不著三界。無有處所則無所猗。其幻化者不復處當我人壽命。其了實者亦無我人壽命之本。其觀五陰如是無處則無五陰。又復阿難。當復說法分別消除內外六入。具分別之。何謂內外六入。如來常說。其吾我空。所以者何。悉本淨故。眼耳鼻口身意亦空。本淨無身。假使本淨。空無諸入。則無色聲香味細滑法處。設無眼耳鼻口身意。無因緣識。無內外六入。何謂外六入。於一切法悉無所受。亦無所捨。從思想生。外諸六入。不習諸入。則無處所。佛語阿難。如來燕坐。若有人來當為解說。如佛法義。佛建威神顯其變化。若有應器當應度者。悉聞此法。其餘眾人都不見聞。觀佛默

然口無所說。講是法時。五千比丘漏盡意解。四萬二千天子遠塵離垢。得法眼淨。三百比丘尼得阿羅漢。七千眾人得離愛欲。爾時世尊教阿難已。復告阿難。汝詣石室。當為如來布其座席。唯用芻草。如來坐上三月燕處。阿難白佛。當施床榻布令細濡。用芻草為佛告阿難。且止且止。諸過去佛如來至真等正覺。皆用芻草以為座席。不以柔濡文飾重座為佳快也。修順道法。乃為大安。阿難受教即從坐起。捨於眾會。出外求草。應時無數百千億天。各取柔濡。天上好草。著阿難前。阿難即取持詣石室。為佛敷設芻草之座。敷這竟已。應時無數百千億天。各取天衣敷著草上。所敷衣具其數甚多。設著天下不能悉受。佛之威神變所敷衣。高四寸耳。佛從座起入帝樹石室。無量妓樂不鼓自鳴。天雨眾華。大千世界積至于膝。佛這燕坐三昧正受。化其石室皆如水精。三千世界諸有眾生。德本純淑。悉見如來坐於石室。猶如明鏡見其面像。佛演右掌百千億光。其光普照三千大千世界。日月之光。悉為覆蔽。當爾之時。一切眾生除淫怒癡。不懷自大貢高嫉妬。亦無勞倦鬪訟之患。慈心相向。如父如母。如兄如弟。如子如身等。無有異。世尊三昧。其行永定。無住無業。自然如空行無妄想。三千大千世界六反震動。應時佛土見佛威神力變化。二萬二千天子皆發無上正真道意。各取天華散於石室。以供養佛。

繞室三匝。忽然不現。天所散化。悉覆山澗。化為佛寺。其香普周三千世界。莫不聞薰。佛便變身。詣於天王。如來至真等正覺所。至普光世界。爾時十方江河沙等剎土諸佛。因五濁世眾生難化。故皆現詣天王佛所。亦如能仁如來。至真。彼土若斯。淫怒癡盛。自大憍慢。反逆不孝。諛諂邪念。志在下度。所以者何。本土眾生不往見佛。不肯啟受。既有所聞。不聽不入。不思奉行。以故諸佛善權方便。而坐燕室。更化變形。詣普光界。天王佛所。講說分別諸佛要集。何謂佛要集。諸佛世尊所載眾行。以備無所。復進最後究竟。愍愛眾生。故名諸佛要集。經典之義。如來至真滅度之後。當為眾生發去覆蓋。諸佛大聖。則是法主。德過須彌。智超江海。道越虛空。不可為喻。用一切愚人。懈怠放逸。不順法教。復受經典。彼等何故。懈廢迷荒。纏綿陰蓋。不免三趣。諸佛世尊。見此義。故合要集法。于時於彼普光世界。不可計會無數諸佛。悉共集會。其土。何故而謂普光。彼土純真。無有聲聞緣覺之名。皆諸菩薩。充滿備悉。其土菩薩。各各自有金色光明。相好嚴身。光耀普照。靡不通遍。故謂普光。何謂諸佛要集。則如真諦。遵崇諸法。何謂諸法。何謂為崇。何謂為遵。一切諸法。悉為一法。此諸法者。亦無有法。亦無非法。亦不可說。

40 捷-捷(自) 41 已-以 42 到-倒 43 已-亦 44 如-知 45 謂+(於彼) 46 想-相 47 而-不 48 無-不 49 怠-殆 50 捨+(不聽) 1 越-日 2 親+(自) 3 (者) 4 (作) 5 猗-倚 6 化+(其幻) 7 說法-知諸法 8 設-故 9 (外) 10 諸-識 11 此-是 12 得-諸 13 諸法 14 濡-軟 15 文-服 16 文-飾 17 眾-聚 18 阿難前-難前前 19 這竟已-設適竟 20 天+(人) 21 帝樹-於 22 妓-伎 23 這-適 24 淫-姪 25 懷-壞 26 (如) 27 化-華 28 澗-間 29 三-二 30 薰-香 31 諛-論 32 在下度-偽不等 請見後



所以者何。其無法者則無所生亦無所起。而為說法不久長存。以假言耳。內有六入外亦六入。五陰諸種及與諸入。是謂一切所有。以假言耳。分別章句。一切諸法如真諦觀。則無五陰四種諸入。無有斷滅亦無有常無有堅固。是故言曰諸法無言。一切諸法本淨則空無有其名。其命所說亦無所有。一切諸法及與名號。皆亦自然悉無所有。是諸佛要集。何謂為崇。謂崇澹泊。悉無所生。崇於無欲。崇於真諦。崇於無本。而崇法界。崇於本際。諸法悉空。崇此真諦。一切諸法皆無所住。無所習行。無行不行。威儀禮節。不取當來。無我<sup>①</sup>所。無<sup>②</sup>諸所受業。則無君主亦無被服不可<sup>③</sup>覩見。為究竟盡故不可盡。假有文辭。其無盡者則無所生。其為本淨。謂志澹泊亦無所生。捨離所生及無所生。已所崇者無聲無寂。無能墮落亦無退者。除諸勸助。則無有底亦不無底不起<sup>④</sup>不生。講宣平等亦無想念。無近無遠亦無足跡。故謂為崇。是所崇者謂入法城。一切諸法假有號耳。無來無往。無得無不得。無有將往亦無還返。不正不邪。不聞不見。無念無知。不恐不懼。無愛無處。無寂不寂。不麤不細。不長不短。不中不彼。不來不藏。不得因緣。不安不危。悉不曉了。亦無所行。無所興廢亦無蠲除。不令發起。不養不眠。不思不想。不達不<sup>⑤</sup>念。無有限節。所念無量。無守無護。無所呼來。不<sup>⑥</sup>度彼岸。不有處不無處。不斷滅不計常。不失不得。無去來

今。無慧無不慧。不眾不寡。無音不言。亦不所入。無恐無字。亦不入文。不動不搖。不遠不近。無禮無不禮。不希名稱。亦無吾我。無人壽命。不戒不犯。不忍不諍。不進不怠。不<sup>⑦</sup>可所不無所。非清非無清。非空非無空。不身不無身。不講名號等如<sup>⑧</sup>空空。無<sup>⑨</sup>畢無不畢。不教化。不願不離。不作無不作。以無殃覺。亦不除罪。無想無不想。不動不捨。施亦不<sup>⑩</sup>受之。初不與之。不調不寂。不滅不等。不使<sup>⑪</sup>灰盡。不塵不離塵。不墮不落。不染無不染。不忘不念。亦不愁亦不憂感。無思無不思。無應無不應。無雙無隻。不遊不在。不此際不彼岸。不彼不此。不臨岸不陸地。無底無中。不<sup>⑫</sup>住度。無能度者。不動跡不志願不退轉。不合會。不斷不壞。不還合。不相比。不著不脫。不取無不取。不虛空無不空。光明無底。不愛壽命。無人無教。常當講說捨諸處所。是入法城。其不入者著菩薩字。說無著法不見住處。斯<sup>⑬</sup>曰為崇。是佛要集。何謂為遵。諸法常住住於法界。其能奉行如是法者。是謂為遵。何謂為法。所名法者不念於法。無所除毀。不懷希望。無<sup>⑭</sup>不望。設無所望亦無想報。若不想報則除一切妄想。不造多。不為少。不起不斷。不念過去。不想<sup>⑮</sup>見當來。不住現在。如是行者等於三世。則無言說。不用住故而致眾生。是謂為法。是故如來演此言教。佛與不與相住如故。法界亦然。法界住者法界寂然。以何等故名曰為法。致寂然者以純淑喻。因此故曰

諸法寂然。何謂無純。計是我所自謂有身。因緣諸見名色思想。處所言辭。識知依倚。所謂名號。心思稱量。觀察本末。意所<sup>⑯</sup>思惟。受諸五陰四大諸入。我當勸助開化三界。以當棄捐。姪怒癡。名奉修道。教證三脫門。致於道迹。往來不還。至羅漢道。吾當思念。修四意止。<sup>⑰</sup>意斷<sup>⑱</sup>神足。根力覺意。至於八道。三十七品。照明四事。滅盡塵勞。是為聲聞。名曰不<sup>⑲</sup>純。於彼何謂為寂然者。行菩薩乘。發大心言。我當成佛。務求道慧。於此所行。我當布施。捨于慳貪。施以法財。淨其禁戒。斷於眾缺。謹慎守行。建立忍辱。刈其瞋恚。為柔濡行。當修精進。<sup>⑳</sup>推懈怠。垢。遵修勤<sup>㉑</sup>力。處於閑居。修於正受。教化為師。還得一心。從三昧起。念般若。若波羅蜜。奉行其義。智度無極。開化眾生。以求佛道。一切諸佛由般<sup>㉒</sup>若生。還成佛道。降伏眾魔。則轉法輪度脫人民。以佛無為而令滅度。究竟佛慧。學諸佛事。宣<sup>㉓</sup>暢如來十力之業。佛十八法。諸力根本。四無所畏。分別辯才。多所暢達。菩薩所說。建立。應念出入進退。是為處所。一切望。想諸所受取。敢可施行。無有此法。是謂純淑寂然之<sup>㉔</sup>無。其寂然者。斯謂為法。是則名曰諸佛要集。

佛言。次復所言。諸佛要集。則是初發菩薩心者。言教之謂。何謂初發菩薩心者。謂無從生。所以者何。於一切心而無

①諸(世)界(諸)佛(載)戴(以)己(慈)愛(愛)愍(主)王(人)典(彼)法(廢)廢  
 ②陰(所)無(諸)覩(不)無(念)定(度)渡(可)何(可)非(不)空(虛)  
 ③畢(卑)受(授)灰(不)無(不)住(往)日(謂)不(希)見(見)思(專)思(四)意(四)  
 ④(四)神(純)淳(務)慕(推)除(力)力(還)逮(若)若(波)羅(蜜)暢(揚)無(元)次(復)復(次)

有心。其無心者則無所生。無所生者是初發心。因得還致無所從生法忍。又若初發菩薩心者堅固其意。於此菩薩當發其心猶如金剛。何謂發心如金剛者。菩薩發心有十事行為若金剛。何謂為十。一曰遊於無量生死之難。二曰一切所有施無所惜。三曰常有等心加於眾生。四曰我皆當度一切眾生。以佛滅度而滅度之。五曰度眾生已亦無有人至滅度者。解一切法無所生故。六曰分別曉了一切諸法。七曰常加精進無所遺漏。八曰其慧普入靡所不達。九曰具一切智了入一門。十曰諸所愛重無有增減。不以貪惜斷諸所著。是為菩薩發心十事。心如金剛。是佛要集。

佛言。菩薩復有發心。皆於三界不起眾想。不起無想。又佛要集。謂當奉行六度無極。何謂為六。有俗檀波羅蜜。沒於世俗不應度世。亦有度世檀波羅蜜。不墮於俗。持戒忍辱精進。一心般若波羅蜜。亦復如是。或有行俗般若波羅蜜。不應度世。或有行度世般若波羅蜜。不墮於俗。何謂為俗檀波羅蜜。不應度世。於是菩薩廣有所施。供給沙門外學。梵志貧窮乞匄。不安己者。飢者與食。渴者與漿。車乘象馬。床臥衣被。金銀珍寶。妻子男女。國邑墟聚。外諸所有若干種物。無所愛惜。悉能惠捨。作是施已。計於吾我。猗其所施。今我出養。彼人受之。我為施主。無所貪惜。以從佛教行檀波羅蜜。今所施者。以反施心。願及一切眾生之類。

還此勸助。令我所施。當使眾生永得安隱。作是施者。有三著礙。何謂為三。一計吾我。二計他人。三計妄想施。是為俗檀波羅蜜。不應度世。何者爾乎。纏綿在俗。不得度故。何謂度世檀波羅蜜。不墮於俗。能淨三品。何謂為三。一於是菩薩若布施時。不得吾我。二不見受者。而有所取。三有所施。未曾妄想而求還報也。是謂為三。有菩薩施以用勸助一切眾生。若施眾生不親受者。而有所取。則用勸助於無上正真之道。彼不察見所取食法。是則名曰度世檀波羅蜜。所以者何。得度世故。何謂在俗。謂五盛陰之所覆蓋。能捨此五。則曰度世。其無吾我無所想念。亦無所猗。悉無所著。是曰度世。若已受戒。謂他毀禁。不應法行。若復開化若干弟子。因我得度。我當成佛救濟眾生。自計有身不解本無。是俗尸波羅蜜。不應度世。雖已持戒不計吾我。不見他人毀法亂禁。悉等濟之。不捨生死不猗無為。雖度眾生。悉了無本。忍辱精進。一心智慧。亦復如是。無所著者。則應度世。有所著者。則墮於俗。又諸世間書疏呪術。章句算計。五經六藝。王者典籍。神仙之業。所學智慧。而有希望。是為墮俗般若波羅蜜。若於俗間。所有希望。不以為慧。曉空無相。無願之法。平等三世。無去來今。等於三塗。解法身。不在生死不住滅度。開化一切普無所住。是為度世般若波羅蜜。是佛要集。

無所從生法忍。三千大千世界六反震動。天雨眾華。其大光明普照十方。又佛要集者。謂菩薩地所入之處。何謂為地所。云入者。於一切法。悉無所入。諸法無來亦無有去。一切諸法亦無所失。不念道地亦無所想。修治其地不見處所。何謂修治其地。菩薩修學第一住者。有十事法。何謂為十。一曰清和其性。二曰愍哀哀諸有形。三曰等心欲濟眾生。四曰好喜布施救諸窮乏。五曰親近善友。諮啟不逮。六曰習求經典。開化所疑。七曰數念捨家不慕居業。八曰志求佛身。達之無形。九曰開闡法施。以示不及。十曰蠲除自大。常奉誠信。是為初發意。菩薩所行十法。又菩薩行二住。常當慇懃奉行八法。何謂為八。一曰奉戒。清淨而無沾污。二曰常修孝順。念報恩德。三曰得住勢力。忍辱為本。四曰遵修恭恪。常懷悅豫。五曰不捨一切眾生之類。六曰行無極哀。未曾忘捨。七曰奉敬師長。視如世尊。八曰精進。務求諸度無極。是為八菩薩行三住。有五法。何謂為五。一曰求於博聞而不厭足。二曰開闡顯施。離衣食法。三曰所興德本。勸助佛土。四曰患厭無量生死之難。五曰住於羞恥。常懷慚愧。是為五菩薩行四住。復有十法。何謂為十。一曰習在閑居。志常寂靜。二曰知其限節。心在止足。三曰棄捐調戲。嘲噉。四曰常慎禁戒。未曾毀犯。五曰厭五所欲。處調和地。六曰

①(若)◎②發+(意)◎③意:志◎④如:若◎⑤(為):◎⑥蜜+(不墮於俗何謂俗波羅蜜)◎⑦學:與◎⑧我+(所)◎⑨(供)+養◎⑩令:今◎⑪親:見◎⑫亦:心◎⑬無本:本無◎⑭呪術:術呪◎⑮所有:有所◎⑯所有:希望:所學智慧◎⑰無:不◎⑱此:是◎⑲(為):◎⑳戒:誠◎㉑沾:點◎㉒八+(法)◎㉓五+(法)◎㉔慎:順◎



而發其心永至成就。七曰一切所有皆能惠施心無所著。八曰其心常勇不懷怯弱。九曰一切所有無所愛惜。十曰所集德本以施眾生。是為十。菩薩學五住。復有十法。何謂為十。一曰捨於家業。二曰遠比丘尼。三曰棄捐種姓慳嫉之念。四曰離於憒鬧眾會之黨。五曰而釋瞋恚鬪訟之本。六曰不自歎身不毀他人。七曰除於十惡憍慢之意。八曰常刈四倒不順之教。九曰翦於貪婬瞋恚愚癡。十曰去於罣礙妄想之著。是為十。

菩薩學六住者。當具六法。諸度無極。不習六事。何謂為六。一曰其心靜然不求聲聞。二曰其心明了不慕緣覺。三曰其心不捨一切眾生。四曰見乞求者不懷怯弱。五曰未曾修行愁感之法。六曰不慕高處綺飾之座。是為六。菩薩學七住。捨二十事。何謂二十。一不計身。二不計人。三不計壽。四不計命。五不計斷。六不計常。七不妄想。八不計報應。九不見名與色。十不狎於五陰。十一不貪於四大。十二不依於衰入。十三不著於三界。十四而惡不親近。十五永安無所著。十六於無界無所作。十七尚不著佛乃至究竟。十八未曾順從六十二見。十九悉解諸法不誹謗空。二十悉知無本不希望道。以行此法。具二十事。何謂二十。曉了空行。明於無想。分別無願。淨修三場。常懷愍哀。慈於眾生。不計眾生。等觀諸法。明解止門。無從生法。忍無起聖慧。

宣一品義。蠲除眾念。去諸妄想。捨諸邪見。滅塵勞穢。寂然觀地。其心調和。志不懷害。不染結著。是為二十。

第八菩薩當行四法。何謂為四。一。心入眾生以神通慧而開化之。二。見佛土空。所觀親者令遠。究竟。三。稽首佛身。諮受不及。四。既見佛身觀而審諦。是為四。復有四法。一。具足曉了眾生根本。隨其所好而為示之。二。嚴淨佛土。愍勸精學。如幻三昧。三。從其眾生好喜應脫而濟度之。四。察於眾生所生五趣。逐而解之。是為四。

第九菩薩當分別學善願之本。從其所誓。輒得成就。識別諸天龍鬼神。捷沓和阿須。倫迦留羅真陀羅摩。休勒人與非人所說。言辭。則以辯才隨其音響。而為說法。從在胎中。悉曉了知。及生墮地。種姓眷屬。在家出家。坐佛樹下。莊嚴道場。一切功勳。具足佛法。靡不周悉。第十菩薩則當名之如來。至真。若入此住處。其地者。乃謂諸佛之道地也。號佛要集。又佛要集。等於文字所說。亦等。入於文字所說。空門。何謂文字所說。空門。一切諸法。悉為空門。以何謂空。令當來法。無所生故。諸法欲門。除所著故。其度門者。宣暢諸法。究竟本末。其行門者。一切諸法。無放無捨。不沒不生。其名門者。一切諸法。已離號字。其名本淨。無逮無失。其輕門者。悉度諸法。輕慢之惑。及恩愛根。報應因緣之所由生。其順門者。宣暢諸法。調定降伏。其縛門者。解一切法令。興寂。其

焚門者。燒除諸法令。甚清淨。其焱門者。於一切法。無有罣礙。無著無脫。其趣門者。斷除諸法。所歸音響。不捨元本。其如門者。曉了元本。不進不動。其隨門者。從一切法。而發起之。其處門者。於一切法。亦無所處。不壞憂感。其作門者。不見諸法。所造種種。姓。其等門者。於一切法。奉修平等。而不退轉。其垢門者。計於諸法。以離垢穢。本末無疵。其受門者。攝取諸法。而不可得。志於深妙。於六事入及一切法。意得永寂。其岸門者。一切諸法。令度彼岸。不見彼此。度與未度。其生門者。不得諸法。生老病死。其思門者。一切諸法。悉為寂靜。不念不捨。無著不著。其法門者。法界常住。則以隨時興顯。諸經。其寂門者。一切諸法。皆在澹泊。靜寞之地。而無患難。其虛門者。一切諸法。皆如虛空。無本末。無住。其盡門者。諸法。悉盡。而不退轉。亦永滅。其住門者。諸法。無動。無能搖者。其慧門者。因從其慧。無所習行。悉無能知。亦無不知。無思。無見。其斯門者。一切諸法。無應不應。亦無合散。曠其言辭。其闡門者。雖遊諸法。蠲除諸垢。其蓋門者。於一切法。去諸覆蓋。使知空無。棄捐六事。其念門者。而於諸法。消化所生。不念不忘。其已門者。諸法。皆由因空。而生恐懼。緣生眾苦。其去門者。於一切法。捨離斷滅。有常之計。其數門者。悉於諸法。不舉

①集-習②十+(法)③黨-儻④常-當⑤靜-靖⑥未-朱⑦六+(法)⑧界-異⑨尚-常⑩十+(口)⑪無本-本⑫想-相⑬止-正⑭無+(所)⑮起-超⑯一+(口)⑰逮-建⑱諮-次⑲而-如⑳捷-捷㉑休-暇㉒(入)⑳空-室㉓空-室門⑳以室門乎㉔已-以㉕惑-戒㉖順-慎㉗暢-揚㉘莫-漠㉙甚-其㉚焱-六㉛大㉜元-無㉝姓-性㉞疵-苾㉟靜-靖㊱(末)-㊲斯-斷㊳垢-元㊴戶㊵知-如㊶生-起㊷(諸)-法

所生諸所有數無高無下。其立門者，一切法住住無所住。除諸所處，其無門者，雖在諸法無來無去，不立不坐不遊不寐無應不應。其具門者，存於諸法具足，無六無度不度無所。周遍猶如虛空，其陰門者，皆於諸法解知五陰起無所起。其響門者，解一切法無有音聲。所謂無響永離文辭。其差門者，了於諸法雖處放逸而無馳騁。其固門者，明知諸法解散堅強永令滅度。其消門者，悉達諸法了其邊際而無處所。無有終始，亦無有生猶如世尊。計於文字無能堪任。倍加言辭亦無所有。亦復無名文字。無言亦不談語。不執所向無書無讀。所以然者，虛無實故。諸法如是由此而有。是入總持。計於無者，宣暢入空。其能入此近菩薩行。於諸文字解無瘡病。不為文字之所繫著。分別諸法所由次第。逮得聖慧音聲所由。假使菩薩入此文字空印門迹。若聞若受執念懷抱。為他人說心不墮落。則能蠲除二十眾結。一其志強而不怯弱。二意念常存不為恍惚。三能獨步無所忌難。四其心堅強不懷羸劣。五志在羞恥慚愧不逮。六意能覺了靡不通達。七智慧巍巍莫不蒙曜。八辯才之辭無一滯礙。九致總持所聞悉持未曾忘失。十除疑網無有猶豫。十一通達不懷沈吟。十二所在遊居在於眾人不懷增減。十三言辭柔和無不稽顙。十四若聞麁言不以憂感。十五性不卒暴而常安詳。十六所住明了分別音響。

十七了五陰品。四大諸入報應因緣。十八剖判諸法靡不通達。曉了諸法。知人心念而為說法。十九知處非處。限與無限。曉了智慧明解善權隨時開化。二十識別進退出入之事。威儀禮節。解了羞恥執堅牢劍。所可遊入興發。無上正真之道。說此文字。空印之門。若聞若受奉持諷誦。適得聞之。致十功勳。一、世所生不受女身。二、棄捐眾難。八不閑處。三、所在遊居常得閑暇。不懷忽忽。四、常值佛世。適見世尊。便生悅豫。五、其心巨然供養大聖。六、如來見心為說經典。七、聞其所說。輒即奉行。八、尋便逮得立不退轉。九、曉了空慧。逮無從生。十、疾成無上正真之道。是佛要集。

又所可宣佛要集者。等於三世。嚴淨三場。逮無所生了真諦法。解了三界。暢姪怒癡。自然無樂。無斷無常。無處無住。其三乘者歸于一門。通達諸法而無所諍。入無等倫。無行無步。無想無比。又計佛者。未曾覺成逮最正覺。不決諸法不知不得。佛不逮慧亦不無慧。不合塵勞亦無瞋恨亦不取證。不得不礙亦無所行。不住平等。佛不得道亦無所失。無法無眾。佛不得佛。不想菩薩。不解不縛。一切眾生本甚清淨。佛不見法不聞不念。亦無所教。尊無所說。亦無言辭。解諸佛者。乃知無言初不演音。於當來世亦無所宣。不教人說。無慧不慧。佛非眾祐。亦非淨畢眾祐之德。佛不飲食。不施人食。佛無有身。亦無形體。莫觀如來有色

身也。無相無好。無有經典及與法界。佛不出現亦不常存。未曾滅度亦無所滅。所以者何。一切諸法永滅度故。佛不獨立不處大眾。無能見佛亦無聞者。無有供養。計諸佛法無有若干。亦復非一。佛不得道。不求處所。不轉法輪。亦不退還。佛如假號。計如佛者音聲亦如。過去當來音響無異。去來平等。其平等者則無偏黨。其無偏黨彼無無量。其無無量彼無終亡。其無終亡不行醫藥。是佛要集。

所以宣傳佛所講者。欲以愍傷度眾生故。佛無要集亦不分別。亦不講論要集之義。天王如來講說於此。佛諸要集經典。義時。普光世界萬二千菩薩。皆悉逮得無所從生法忍。時諸菩薩都不自見若干億佛。但觀一佛。天王如來。於是文殊師利住忍世界。心自念言。今日十方各恒沙等諸佛世尊。悉來集會東方佛土。天王佛所。普共頌宣佛要集法。吾寧可往詣彼世界。奉見諸佛。諮受經典。吾常周行。至於十方。稽首諸佛聽所說法。於今悉集會一佛土。是時難值希未曾有。如是比像無上聖土。顯出於世。不可再遇。難可見聞。文殊師利報彌勒曰。可共俱往詣天王佛。普光剎土。無央數佛百千億載。悉會乎彼。俱同頌宣佛要集法。當共聽受。并見諸佛。所以者何。諸大聖尊皆會一處。難可值遇。彌勒菩薩答文殊師利曰。仁者欲往便可進路。吾不行也。所以者何。諸佛會

①猶-由(由) ②知-如(如) ③辭-詞(詞)\* ④明知-知於(明) ⑤始-退(退) ⑥如-是(是) ⑦加-(於) ⑧然者-者何(何) ⑨虛無-無虛(無) ⑩宣暢入-暢入於(宣) ⑪恍惚-慌惱(慌) ⑫除-(諸)(除) ⑬類-首(首) ⑭此-是(是) ⑮適(適) ⑯女+(人) ⑰便-彼(彼) ⑱則-即(即) ⑲所可-問何(問) ⑳(謂)+宣 ㉑靜-爭(爭) ㉒步-涉(涉) ㉓想-相(相)\* ㉔礙-證(證) ㉕佛諸-諸佛(佛) ㉖恒沙-江河沙(恒) ㉗頌-班(班) ㉘諮-恣(次) ㉙行-仁(仁) 請見次頁



者道德巍巍不可攀喻。身不能見亦不堪任觀形聞音。又文殊師利莫以<sup>①</sup>像色觀諸如來。佛者法身法身叵見無聞無養<sup>②</sup>。文殊問曰。卿不供養於如來乎。彌勒答曰。吾不供養。所以者何。如來至真不可供養。本無如來則無二故。文殊又謂所言無二為何謂乎。彌勒答曰。其無二者謂無所著。不可稱載無有若干。所言無二不造二業。何謂二業。言此塵勞是懷瞋恨。興如是輩生滅之見。此為奉戒。是為毀禁。妄想彼此。斯謂為二。此為聲聞。是為緣覺<sup>③</sup>。斯平等覺。妄想如是則為造二。斯為聲聞。為緣覺。為佛。懷如<sup>④</sup>。此想則曰為二。當除此法。奉行其法。證明其法<sup>⑤</sup>。此為二。分別其慧。其不解慧。假使文殊念持二慧志在進退。上至計佛則造二業。我於一劫若復過劫。講說諸二。所演辯才而無窮極。所以者何。計諸二者而無有二。敢可<sup>⑥</sup>。頌宣皆入一義。一切諸法皆無若干。文殊答曰。卿身今者墮大顛倒。一切諸法悉無所生。強為分別。若干種辭反謔。嗟身我於一劫若復過劫<sup>⑦</sup>。辯無窮盡。彌勒答曰。因其文字言有所著。察一切法實無所生。相不可動。時文殊師利謂餘菩薩諸族姓子。俱共往至天王佛所。見諸如來聽受所說。辯積菩薩報文殊曰。如來至真不可得見。何因仁者而發此教。當<sup>⑧</sup>共往見如來乎。如來何在而欲見耶。曾聞佛說。如來至真無去<sup>⑨</sup>。無來。今計三世法皆悉空。無故不可見。向者文殊有此教言。往見如來。以何等

眼觀如來乎。肉眼見耶。為用天眼。若以肉眼。肉眼無見。所以者何。肉眼空故。空無所見。若以天眼。計於天眼無有想念。不以想念。可見如來。文殊告曰。如族姓子。今者所念。無有如來亦無經典。無見無養。如辯積意所趣云言。寧可<sup>⑩</sup>稱說分別言辭。諸佛如來。眾生往來供養奉事。悉假文字。字自然空。以故平等此之謂也。如來無言無本無轉。悉自然空。謂此二事。悉平等矣。如來無言無本無轉。其堪任者可共俱進。不肯者已。吾當獨往。無形而現形。亦不住於色。欲以開化眾生。現身而有教。佛者無色會。亦不著有為。皆度一切數。導師故現身。諸佛要集經卷上

諸佛要集經卷下

西晉月氏三藏竺法護譯

於是文殊師利。飢虛於法而無厭倦。獨已無侶。佛神所制。使彼眾會無一從者。文殊師利如伸臂頃。須臾之間。從忍世界忽然不現。至普光土天王佛所。於時<sup>⑪</sup>文殊皆繞三千大千世界。至于七匝。稽首諸佛。却住一面。爾時天王如來右面。有一女人名曰離意。結<sup>⑫</sup>跏趺坐。以普月離垢光明三昧正受。時天王佛心自念言。文殊師利諸佛所歎深<sup>⑬</sup>。奧忍辱行於空慧。無能逮者<sup>⑭</sup>。虛靜<sup>⑮</sup>寂寞。以為功勳。今從忍界興心念來。墮大

顛倒。極受吾我而有所趣。當退立之。鐵圍山頂。由是之故<sup>⑯</sup>。令講無極深妙之法。當為將來諸菩薩眾顯大光明。所以者何。諸佛之法不可思議。巍巍無量深不可<sup>⑰</sup>逮。文殊師利博聞第一道慧超殊。如十方空<sup>⑱</sup>。尚<sup>⑲</sup>令住<sup>⑳</sup>於鐵圍山頂。爾乃<sup>㉑</sup>能發起一切眾生。天王如來告文殊曰。來至於此。欲何所觀。文殊<sup>㉒</sup>白曰。唯然世尊。我在忍界心自念言。諸佛興世甚難得值。講說<sup>㉓</sup>經典亦復難遇。十方諸佛不可稱數。億百千載。悉來集會普光世界<sup>㉔</sup>。宣要集法。吾當往詣見諸如來聽所說法。以法故舉詣此佛土。天王如來即如其像。三昧正受而現神足。移文殊師利自然立於鐵圍山頂。不自覺知誰為舉<sup>㉕</sup>。著於此山頂。於彼自念。今何<sup>㉖</sup>變怪。吾在大眾巍巍難量威神殊絕。處諸大聖嚴淨道場。忽至<sup>㉗</sup>于此住鐵<sup>㉘</sup>圍頂。誰之所為。尋即知之。天王如來之所興變。文殊師利復自念言。此何瑞應而有此變。於大眾會自然住<sup>㉙</sup>斯。離意女人坐於天王如來之右。不徙彼女獨移<sup>㉚</sup>吾身。又彼女女人將無德本純淑無侶。深入法忍。總持無底。踰於我乎。所以者何。不遣彼女反遷我矣。文殊復言。今顯神足威神變化。無極聖慧。示其道力還<sup>㉛</sup>於眾會。即如其像三昧正受而現神足。發意之頃。越于東方<sup>㉜</sup>恒沙佛土。不能捨遠。彼佛世界大如

80 土士(土) 81 彌勒+(菩薩) 82 乎-于(會) 83 同頌-共班(會) 84 大聖-佛世(會) ① 像色-色像(會) ② 文殊+(師利)(會)\* ③ (斯平...覺)十九字(會) ④ 此-是(會) ⑤ 此+(謂)(會) ⑥ 頌-班(會) ⑦ 辯+(才)(會) ⑧ 共+(俱)(會) ⑨ (無)-(會) ⑩ 稱-講(會) ⑪ 文殊+(師利)(會)\* ⑫ 跏-加(會) ⑬ 奧-入(會) ⑭ 虛-空(會) ⑮ 寂寞-寂漠(會)下同 ⑯ 令-今(會) ⑰ 逮-建(會) ⑱ 尚-常(會) ⑲ (令)-(會) ⑳ (於)-(會) ㉑ (能)-(會) ㉒ (白)-(會) ㉓ 經典-經法(會)\* ㉔ 宣+(佛)(會) ㉕ 著-者(會) ㉖ 變怪-處住(會) ㉗ 于-於(會) ㉘ 圍+(山)(會) ㉙ 斯-此(會) ㉚ 吾-我(會)\* ㉛ 於-復(會) ㉜ 恒沙-江沙(會)

毛釐カ況入佛會未之有也。於時文殊復至十方無量世界。作其威勢道力之變。不能還復入諸佛會。所以者何。諸佛威神之所建立。文殊師利普至十方無央數億百千姦カ士。尋復還住鐵圍山頂。自思惟言。諸佛世尊所立聖旨。威神無量道慧高遠。不可攀カ踰。吾之神足所不能及。不可作力與講神足。所以者何。諸佛說法終不虛妄。獨步十方而無儔匹。悉是我身之不及耳。至使不得聽受說法。諸如來法未曾相カ枉。諸佛等心向於眾生。寧可於此鐵圍山頂修四意止。定意正受。文殊師利又心念言。何謂意止。謂無有意不念諸法。諸法無處亦非無住。以何無住。無處所故カ。如是誰為究暢本末。遣諸法乎。所可住處亦無所住。是為住處。是四意止住無所住。所謂無意亦無所念。文殊師利遵修於是四意止時。四萬二千諸天子等。往到其所稽首足下。雨カ諸天華香。供養文殊。遷住一面。時有天子名光明幢。問文殊カ曰。向者何定修何道行。此這興起乎。文殊答曰。天子於今反問我言。以何等定而遵修行。今乃興起。所行定者。諸佛大聖所不得處。聲聞亦然。以是定意而遵修行。因斯所行。使諸眾生姦怒癡俱吾奉此行。時光明幢天子問曰。其行何類。諸佛大聖所不得處。答曰。行空無相無願。諸佛大聖所不得處。天子又問。諸佛大聖所不得處。於今仁者修此行乎。文殊答曰。假使有行。吾當行之。向者所行永無所行。

何者然乎。一切諸法悉澹泊故。向天子問。以何等定而遵修行。修四意止。天子又問。何謂意止。一切諸法無意無念。天子又問。假使無意無有念者。何有行乎。文殊答曰。無意無念為カ第一行。其惟此行為平等行。其行平等則無偏黨。其無偏黨則無五趣。其無五趣不見癡本。其無癡本不生慧明。不生カ明者則無所起。其無所起則無所壞。其無所壞則無律儀。其無律儀則無所成。其無所成則無所壞。其無所壞。是則名曰本末清淨。是賢聖行永離塵勞。又問文殊。所謂塵勞為何謂乎。文殊答曰。其識退轉樂于佛慧。是謂塵勞。受于思想而計有身。有所依カ。猗而興思惟。憍慢自大。有所依慕。希望誓願。校計稱量。圖度遠近。思惟觀察。念應不應。除去貢高而計斷滅。心念有常。於無所受。受止宿處而歸所見。取於所有。受無所有。乃至放逸。思惟調戲。稱量其心。欲至平等。計如是行。賢聖法律皆為塵勞。時光明幢天子讚曰。善哉善哉。文殊師利。快說斯言。乃能以此四意止行。文殊師利。尋告之曰。無得カ妄想。於諸名色。悉無所生。亦無所成。復無現在。亦無言辭。假隨時說。諸法無住亦無不住。反稱善哉。又問天子。不說意止則不可說。亦無能講。令辭所趣。所以者何。一切諸法悉無所說。欲宣諸法不可分別。未曾有教。各各隨時而開化之。時光明幢問文殊曰。向者所說。順從一切愚癡凡夫。所住處所行。姦怒癡。住於此。

行而復興起。愚癡凡夫為住何所行。姦怒癡。文殊答曰。愚癡凡夫住無所有。行姦怒癡。立在法界。處於本際。而住無本。所以者何。天子當知。法界所在不可分別。亦不可說。無本本際亦復若茲。天子又問。所言本際為何謂乎。文殊答曰。眾生之カ原名曰本際。天子又問。眾生之原為何謂乎。文殊答曰。生死之本為眾生原。天子又問。於彼何謂為生死本。文殊答曰。虛空之本為生死原。由如天子虛空之界。本際無斷。無有邊カ岸。不長不短。不麤不細。不廣不狹。無遠無近。無方無圓。其虛空者。假有號耳。亦復無名。一切諸法亦復若斯。猶如虛空。但假有名。亦如虛空。不生不壽。不病不カ老。亦復不死。亦無往生。無有妄想。不懷瞋恨。亦無所失。亦無不失。悉無所著。不懷憂感。一切諸法皆為歸趣。此一本際。亦無所歸。無有計數。天子當知。一切諸法無進無退。無合無散。不可カ怒。常無處所。故是故天子。一切諸法悉無處所。無所志願。無將不將。無有科律。是為一切諸法悉等。而無偏黨。故曰無本。本無如是。說カ是語時。諸天子眾皆悉逮得無所從。生法忍。時諸天子住於法カ空。則行恭恪。便雨天華。供養散於文殊師利。文殊師利。威神所感。諸華皆住於虛空中。無執持者。猶如根生。文殊師利告光明幢。於天子意所志云何。今此諸華依因何住。天子答曰。無所依住。文殊告曰。是故天子。當知諸

① 踰(カ)踰(カ)踰(カ) ② 枉(カ)枉(カ) ③ 如是(カ)是(カ) ④ (諸) (カ) ⑤ (日) (カ) ⑥ 這(カ) ⑦ 第(カ)等(カ) ⑧ (慧) + 明(カ) ⑨ 壞(カ)壞(カ) ⑩ 猗(カ)倚(カ) ⑪ 賢(カ)於(カ) ⑫ 妄(カ)望(カ) ⑬ 假(カ)使(カ) ⑭ 問(カ)復(カ) ⑮ 幢(カ)天子(カ) ⑯ (文殊) (カ) ⑰ 原(カ)源(カ)下同 ⑱ (際) (カ) ⑲ 由(カ)猶(カ) ⑳ 岸(カ)崖(カ) ㉑ 無(カ)不(カ) ㉒ 老(カ)癡(カ) ㉓ 無(カ)所(カ) ㉔ 怒(カ)常(カ) ㉕ 怒(カ)當(カ) ㉖ 喜(カ)怒(カ)常(カ) ㉗ (故) (カ) ㉘ 是(カ)此(カ) ㉙ 皆(カ)悉(カ)皆(カ) ㉚ 釐(カ)釐(カ) ㉛ 見(カ)次(カ)頁(カ)



法住無所住。如虛空住。如空無動。不墮不搖。無念無想。所以者何。一切諸法等如虛空。是故無動不墮不搖。時光明幢白文殊曰。仁者。神足巍巍。乃爾不可稱限。發意之頃。至於十方無央數億百千。載土。尋即復還。文殊答曰。諸佛不得神足變化威神無量。諸聲聞等亦不能及。所以者何。道慧無際。尚不得聞。安能逮耶。一切愚癡凡夫之士。所逮神足。一切諸佛諸菩薩眾。及諸聲聞。於無央數阿僧祇劫。所不能得。亦無逮者。亦無當得。一切愚癡凡夫之士。獨能得耳。為何所得。得我人壽及命意識。斷滅計常得姪怒癡。諸佛世尊。所不得者。所謂得者。道所不興。無所生者。而反使生。是故天子。一切愚癡凡夫之士。所可得者。諸佛菩薩弟子。緣覺所不能逮。諸佛說是諸佛要集。時各還本處。於是天王如來。心自念言。吾可現應。使文殊師利。還詣此乎。時天王佛則捨神足。從其右掌。演紫金光。其明照於文殊師利。繞之七匝。於文殊師利頂上。不現。文殊師利尋即知之。天王如來。念欲相見。文殊因告光明幢曰。當往。俱至天王如來。稽首作禮。諮受所問深妙之義。今說法門。天子答曰。善哉行矣。宜知是時。文殊師利發意之頃。光明幢。俱鐵圍山頂。忽然不<sup>④</sup>見。尋<sup>⑤</sup>住。天王如來之前。稽首足下。右繞三匝。退住一面。叉手恭立。十方世界諸天子等。亦復如是。文殊師利白天王佛。若善男子及善女人。俱<sup>⑦</sup>殖德本。修深妙法。不

當懷疑成已法器。一切蒙恩。所以者何。見諸大聖。踰於龍象。又諸大聖。既共會焉。吾在於外。不得預數。離<sup>⑩</sup>於如是。輩深妙法義。其離意女。身續獨存。專坐於斯。而不動移。不見退去。如我見遣。諮嗟如此。無極微妙經典之要。我反往住鐵圍山頂。吾自憶念。一<sup>⑫</sup>日食頃。遍至東方。不可計會。恒沙佛土。稽首諸佛。聽所演法。執持在心。啟問諸佛。解決所疑。未曾識念。而見發遣。處處佛土。諸佛世尊。察我志操。尚復相勸。頒宣經道。於今大聖。反徙我著鐵圍山頂。因此興發。無極法教。多所歡悅。咸共渴仰。飢虛道化。若干法教。其心<sup>⑭</sup>兀兀。欲覩如來。而發念言。以何等故。獨徙吾身。捨於眾會。其離意女。安然不出。復更念言。如來至真所演經教。不見侵枉。心非不受。是我不及。彼所說法。非其器故。以故相移。住於此耳。獨不<sup>⑮</sup>徙女。天王如來。報文殊曰。諸佛世尊。所宣經道。仁者。於彼靡不應受。又諸佛世尊。道慧玄殊。不可攀逮。以是之故。不可如常一等。如意演諸佛要集。又文殊師利。向者從忍。世界發起來時。心自念言。今普光界講佛要集。經典之義。我當往至。稽首諸佛。聽所演法。當爾之時。墮大艱難。在無極倒。不順思想。從彼剎來。欲得見佛。聽所說法。則以三事。自著罣礙。懷抱此意。至斯佛土。何謂為三。一得己身。二得諸佛。三逮諸法。文殊當知。不可倒行。致諸菩薩。無礙慧行。於文殊意。所趣云何。從古以來。頗有能覩見

如來乎。如來寧可復觀察耶。文殊白佛。唯然世尊。真諦觀法。無有諸佛。及與諸法。一切諸法。悉無所生。如來無見。不可覩佛。所以者何。一切諸法。悉無所見。時佛復問文殊師利。以何等眼。通暢之行。欲見如來。以何等耳。清徹諸義。欲聽如來。所說經典。文殊師利默然無言。於時彼會。餘菩薩眾。各心念言。文殊師利。實不堪任。答報如來。所問法義。所以者何。如來向者。有所難問。默而無言。天王如來。知諸菩薩。心之所念。告諸菩薩。止。族姓子。莫觀文殊。想言不及。所以者何。解深法。忍權慧。悉備靡不通達。智踰虛空。默然不言。以報如來。諸菩薩問。唯諾世尊。以何等意。究暢慧義。發遣此問。世尊告曰。是族姓子。文殊師利。心自念言。設我報說。有此眼耳。有所見聞。則計有常。若復說言。無眼無耳。則墮斷滅。其行斷滅。及計有常。不曉了法。其如法者。彼無斷滅。不計<sup>⑰</sup>常矣。其不斷滅。不計有常。則無所生。其無所生。則無言辭。以故文殊。見所難問。默<sup>⑱</sup>然無言。則為答佛。說是語時。六百菩薩。逮得無所從。生法忍。

爾時世尊。告文殊師利。仁以三事著於罣礙。以故相遣。住鐵圍山頂。又仁復問。以何因緣。離意女身。獨<sup>⑲</sup>存不出。是離意女。普月離垢。光明三昧。而正受矣。心永無念。諸佛來至。若不來耶。為說經<sup>⑳</sup>法。若不說乎。永無佛想。亦不想法。無彼我想。蠲除一切諸念妄想。女住此定。普聞十方無央數。姪

23 空-忍 24 (散)- 1 載-佛 2 癡-矣 3 俱-(從) 4 見-現 5 住-往 6 文-也 7 殖-植 8 踰於-德 踰 9 預-豫 10 (於)- 11 (輩)- 12 且-早 13 恒沙-江河沙 14 兀兀-元元 15 徙-從 16 不-及 17 (有)-常 18 然-而 19 逮-尋 20 存-在 21 (法)-

百千億<sup>①</sup>載現在佛土諸佛說法而無所著。所可聽受為他人說<sup>②</sup>。有此女身不從此剎到他佛土。在諸剎土無剎土想。處於諸佛無諸佛想。聞所說法無經典想。無吾我想。無他人想。猶月宮殿未曾動移下於人間。光明普照靡不見者。月之所照不念遠近。亦無想念。我當照<sup>③</sup>。某若不照也。此女如是住三昧定。現於無量無際世界。度脫開化無數眾生。所可顯現諸佛國土。不想眾生等說經典。佛於一劫復過一劫。諮嗟嘆此離意女德。不能盡暢得其邊際。其女功勳不可思議。巍巍若斯。文殊白佛。其此佛土諸菩薩眾億百千。諸佛會時。徒諸菩薩著他界乎。如我見遣耶。佛言且默。文殊師利無得稱限如來聖慧。亦勿平相如來變化之所建立。所以者何。此文殊師利三千大千世界<sup>④</sup>充滿諸佛。猶如<sup>⑤</sup>甘蔗竹蘆稻麻叢林。諸如來集其數若斯。於此剎土。諸菩薩眾。天龍鬼神<sup>⑥</sup>。捷沓<sup>⑦</sup>。阿須倫迦留羅真陀羅摩<sup>⑧</sup>。休勒人與非人。無一見者。唯見於吾一如來身。亦復不聞諸佛說法。但見吾身<sup>⑨</sup>。頌宣道化。文殊且觀。如來至真之所建立。神足變化不可稱限。其身微妙諸佛充滿。三千大千世界靡不周遍。諸菩薩眾則以道眼見<sup>⑩</sup>。一如來。豈況餘人欲得見乎。未之有也。諸天龍神捷沓等及人非人。遊此三千大千世界。周旋往來立坐臥寐。寂寞<sup>⑪</sup>。澹泊威儀禮節。所行齊整亦不妨礙。諸如來身無有限<sup>⑫</sup>。蔽<sup>⑬</sup>。是故文殊當造斯觀。

諸如來等則為法身無有色像。佛身無漏諸漏已盡。亦無有身。觀之無類。無生無起。無見無聞。無意無<sup>⑭</sup>。處亦如虛空。無有諸漏。無因緣<sup>⑮</sup>。根無像無見不可捉持。欲覩虛空而不可見。無有五眼。何謂五眼。一曰<sup>⑯</sup>天眼。二曰<sup>⑰</sup>肉眼。三曰慧眼。四曰法眼。五曰佛眼。其虛空者假有名耳。其如來身亦復如是。無漏無色亦無見者。無有根也。無見如來。佛無五眼。如來至真。假有名矣。則無所應。文殊觀此諸如來眾。神足變化身如虛空。而反隨時示現色身三十二相八十種好。文殊師利。向者所見諸如來身。悉是諸佛威神建立之所感動。所以者何。用仁者故。當顯無極深妙法教。時彼佛土諸會菩薩<sup>⑱</sup>。異口同音舉聲讚曰。至未曾有。驚喜悅豫。諸佛世尊。威神變化巍巍若此。十方如來皆來會斯。充滿佛土。吾等菩薩不見一佛。不憶形響。誰來誰去。何所解說。分別經<sup>⑲</sup>。誼<sup>⑳</sup>。但共見此一如來尊。唯願大聖。今<sup>㉑</sup>。覩大乘無極聖慧。一人故。恒邊沙劫地獄見煮。行菩薩道宜忍此患。不當違捨如是比慧。文殊師利問天王佛。今此女子發無上正真<sup>㉒</sup>。道心<sup>㉓</sup>。以來久如。所行寂寞誓願高遠。定意若斯。佛言。發無上正真道意以來。不可計也。勤<sup>㉔</sup>。力懷信常無放逸。施戒忍<sup>㉕</sup>。精進一心智慧。具足佛道所<sup>㉖</sup>。行已備。隨諸佛教。於過去佛殖眾德本。供養無數億百千。姪諸大聖尊。文殊師利。今此女子從三昧起。仁可問之。發道意來為能久如。當見發

遣。於是文殊師利聞佛教詔。即從坐起到其女所。至心彈指<sup>㉗</sup>。警揚大音欲令女起。其女寂靜三昧不興。文殊師利即如其像。變無限身益高彈指。其彈指聲聞於十方無數世界。女亦寂靜不從定起。於時文殊即如色像。三昧正受現大神足。三千大千世界所有眾生。世間人民諸天龍<sup>㉘</sup>。鬼神捷沓等。億百千。姪一切<sup>㉙</sup>。妓樂不鼓。自鳴及復<sup>㉚</sup>。亦化琴瑟箏笛萬種之妓。俱時同作演柔軟音。清明和雅悲哀之聲。其樂各各宣無數響。徹聞十方無量世界。不能令女從三昧起。時於十方今現在佛邊。諸侍者各各問佛。今日何故。諸大樂音無數。無量。清和之聲聞諸佛土。其音柔軟。悲哀之曲。莫不<sup>㉛</sup>。歡然。於時諸佛各謂侍者。有族姓子。普光世界天王如來。其土有女名曰離意。在佛右面。普月離垢光明三昧而正受矣。有<sup>㉜</sup>。菩薩名文殊師利。被大德鎧。過不退轉。欲令此女從三昧覺。故感動如此。諸世間人天龍鬼神捷沓等。若干妓樂億百千。姪俱自然作。諸化妓樂亦復如是。不鼓自鳴。欲令<sup>㉝</sup>。斯女從三昧起。不能使興。以是之故。諸大音樂普遍世間。侍者白佛。至未曾有。不可逮及。此女三昧寂然。巍巍不可稱限。如是比像。若干種樂清和之曲。女續三昧而不興焉。諸佛告曰。如諸族<sup>㉞</sup>。姓子之所言也。此女三昧不可思議。說是語時。十方無量不可計會眾生之類。皆發無上正真道意。各歌頌言。願令我等

①載：萬(國) ②有：又(國) ③某：其(國) ④充滿(國)：充備(國) ⑤甘蔗竹蘆：竹蘆甘蔗(國) ⑥捷沓：捷沓(國) ⑦休：暇(國) ⑧頌宣：班宣(國) ⑨(一)：(國) ⑩澹泊：愔怡(國)下同 ⑪蔽：齊(國) ⑫處：虛(國) ⑬根：貌(國)\* ⑭天眼：肉眼(國) ⑮肉眼：天眼(國) ⑯異口：發言(國) ⑰誼：義(國)下同 (但)：(國) ⑱觀：見(國) ⑲(道)：(國) ⑳以：已(國)\* ㉑力：力(國) ㉒(精)：(國) ㉓行：作(國) ㉔警：聲(國) ㉕(鬼)：(國) ㉖妓：伎(國)下同 餘請見次頁



逮得如是寂定三昧如今此女獲致神足無極變化，聖通徹暢如文殊師利。時文殊師利復如其像三昧正受，變三千大千世界，須彌山王、雪山黑山、目鄰山大目鄰山、鐵圍大鐵圍山，展轉相搏不能自安。譬如勇士以大勢力兩掌相拍，亦如大雷。其音暢逸無不聞者，須彌鐵圍諸山如是展轉相振各各崩落，諸山墜地其形可畏。斯聲甚悲，又彼大聲聞於無量無際世界，其女三昧亦不移興。

時文殊師利不近彼女，以權方便兩手牽女欲令起坐，乃動下方恒河沙等諸佛刹土，不能移女大如毛髮，亦不能令從三昧興。加復興顯一切勢力欲舉彼女，恒河沙等諸佛刹土皆拔反仰不能令女從三昧興。文殊師利截斷其女所坐地處，舉著右掌，掉擲梵天，復在梵天天上地坐，不能令女從三昧起。於時文殊復從梵天舉其女身著其右掌，過於東方恒河沙佛土南方西方北方四維上下各恒河沙等諸佛刹土亦復如是。十方刹土眾音妓樂悉鳴，諸山崩落音聲可畏，雨諸天華，其響暢逸無可為喻，不能令女從三昧興。於時文殊舉女投擲遍於十方，不能令覺還安故處。叉手前白天王如來，唯然大聖，諸菩薩行至未曾有，不可逮及思惟稱量，吾能令變虛空諸器，起立周旋行來談語，於今顯現無極神足，變化感動諸大聲音崩毀須彌鐵圍諸山，拔諸佛土移十方界，永不能

使從三昧起，吾當謙恭為女作禮，及復餘學大士之眾，諸族姓子若族姓女，初發無上正真道意者，以成未成甫欲學者，慕樂如斯無極大慧，亦當歸之。所以者何？菩薩所行不可攀喻，文殊師利舉離意女，至於十方諸佛刹土，周旋往來所感動聲，不能令女從三昧興。當爾之時，開化十方無數眾生，令發道意，不可限人成眾德本。天王如來報文殊曰：誠如所云，菩薩大士所被德鎧不可思議，一切聲聞若與緣覺所不及知，況復凡庶所能逮乎？猶如三千大千世界成為大鼓，別異世界鼓大亦如其鼓，乃爾廣長無量，時彼忽有大丈夫，現其身高大如三千世界，舉一大桴如千世界，於是女前搥此大鼓，具足一劫若復過劫，不能令女耳聞音聲，況復欲使從三昧興，未之有也。文殊欲知此女三昧寂定靜安，終不興移，道慧如是威德無限，文殊問佛，誰能堪任感動此女從三昧興？佛報文殊，唯有如來能令興起，復有菩薩名棄諸陰蓋，亦能使興。佛適發意此族姓子名德之勳，二千大千世界六反震動，天王佛邊有一菩薩名曰燈明王為佛侍者，前問佛言：今何因緣地大震動，佛告侍者，向者適歎棄諸陰蓋菩薩名故，三千大千世界為大震動，又及他方諸佛刹土諸如來等，所在方面歎斯名者，其地亦復六反震動，時會菩薩皆懷飢虛，欲得見棄諸陰蓋菩薩所在，文殊師利亦復俱然，文殊師利見諸菩

薩心之所念，亦自敬樂欲令女興。白天王佛，善哉世尊，願垂威光，一切會者悉懷渴仰，咸欲得見棄諸陰蓋菩薩大士，如來普愍，唯顯神足無極道聖，使族姓子詣斯佛土，講演深法，諸菩薩聞，因當習學至真之誼，并使女從三昧興，開示不及。爾時燈明王菩薩大士問天王佛，其族姓子為在何方，何佛刹土，其土如來所號為何？其佛報曰：下方過此恒河沙等諸佛刹土，界名錦幢，其佛名曰師子鷹象頂吼如來，至真等正覺。現在說法，彼之佛土純諸菩薩，被大德鎧不可思議，具足充滿於其佛土。如來恒宣不退轉輪，棄諸陰蓋菩薩大士遊於彼國，天王如來自在其座，右足大指演金色光，其光名曰請諸菩薩，這放此明，照下方恒河沙等諸佛刹土，其明則曜棄諸陰蓋菩薩之身，繞之七匝於頂上沒，棄諸陰蓋菩薩自念，今何以故柔軟清和無極光明，繞吾七匝沒其頂乎？尋即知之，天王如來快欲相見，時便往詣師子鷹象頂吼如來所，稽首足下，白其佛言：欲詣上方普光世界，天王佛所，今彼如來欲得相見，佛言：往族姓子，宜知是時，師子鷹象頂吼如來，邊有菩薩名眾告義為佛侍者，前白佛言：我等欲見普光世界及天王如來，師子鷹象頂吼至真正覺，悅可之。尋時演出眉間相光，照於上方恒河沙等

20亦化：化作 21歡然：欣然 30(一)+菩薩 31斯：此 32(姓)- 1搏：搏 2其音：音聲 3振：數 4斯：其 5恒河：江河 6掉擲：挑擲 7起：興 8(河)- 9(方)- 10(妓)- 11虛：處 12諸：揚 13聲音：音聲 14(若)- 15(若與緣覺)- 16(大)- 17終：曾 18適：這 19(意)- 20勳：訓 21適：[積]-這 [麗] 22見+：(於) 23誼：義 24(此)+女 25(爾)- 26名：號 27象：鳥 28佛土：刹土 29照+：(於) 30快：說 31(佛)- 32吼+：(如來) 33(則)+悅

諸佛剎土，通普光界，悉共遙見。天王如來，諸菩薩眾眷屬圍繞，而為說經。佛身獨顯，如紫金山，其佛光明踰日月明，猶明眼者對觀人面，悉了了分明。一切眾會見天王，佛亦復<sup>①</sup>若斯。及諸菩薩，時棄諸陰蓋菩薩，與五十萬菩薩沒彼佛<sup>②</sup>土，發意之頃，至普光界天王佛<sup>③</sup>所，棄諸陰蓋與<sup>④</sup>諸菩薩偏出右肩禮天王佛，頭面自歸繞之三匝，退住虛空。時諸菩薩解了諸身三昧正受，棄諸陰蓋，即如其像<sup>⑤</sup>而<sup>⑥</sup>見瑞應，顯示神足空中散花<sup>⑦</sup>。其墮如雨，其華皆散。天王如來前後左右，此華暢音說微妙義。師子鷹象頂吼如來至<sup>⑧</sup>真敬問無量，聖體康寧，進止輕利，勢力安耶。時彼眾會怪未曾有，誰之威神，令此眾華出柔軟音，宣傳意敬。文殊師利問天王佛，唯然世尊，誰之聖旨，雨此眾花演微妙<sup>⑨</sup>音。佛報文殊，棄諸陰蓋菩薩威變，又問世尊，今為所在。佛言，在上<sup>⑩</sup>空中，解了諸身三昧正受。又問，諸菩薩眾何以不現。佛言，棄諸陰蓋菩薩威神，使不得現。文殊師利心自念言，吾當以是三昧正受，求諸菩薩為在何所。棄諸陰蓋菩薩即<sup>⑪</sup>知便沒形，而謂文殊，於意云何。唯有是一解了諸身三昧定乎。莫造斯觀，解了諸身三昧定數不可稱限。向者三昧如大海中別一<sup>⑫</sup>滌耳，我身諸定三昧坐興不可稱載。仁者造來所未聞名。文殊師利復自念言，寧可思察吾本往世所修妙行。緣<sup>⑬</sup>是必得成此三昧，尋如所念，即如其像，一彈指頃具

諸三昧。時天王佛告眾菩薩，諸族姓子，皆共觀斯精進之業，而致超踰殊特之義。諸餘菩薩億百千劫，勤行積德，乃逮此定。今者文殊一彈指頃，輒悉具之。文殊師利白天王佛，唯垂當現。此諸菩薩眾會族姓咸欲見之。棄諸陰蓋與諸菩薩稽首佛足，尋沒其身。問文殊曰，寧相見乎。答曰，不見。天王如來告棄諸陰蓋菩薩，<sup>⑭</sup>敢來眾會咸欲相見，當自現身。及諸菩薩尋即受教，與諸正士菩薩之等，從三昧興，稽首佛足，繞之三匝，退在一面。如本所誓化<sup>⑮</sup>作蓮華而坐其上。於是文殊師利謂棄諸陰蓋菩薩，感此女子令三昧起。答曰，且止。虛空界者無有三昧，亦不興起。又虛空者不可動搖。向者文殊而發此言，感令是女從三昧起。當以其名從定起耶。若以色乎，為以識<sup>⑯</sup>也。計色自然不為三昧，亦不正受。亦<sup>⑰</sup>不興起。其識自然不為正受，亦不興起。一切諸法亦無本淨，亦不正受。無所興起。今我當起何所法乎。假使文殊，諸法三昧吾當令興，永無正受。當何所興，所以者何。一切諸法悉無興立，亦無存亡。天王如來告棄諸陰<sup>⑱</sup>蓋，汝族姓子，感此女人從三昧起。白佛，我不堪任於如來前興顯己功。我身宜當覆<sup>⑲</sup>感。至真如來應當感此女人從三昧興。正使我任能令此女從三昧起。如來至真普了諸法，慧無罣礙。隨時說<sup>⑳</sup>法，靡不通暢。應當令女從三昧起。見佛道神莫不欣悅。皆發<sup>㉑</sup>大意。時天王佛以興定意三昧正受。這定意已，

應時於彼三千大千世界，諸天龍神及世間人，諸菩薩眾三昧正受者，及<sup>㉒</sup>與彼女皆從定起。適<sup>㉓</sup>從坐起，十方尋時六反震動。咸皆踊上住虛空中。當爾之時，無數百千諸天來會女住虛空。僉雨青蓮紅黃白蓮<sup>㉔</sup>華供養如來。於<sup>㉕</sup>時文殊問離意女，至未曾有寂然之行，所得三昧不可<sup>㉖</sup>及逮。其女報曰，文殊且止，勿懷妄想。寂<sup>㉗</sup>三昧定永無逮得。所以者何。諸佛世尊所修道慧無所得也。其有得者則有所失。諸法澹泊默然寂靜。其寂靜<sup>㉘</sup>者無所復寂。又其寂靜亦不三昧。無有正受亦不興起。文殊答曰，誠如女辭。女之永定甚為<sup>㉙</sup>殊特。設無微妙不逮三昧，則有所得。興發曠大無極音聲而不起耶。女又問曰，其法界者，寧有三昧復興起耶。文殊答曰，不也。女又問曰，其不三昧可令起耶。寧有色像比類貌耶。文殊報曰，設無形像比類貌者，誰三昧乎。其女答曰，諸法本淨為三昧也。不復定意亦無所興。是故諸法悉如呼響。譬如諸天及世間人若干種樂<sup>㉚</sup>，寧能演出<sup>㉛</sup>各妙音。不曰如姊言。又問，其虛空界豈有此念<sup>㉜</sup>。念是<sup>㉝</sup>妓樂暢若干種悲和音耶。答曰，不也。是故文殊，一切諸法等如虛空，誰聞彼音。若有耳識，乃得聞聲。文殊問曰，女無耳耶。何不聞乎。女默無言。文殊復問，如是至二女默不報。女又答曰，不為不聞。又問，何故默然。其女答曰，常無所得。離意女<sup>㉞</sup>子復問文殊，猶如文殊，大亂風起而

①若-如(○) ②土-上(○) ③所-土(○) ④諸菩薩-菩薩(○) ⑤而-面(○) ⑥見-現(○) ⑦其-斯(○) ⑧真-(正覺)(○) ⑨音-旨(○) ⑩(虛)-空(○) ⑪知-(轉)(○) ⑫滌-滴(○) ⑬是-邊(○) ⑭敢-取(○) ⑮作-立(○) ⑯也-耶(○) ⑰不-無(○) ⑱蓋-(菩薩)(○) ⑲感-藏(○) ⑳法-經(○) ㉑大-道(○) ㉒與-興(○) ㉓適(○) ㉔華-供(○) ㉕時-是(○) ㉖及-逮(○) ㉗三昧定-定三昧(○) ㉘(者)- (○) ㉙各-若(○) ㉚念-今(○) ㉛妓-伎(○) ㉜何-(以)(○) ㉝(子)- (○)



普流布入大樹裏，無能見者為何像類。風無想念，樹無所思，風不念是我入大樹而動，搖之樹亦不念。風入我體，菩薩如是。恒常奉行摩訶般若波羅蜜慧，悉除諸想，不自念言我三昧定，亦復不念從三昧起。所以者何，一切諸法悉本淨故。文殊師利曰：姊宜當從虛空來下，住如來前，乃說此事。其女答曰：我立已行，不用他行。文殊又問：何謂已行。其女答曰：一切眾生皆因虛空，所以者何，眾生之類，悉依虛空周旋往來。眾生居業衣被飲食，諸所興造，不離虛空。是故眾生自然遊空，一切諸法虛空見。印時，女即從虛空來下，退在一面蓮華上坐。不禮如來，亦不瞻謝。文殊師利問：於離意，女甚憍慢，不懷恭敬，不禮如來，默然坐乎。其女答曰：審如來言實無恭敬，所以者何，不有所作，亦不無作。於意云何。其本無者，寧可禮乎。答曰：不也。其女報曰：以是之故，佛不可禮。所以者何，計於本無及如來尊，無有二也。當等觀之。又問：文殊，見如來乎。文殊答曰：等觀之耳。又問：以何等觀。文殊答曰：無本等故。以是等觀，以無形像。是故等觀，吾之正觀，平等如是。

其女又問：如是等觀，為見何等。答曰：如是觀者，為無所見。女又問：為以肉眼無所見乎。答曰：不以肉眼，亦不天眼，所以者何。眼無所生，亦無所起，猶如幻化，不有不無，亦不當說有無之行。文殊師利問其女曰：於今何故不轉女身。其女答曰：文殊且止，勿

懷妄想，仁有意觀，達諸法者，有男女乎。答曰：無也。又問：計於色者，有男女乎。答曰：無也。受想行識，有男女乎。答曰：無也。地水火風，有男女乎。答曰：無也。虛空曠然，無有邊際，不見處所，有男女乎。答曰：無也。又問：文殊，所說文<sup>⑩</sup>字本末，有處所得男女乎。答曰：無也。其女報曰：向者何故而發此言。於今何故不轉女身。假使我已自得女處，見於男女，則捨女像，當受男形。我不得女不見男子，何因捨女成男子形。計於諸法，無合無散，無本本際，空靜虛空，無合無散。一切諸法，悉如虛空，當以何因轉於女像成男子乎。所以者何，是為如來之所頒宣第一法教。又問：女曰：眼無男女，耳鼻口身，意亦無男女，假使諸法無男女者，無合無散，則無男女。女

文殊師利又問：女曰：汝發道意，為幾何乎。其女答曰：如幻師化神識所存，吾發道意，遠近亦然。所以者何，一切諸法，悉如幻化。向者文殊發此問言，女發道意，為幾何乎。如是所悟，非問之理。所以者何，無所生者，不可令生，亦不可怨度心之處所。其無處所，彼無所生，亦無所滅。文殊又問：設以此者，所遵何所，應順智慧。其女答曰：無聞無言，是應智慧。又復問曰：何謂應順。其女答曰：其無所生，則為應順。又復問：女得法忍，來為幾何乎。答曰：無也。又問：女為逮得無所從，生法忍乎。答曰：不也。又問：何故。答曰：其無所生，則無所得。以是之故，不得法忍。

亦不逮成，無所從，生法忍。文殊又問：女觀何義，被弘誓鎧，發道心乎。其女答曰：一切眾生，無滅度故，是故菩薩發於道心，修弘誓鎧。又問：何故。答曰：一切眾生，及與諸法，極滅度故。云何文殊，諸過去佛平等，正覺不度眾生，當來現在，亦無所度。所以者何，一切眾生，從虛無出。文殊又問：佛以何因，興現世間乎。答曰：欲使無造，無所作故。故興於世。所以者何，遵修斯者，無作不作。文殊又問：何故出家，受具足戒，為比丘乎。其女答曰：欲得具足五逆業故。又問：誰當信。汝如是言辭。答曰：其不生，令無所起，無所壞者，乃信此耳。又問：以何信樂。答曰：以無所說，謂之信樂。又問：其不樂說，說有何結礙。答曰：其不樂說，說為結礙。文殊答曰：至未曾有，難及難及。所演辯才，而無罣礙。其女答曰：且止文殊，勿造反行。今處諸礙，闍蔽眾前，何因諮嗟無礙之義。又問：無說乎。答曰：無說，是故我身無罣礙說。又問：虛空迥然，有辯才乎。文殊又問：所言辯才，為何謂乎。其女答曰：無所生者，乃謂辯才。又問：何謂無生。答曰：無生者，謂遵修行，順奉法界。本際無本，是謂修行。又問：文殊，其不修行，是遵修行。又問：何謂不修行。答曰：於三界行，而無所行，存於三界，而無所處。是所行者，悉無所著。文殊又問：女當久如成，最正覺。其女答曰：如天王佛成

①搖-隨宮 ②(風)-宮 ③體+(裏)-宮 ④念-想明 ⑤(又)-宮 ⑥遊-旋宮 ⑦瞻-瞻宮 ⑧占-明 ⑨(於)-宮 ⑩女+(女)-宮 ⑪(所)+作-宮 ⑫本無-無本宮 ⑬(其)+女-宮 ⑭妄想-望想 ⑮意觀-慧觀明 ⑯(諸)+計-宮 ⑰受-痛宮 ⑱字+(計文字)-宮 ⑲形-子宮 ⑳問女-如來宮 ㉑問如來-明 ㉒女-子宮 ㉓女-汝宮\* ㉔怨-知明 ㉕以此-如是 ㉖聞-問宮 ㉗問+(日)-宮 ㉘汝-女宮 ㉙其不-其宮 ㉚不-明 ㉛壞-明宮 ㉜懷-心 ㉝此+(言)-宮 ㉞問-故明 ㉟說-脫宮 ㊱說-脫明 ㊲脫-明 ㊳(答)-宮 ㊴(至)-宮 ㊵(才)-宮 ㊶(何)-宮 ㊷(所)+生-宮\* ㊸不+(遵)-宮 ㊹說說-脫脫

最正覺。吾亦如斯。於仁者意所趣云何。道可成乎。得處所耶。文殊師利則時默然。其女重謂文殊師利。宜<sup>①</sup>當時說。不應<sup>②</sup>然耶。文殊答曰。道無言說。以是之故不知<sup>③</sup>云何。於時文殊白天王佛。至未曾有。天中之天。此女<sup>④</sup>惠明不可思議。殊異之德。無以為喻。今所宣暢。巍巍如是。發道意來其<sup>⑤</sup>以久如。後當亦如成最正覺。刹土云何。佛號何類。佛言。在仁之前。九十六億百千。阿僧祇劫。遵修道行。過若干劫。文殊於後。乃發道意。文殊又問。此女本從於何佛所發道意乎。佛言。從寶成如來。興發道意。寶成如來。國土德淨。不可稱限。假使諮嗟。恒邊沙劫。不能究<sup>⑥</sup>盡。刹土之善功勳之快。因從彼佛而發道意。又問。是女彼世之時。為女人耶。答曰。不也。爾時此女作轉輪王。名曰無數。文殊當知。此非女人。亦非男子。所以者何<sup>⑦</sup>。已<sup>⑧</sup>逮曉了。如幻三昧。所欲能現。隨時顯化。又文殊師利。此女當更如三千大千世界地塵。花實上塵。更若干數百千阿僧祇劫。當得無上正真<sup>⑨</sup>之道。成最正覺。號曰普光。如來至真等正覺。明行。成為善逝。世間解。無上士道法。御天人師。為佛世尊。在大功勳。佛土之中。亦如寶成如來。至真土地。所有嚴淨功勳。此女亦然。等無有異。

與棄諸陰。蓋菩薩大士。俱講辯才。所以者何。此族姓子。所得辯才。不可思議。棄諸陰。蓋所逮三昧<sup>⑩</sup>。正受。若所興立。仁者不及。其三昧名號。字云何。時彼會中新學菩薩。各心念言。棄諸陰。蓋不可逮及。普無等侶。行<sup>⑪</sup>如來慧。天王如來。知諸新學心之所念。告善調菩薩。族姓子。合三千大千世界人民。為一勇猛。令如文殊。計此眾生<sup>⑫</sup>亦如斯。不能逮及三昧。百倍千倍。萬倍億倍。於百千劫。不逮此女所獲三昧定者。

文殊師利。不及知其名號。假使三千大千世界。遊居眾生。令得定慧。如離意女。皆不能逮。棄諸陰。蓋菩薩大士。所<sup>⑬</sup>得三昧。定力。聖慧。百千億倍。無以為喻。不能察知。棄諸陰。蓋菩薩之力。之所興發。正使十方一切眾生。悉得定慧。如棄諸陰。蓋菩薩聖慧。不及如來。舉足下。足舉動進<sup>⑭</sup>止之所開化。如來聖慧。不可思議。巍巍如是。不可攀<sup>⑮</sup>喻。時佛歎此諸佛慧德。七萬二千人。悉發無上正真道意。異口同音。各舉歎曰。令我等身。逮得聖慧。亦當<sup>⑯</sup>如斯。

彼時世尊。告善調菩薩。是離意女。本勸文殊。令發道意。如文殊等。東方世界。如恒沙等。南方。西方。北方。四維上下。亦復如是。悉女所化。又族姓子。棄諸陰。蓋菩薩大士。勸離意女。使發道意。八維上下。各<sup>⑰</sup>恒沙等。亦復如是。所開化者。如離意女等。無差特。今我於此。得成佛道。亦轉法輪。本因族姓子。亦勸化。吾使發道意。乃<sup>⑱</sup>至往久遠過去。世

時。須彌幡<sup>⑲</sup>等佛。在世教化。如我等類。在於十方。各恒沙等。如來現在。其滅度者。不可稱限。皆見開化。這說此語。三千大千世界。六反震動。筳篥樂器。不鼓自鳴。飛鳥禽獸。相向悲鳴。自慶鳥獸。得值佛聖。地獄餓鬼。悉得解脫。心中悅豫。如冥覩明。婦女珠環。相振作聲。當爾之時。莫不欣慶。說是法時。普光世界。九十二載。諸天及人。皆得無所從。生法忍。於是世界。承佛威神。悉聞斯法。咸共勸助。代其悅豫。欣慶無量。彌勒菩薩。亦受此法。益加恭敬。於斯佛土。聞是法者。六十四億。諸天及人。皆發無上正真道意。又七萬人。僉復逮得無所從。生法忍。萬四千比丘。意解漏盡。五百比丘。尼心<sup>⑳</sup>亦解脫。㉑二十六載。世間人民。遠塵離垢。諸法眼淨。

於是釋迦文佛。告彌勒菩薩。仁當受此經典之要。於後末世。少有信者。唯以相付<sup>㉒</sup>。使得廣布。彌勒白佛。唯當受之。如聖所教。不敢違命。此經典者。若於後世。所流布處。若受持者。德不可量<sup>㉓</sup>。若有菩薩。供養過去諸滅度佛。又<sup>㉔</sup>現十方。無極聖尊。及諸發意。建志學道。方當學者。悉令長存。一切聲聞。并與緣覺。及其菩薩。若有一人。於當來世。悉供養此諸如來<sup>㉕</sup>。眾一切施安。過去當來。今現在。佛等。奉無異福。寧多不。彌勒白佛。多矣。世尊。吾聞此喻。其心<sup>㉖</sup>惘然。不識所趣。其數浩浩。不可稱<sup>㉗</sup>載。福無限量。佛言。若有菩薩。受是經典。持誦誦讀。為他

①當+(知)◎ ②然耶·默◎ ③默也◎ ④明·嘿(默)也◎ ⑤云何·何云◎ ⑥惠·慧◎ ⑦以·已◎ ⑧刹·佛◎ ⑨盡·暢◎ ⑩已·以◎ ⑪逮·尋◎ ⑫(之)◎ ⑬(正受·中)二十二字◎ ⑭如來·如是◎ ⑮(皆)+亦◎ ⑯得·無◎ ⑰致◎ ⑱止·退◎ ⑲喻·喻◎ ⑳如斯·如是◎ ㉑恒+(河)◎ ㉒(至)◎ ㉓(等)◎ ㉔(亦)◎ ㉕二十六載·二千六百◎ ㉖使·便◎ ㉗若·彼◎ ㉘現·見◎ ㉙(眾)◎ ㉚惘然·罔然◎ ㉛載·計◎



人說得一反聞而悅信者，福多於彼供養諸佛。佛語彌勒，我今現在若滅度後，假使女人聞離意女名德之稱，棄諸陰蓋菩薩之號，天王如來并此經典，因聞斯經名德變化，竟是一世轉女人身得為男子，疾成無上正真之道為最正覺，未成佛頃，世世所生常值佛世，棄捐八難諸憾不閑，常識宿命<sup>①</sup>逮得總持，三十二相莊嚴其身，所在遊居不更胞胎常得化生，所以者何，諸大正士，威神廣大不可稱計，若有女人得聞其名，然後亦當逮得如此功勳。佛說如是，彌勒菩薩，諸天人阿須倫，聞佛所說莫不歡喜<sup>②</sup>稽首禮佛，諸佛要集經卷下

### 佛說決定總持經

No.811

西晉<sup>③</sup>月氏<sup>④</sup>三藏竺法護譯

聞如是，一時佛在羅閱祇耆闍崛山中，與大比丘<sup>⑤</sup>俱，比丘千二百五十，菩薩八萬一，一切大聖神通已達，皆不退轉究竟諸法，已<sup>⑥</sup>逮總持辯才微妙，曉了善權方便之宜，善學無數菩薩禁<sup>⑦</sup>，誠入于深要，體解十二緣起合會，行無所造，空無<sup>⑧</sup>想願不起不生，一切諸法使入一道，諸通慧海攬攝法藏，其意廣普聖覺無際，明識眾義分別美辭章句之趣，所問則答靡不通暢，得眾生意解諸結縛，心等如空無有憎愛，離於眾垢寂然永安，達無瑕疵成大乘場，演智慧光降

伏外學，猶如日明<sup>⑨</sup>消螢火耀，及摩尼珠火電之暉，絕去放逸棄諸顛倒，所計有常斷滅之觀，了知無我無壽無命無人無養，寂然觀察諸所興起，無央數劫行菩薩道<sup>⑩</sup>，被正德鎧<sup>⑪</sup>開化一切，六度無極<sup>⑫</sup>修四恩，從權方便出生死道，以斯開導迷惑之眾，示于禍福救<sup>⑬</sup>拔苦惱，令不復造生死根栽，皆得進<sup>⑭</sup>趣至三昧門，其名曰無憂首菩薩，師子樂菩薩，光英王菩薩，梵音響如雷雨菩薩，無量德寶菩薩，雜花菩薩，若干瓔珞<sup>⑮</sup>莊嚴菩薩，石<sup>⑯</sup>磨王菩薩，法<sup>⑰</sup>雨菩薩，蓮華首藏王菩薩，壞虛厭意見菩薩，大智光明菩薩，辯演若干種王菩薩，如是等類菩薩八萬，爾時世尊與無央數百千之眾眷屬圍遶而為說經，其法名曰決總持門，彼時會中有族姓子等輩十人，咸共聽受聞如來宣決總持門，欣然踊躍善心生焉，棄捐睡眠樂處閑居，修<sup>⑱</sup>止足德專志經行，夙夜精進無敢懈怠，離於放逸貪欲之想，如是慇懃不廢精<sup>⑲</sup>誦至于七年，終竟七載其心馳騁，不得須臾定息一時，何況乃當逮總持門，不得所願其意患厭，節德閑居樂於睡眠，廢於精進不復經行，捨欲之事不復修學總持之門，釋沙門服捨戒就賤，迷惑志性求聖教短，皆歸居家還習五業，於時世尊為王阿闍貴，決虛妄疑已除，猶豫七日寂然則演聖威，因令其王不為放逸心懷諍訟，解散王結一切調戲諸所見縛，竟七日已，與七億人往詣佛所，欲啟受

法，十族姓子求聖短者，亦侍從王在於大眾，是時座中有一菩薩名無怯行，致得總持，從無數劫成就法忍，逮無從生無有顛倒，辯才無量入一切智，正慧道力分別隨順，度無極行，曉無思議總持門品，普見一切眾生志性根<sup>⑳</sup>元所趣，應可化者而為說法不失其本，即從座起偏露右肩，右膝著地叉手白佛，惟天中天，此族姓子等類十人出家修道，夙夜精進七歲不懈，欲求總持所願不獲，失其本志捨沙門服，還家居業察聖教短，惟願世尊演說法義，以權方便如應開化，令族姓子改往修來，當自歸命無上大道

佛告無怯行菩薩，斯族姓子乃往過去久遠世時，謗毀佛法不肯聽受，以用謗毀越佛法故，由是所致，不得疾獲無上大道，無怯行菩薩<sup>㉑</sup>則以頌問佛曰

我聞人中尊，法王演光明，諸菩薩所行得消除<sup>㉒</sup>殃罪，功勳慧遠布，無能越度者，十力無等倫，聖智無罣礙，已脫於<sup>㉓</sup>處，則不為放逸，惟為說其行，使淨斯道業，今啟於無量，執懷甘露慧，當為分別說，猶豫意結網，今質於如來，世尊惟為決，何謂諸菩薩，修行於大乘，日日常精進，最勝行無懈，降伏魔官屬，燒盡眾塵穢，曉了一切行，顯示於眾生，惟為分別說，道行之本業，言辭甚微妙，和顏為人說，在於生死處，樂度終始患，諦聽所歎<sup>㉔</sup>訓，解決眾狐疑，最稱願為演，如應修德行

①逮-尋<sup>㉕</sup> ②(稽首禮佛)-<sup>㉖</sup>稽首禮佛-稽首作禮<sup>㉗</sup> ③(月氏)-<sup>㉘</sup> ④三藏+(法師)-<sup>㉙</sup> ⑤(俱比丘)-<sup>㉚</sup> ⑥逮-建<sup>㉛</sup> ⑦誠-戒<sup>㉜</sup> ⑧想-相<sup>㉝</sup> ⑨消-銷<sup>㉞</sup> ⑩被-披<sup>㉟</sup> ⑪開化一切-化一切人<sup>㊱</sup> ⑫修+(於)-<sup>㊲</sup> ⑬拔-濟<sup>㊳</sup> ⑭(趣)-<sup>㊴</sup> ⑮莊嚴-嚴莊<sup>㊵</sup> ⑯磨-摩<sup>㊶</sup> ⑰雨+(十方)-<sup>㊷</sup> ⑱止足-心定<sup>㊸</sup> ⑲誦-進<sup>㊹</sup> ⑳元-无<sup>㊺</sup> ㉑(則)-<sup>㊻</sup> ㉒殃<sup>㊼</sup> ㉓(則)-<sup>㊽</sup> ㉔訓-詠<sup>㊾</sup> ㉕稱-勝<sup>㊿</sup> ㉖演-說<sup>㊿</sup>

善修德清淨 本行滅生死 愍哀施安隱  
 以濟眾生意 捐棄<sup>①</sup>用捨處 惠寶及車乘  
 頭目施與人 妻子亦如是 欽敬行忍辱  
 好於禁戒德 精進修寂願 曉了堅固志  
 眾會以此德 能忍百千患 仁尊所遊步  
 勝通便無礙 明識所當行 <sup>②</sup>如節無猶豫  
 滅除三垢穢 所致無能極 分別出家業  
 開化於五趣 安住惟為說 如應當行道  
 佛告無怯行菩薩。此族姓子等類十人。過  
 去世時。違犯諸佛誹謗經典。何謂違犯諸  
 佛之法。乃往過去久遠世時。更歷三十二  
 劫焰<sup>③</sup>棄世界。有佛名曰光世音。如來至真  
 等正覺。明行成為善逝。世間解無上。士道  
 法御天人師。為佛世尊。是族姓子等類十  
 人。在於彼世。為大豪貴長者。作子。佛滅度  
 後。處於末學。為其世尊。興立功德。五百塔  
 寺。講堂精舍。以若干種供養之具。而用給  
 足。諸比丘僧。一一塔寺。所有精舍。百千比  
 丘。遊居其中。於彼世時。有一菩薩。名曰辯  
 積。速得總持執權方便。進退隨宜。開化一  
 切。而為說法。適處高座。五百諸佛。教授辯  
 才。八十億天子。在於虛空。淨除眾穢。莊嚴  
 校飾。化作講堂。豎諸幢幡。供養法師。愍<sup>④</sup>速  
 一切。而為說經。七萬人眾。速不退轉。<sup>⑤</sup>當成  
 無上正真之道。又一萬人。得須陀洹果。時  
 彼世界有國王。名曰月施。愛樂道法。渴仰  
 經義。以法自娛。于時國王。供養法師。辯積  
 菩薩。與其中宮貴人。嫖女五百之眾。大作<sup>⑥</sup>  
 伎樂。以寶為華。而散其上。和栴檀香。用塗

其體。以五百蓋。而覆其上。五百細妙衣服  
 供養。晝夜七日。住不敢坐。奉以所安。隨其  
 所宜。不失時節。<sup>⑦</sup>其敬法師。最為無上。巍巍  
 之尊。福無過者。時大豪貴長者之子。誹謗  
 橫枉。辯積菩薩。法師言。毀法戒。不隨禁業。  
 以是罪。故墮於地獄。滿九萬歲。生於人間。  
 五萬世中。墮在邊地。夷狄之中。迷惑邪見。  
 罪蓋覆蔽。六百世中。常當生盲。暗啞無舌。  
 不能言語。出家為道。作沙門<sup>⑧</sup>來。七百世。慙  
 勤精修。不惜身命。不得總持。今復來生於  
 我之世。意數數亂。不能專定。以是之故。宿  
 命餘殃。罪蓋所蔽。而今此輩。諸族姓子。不  
 得總持。是故賢者。囑累汝等。鄭重告勅。聞  
 是經典。面見法師。為人<sup>⑨</sup>班宣。咸共供養。不  
 當愁憂。心懷毒害。況復遙聞。生惡心耶。佛  
 言。族姓子。假使有人。皆取眾生。挑其兩眼。  
 斯罪雖重。尚可堪任。劫數盡竟。若有害意。  
 向於法師。罪之劫<sup>⑩</sup>數。復過於彼。假使有人。  
 皆取眾生。好鬪諍者。和<sup>⑪</sup>諧。別離。廣令安隱。  
 若見法師。一心住前。是諸功德。過於和合。  
 眾生鬪諍。令得安隱。百倍千倍。萬倍億倍。  
 巨億萬<sup>⑫</sup>倍。不及悅顏。住菩薩前。所以者何。  
 其有誹<sup>⑬</sup>謗。法師<sup>⑭</sup>者。則謗如來。欲得供養。  
 於如來者。當奉法師。欲敬如來。當順法師。  
 欲禮如來。當禮法師。所以者何。諸菩薩等。  
 皆從法生。從諸菩薩。成一切智。因一切智。  
 成佛世尊。菩薩所起。因興道心。不以住欲。  
 在於塵勞。得稽首禮。由無所生。則無所住。  
 淨修梵行。見稽首禮。不以無色。三昧。正受

禮於無色也。不以餘殃。而就所生。所願自  
 在。因其所願。而往生矣。已得解脫。一切愚  
 冥。凡夫之行。欲令菩薩。有餘殃者。猶使虛  
 空。有其色像。譬如族姓子。阿耨達龍王。欲  
 見諸龍。遊戲之時。教告一切諸龍。眷屬。皆  
 依龍王。而得安隱。常脫三<sup>⑮</sup>痛。能為無患。  
 菩薩如是。捨一切樂斷三<sup>⑯</sup>毒。罪滅。蓋塵  
 勞。壞眾苦惱。爾乃為安度脫眾生。譬如蛟  
 龍。遊於水中。而無所畏。菩薩如是。遊於三  
 界。亦無所懼。譬如蛟<sup>⑰</sup>龍。行於深水。見中  
 所有恣意所欲。而不為水之所<sup>⑱</sup>惱。害。菩  
 薩如是。遊於盲冥。凡夫之眾。住其所行。惟  
 覩慧<sup>⑲</sup>議。不違道行。不與愚人。而俱同塵。  
 不為二處所見。沒溺。是故行者。常當將護。  
 奉法安詳。此為菩薩之所修業。佛時頌曰  
 其欲歸命佛。敬承無量聖。常供養菩薩。  
 欽奉於導師。吾今所衣鉢。床榻諸坐具。  
 佛皆以此供。聽施志道者。所上佛燈火。  
 以是<sup>⑳</sup>燈給之。如是成正覺。諸聖中最上。  
 飲食車乘。施斯等諸慧士。為愚之<sup>㉑</sup>導者。  
 將至甘露方。一切眾生類。施天人間安。  
 以順初發意。不能報其恩。  
 無怯行菩薩。復白佛言。惟天中天。寧有方  
 便。使此十人。族姓子等。消除罪殃。得至道  
 乎。佛言。設此十人。一心受學。佛所頒宣。修  
 是法律。復為沙門。勤諷誦。斯總持章句。可  
 成道耳。何謂總持章句。  
 修清澄 鮮潔句 清且涼 無所<sup>㉒</sup>授  
 亦無造 無所<sup>㉓</sup>得 ④導速疾 取新生

①用捨-周旋(㊟) ②如-知(㊟) ③棄-氣(㊟) ④速-眾(㊟) ⑤(當)-(㊟) ⑥伎-妓(㊟) ⑦其-甚(㊟) ⑧來-(更)(㊟) ⑨班-頒(㊟) ⑩數-限(㊟) ⑪諧-諧(㊟) ⑫倍-億(㊟) ⑬謗-(於)(㊟) ⑭者-(則謗於法謗法者)(㊟) ⑮痛-病(㊟) ⑯毒(㊟)-處(㊟) ⑰龍-人(㊟) ⑱惱-害也(㊟) ⑲議-義(㊟) ⑳燈-鐙(㊟) ㉑導-道(㊟) ㉒授-受(㊟) ㉓得-淨(㊟) ㉔導-導(㊟)



奉精進 禮行步 勤修行 智曉了  
主觀察 無所起 去患難 遊慕便  
舉輕便 普清淨 無不淨

佛告無怯行菩薩。此等十人以諷誦是總持章句。而於七日修恩德。無所下使無色。不懷瞋恚。安詳不久遊無所作。無瑕穢心。平等捨所有。離五陰釋不淨意念。佛諸族姓子。設能如是奉遵道教。十方世界各有千佛。示現其前。令自見之。剋心自責。歸命聖尊。罪殃可除。逮成道慧。諸族姓子。時聞佛教等順法律。即捨家業。出為沙門。諷誦此總持章句。如聖所誨。晝夜七日精進奉行。竟七日已。輒見十方各有千佛。分別為說消罪之業。應時皆得修普智行總持之門。超三十六劫生死之難。速不退轉。當成無上正真之道。佛告無怯行菩薩。爾時月施國王。今現阿彌陀。是其辯積者。阿閼如來。是十長者。子今此十人。族姓子是也。故無怯行。其有志學菩薩乘者。慇懃奉修。如佛所教。住于正法。捨其無明。慎無伺求他人之短也。

佛告無怯行菩薩。有四事行能遵修者。嚴淨佛道。何等為四。一曰奉行空事。常有慈心。無害眾生。二曰菩薩愍敬同學。不為輕慢。三曰為人說法。以輕惠施。無所希望。四曰志常專一。不懷供養衣食之心。是為四佛時頌曰

其志常樂篤信空無 修治清淨最勝之道  
猶如日光隨時宣明 已得佛道所照過彼

未曾有人知其瑕闕 為人聖德普忍一切  
如是清淨柔順之場 棄捐貢高堪任無量  
一切所有上妙衣服 常當以施志佛道者  
亦不從人悵望供養 是為佛道清淨之品  
以不悵冀施無量法 恒修愍念於眾生  
志性常懷恩德之義 是為嚴淨諸佛之道  
假使樂奉一切諸聖 若欲供養無欲經典  
常當承事無極佛道 斯三寶者皆由中生  
佛告無怯行菩薩。復有四事。疾得佛道。何謂為四。一曰愛樂明經。好於大乘。二曰遠離愛欲。不習放逸。三曰常濟貧匱。供以所乏。四曰能興法財。七業施人。是為四佛時頌曰

愛樂法師 志慕大乘 遠離愛欲  
修清淨行 愍傷厄貧 濟諸危難  
常以七財 施不憍道

佛告無怯行菩薩。復有四事。疾得佛道。何謂為四。一曰常行大慈。哀諸群生。二曰常行大哀。為之雨淚。三曰常行大喜。和顏悅人。視於眾生。四曰常行大護。救度三界生死之患。是為四佛時頌曰

常行於大慈 愍傷眾生類 念欲成就之  
如母育其子 大哀遊終始 不畏諸患難  
五趣如泡沫 愍之為雨淚 和顏察眾生  
以法而樂之 示以離眾苦 無痛長安隱  
委靡隨五趣 方便示所宜 使度三界惱  
獲致無上道

佛告無怯行菩薩。若有勤求此總持者。當習閑居。數詣法會。等行清淨著淨衣服。復

遵修四事威儀禮節之正。志不懈廢。以若干種諸所供具。奉養法師。篤信三寶。常懷恭敬。謙遜卑順。未曾懈厭。常行精進。無有諛諂邪行之業。心之所念。常不離佛。意所遵修。解無所有。已無所有。無所想念。皆能曉了。眾生性行。勤自謹勅。心口相應。愛樂諸佛。請問諮受。誨過守節。勸助德本。威儀禮節。不違道教。無不應聞。非人聲。不以恐怖。不畏蛇虺毒螫之蟲。奉敬師長。修此經典。未曾懈倦。佛說是經時。三萬人從本已來。未興道心。今皆發起。無上正真道意。五千人遠塵離垢。諸法眼淨。三萬菩薩。逮得無所從。生法忍。佛言。若有菩薩。聞說是經法。皆得具足一切功德。無量辯才。若族姓子。族姓女。學菩薩道。皆以七寶。滿于三千大千世界。恒邊沙劫。奉進三寶。有人聞此經典。福尊過彼。若菩薩於百千劫。奉五度無極。而無大智。無善權者。不如聞此經典之要。福尊過彼。是故族姓子。囑累汝等。此經相付。慇懃勸助。隨時將護。令不忘失。莫使增減。長存在世。持諷誦讀。廣分別義。為他人說。假使遭厄。殞歿身命。故當將慎於此經典。勿使忘失。是佛之教。佛說如是。無怯行菩薩。十族姓子。諸大聲聞。一切眾會。天龍鬼神。阿須倫。世間人。聞經歡喜。作禮而去。

佛說決定總持經

1起-趣 2自-目 3等-尋 4輒-轉 5道+(也) 6現+(在) 7陀+(佛) 8子+(者) 9其-置 10輕-經 11其志以下八字二十句宋元明宮四本俱作四字四十句 12宣-演 13人-大 14常-皆 15濟- 16乏-之 17厄-貧 18懈-解 19而-雨 20(復)- 21想-思 22誨-悔 23辯才-才辯 24(若復)+有 25若+(有) 26殞沒-值殘 27慎-順 28倫-輪

●菩薩行五十緣身經

西晉●月氏三藏法師法護譯

Mo812

佛在羅閱祇耆闍崛山中。時與比丘僧千二百五十人。比丘尼優婆塞優婆夷。諸天龍鬼神無央數。十方諸來菩薩十萬人。皆自然師子七寶蓮華上坐。十方諸菩薩見佛端正無比。身有三十二相八十種好。座中有一菩薩名●若那尸利。語文殊師利菩薩言。仁者。知深經能自知。佛何因緣莊嚴其身。得功德如是乎。十方諸菩薩聞是言。莫不歡喜。

文殊師利即起前長跪。白佛言。座中諸菩薩中。有已得阿惟越致者。中有未得阿惟越致者。皆見佛身有三十二相八十種好。莊嚴其身端正無比。何因緣得是乎。願佛為諸菩薩說前世所作功德。諸菩薩聞之。當益增功德。佛言。善哉善哉。文殊師利。發意問乃爾乎。佛言。聽我說前世作功德。

菩薩世世所重愛珍奇好物。持施與人。常持好眼。善意施與。用是故。佛悉得智慧知諸經法。

菩薩世世持●姪女珍寶莊飾。持善意以施與人。用是故。得佛聲萬種聲出。

菩薩世世常以好願。善意視世間人。用是故。人民見佛視無厭極。譬如月十五日盛滿。姪女好視之。無有厭。

菩薩世世為人說●經法。不從有所希望。趣使得安隱而已。用是故。佛說經時。人聞無

有厭飽者

菩薩世世不說人惡。有惡者亦不為他人說。用是故。塵垢不著佛身。

菩薩世世常受毀辱。雖有筋力皆悉忍之。用是故。佛行地高者為下卑者為高。

菩薩世世見人窮厄給足與之。見人破壞安隱令在職。用是故。佛行道時地為現威神如喜狀。

菩薩世世不作弓弩刀兵使人相害。用是故。佛行時荆棘瓦石丘墟皆自辟除。

菩薩世世從師所聞法不敢犯缺。用是故。佛所行事悉具足如是。

菩薩世世●熹然燈於佛寺及師。父母前。人有狐疑輒用解之。用是故。佛身光明焰出。殊好無有比。威神巍巍迺如是。

菩薩世世若見奴婢說經不呵止令斷。身復聽之。用是故。佛說經無有躓誤。菩薩世世不持惡目視人。設有瞋恚稍稍忍之。用是故。佛眼不大不小引長好。人有見佛無不歡喜者。

菩薩世世見他人端正婦女。不持姪意向之。用是故。佛身顏色姪好無比。人有見者莫不歡喜。

菩薩世世隨時熟果及好香華。持上佛比丘僧師父母。用是故。果樹華見佛無不曲傾向佛。

菩薩世世見丘墟惡道●正令平正。見無橋梁為作橋梁。不以錢財故恐迫人。用是故。佛所入卑門為大。

菩薩世世見閑●空無井樹之處。為種樹作井及諸飲食令人得食。用是故。佛所行處地為出泉水出於八味。

菩薩世世見人行步出入不說其惡。用是故。佛身悉●姪好無瑕穢。

菩薩世世持雜香塗佛身。持善意施佛及上塔。用是故。諸天人作香風之香持供養佛。菩薩世世持雜香水與佛及諸菩薩。澡面及楊枝●梳齒。用是故。佛面口中皆香。譬若發藏之緘。

菩薩世世見人有瞋恚意向菩薩。常以善意外待之。用是故。佛行道時足下有●蟲蟻。無不得安隱者。●佛威神巍巍迺如是。

菩薩世世所有國土及好香花衣被持施與佛。用是故。有人散花著佛上便成花蓋。

菩薩世世不壞人宅舍常喜作舍。用是故。佛●鞞金剛之力四方如山。無能害佛身者。菩薩世世見人有飢渴者。先飯食之。却為說經。用是故。佛所止前皆有香花流水。

菩薩世世人從有所求索。有者即與。無所愛惜。用是故。佛說經時。人聞之無有唐苦者。皆有所益。●用是故。佛降伏諸魔。

菩薩世世持好音樂樂於佛及塔。用是故。佛為諸弟子說經。滿一佛界中人悉遍聞之。

菩薩世世作金銀雜寶樹上佛。用是故。諸天龍鬼神無有能見佛頂上者。

菩薩世世作佛塔持雜香塗之。用是故。佛所行處珍寶香華為散佛上。

①(佛說)+菩薩②月氏三藏三藏法師③若-憍(心然也)④姪-采⑤(經)-⑥熹[麗]-喜⑦正-改⑧空-虛⑨姪-殊  
 ⑩梳-疏⑪蟲蟻-虫蛾⑫(佛)-⑬鞞-協⑭(用)-⑮愈-喻



是故佛所行處。若人若樹中毒悉<sup>①</sup>。為<sup>②</sup>治之。菩薩世世常隨經法不犯。心常柔軟。忍辱於人。用是故。有人狂亂來至佛所。莫不得安隱者。

菩薩世世常持若干種香。供養佛舍利及塗塔。用是故。佛身無有臭處。瑕穢之惡。殃禍不能及佛身。佛威神巍巍乃如是。

菩薩世世<sup>③</sup>人有疑亂。若為鬼神所持。輒往救之。使得度脫。用是故。佛所向處。若地有<sup>④</sup>蟲蟻。悉為除去。

菩薩世世事師父母。若見臥睡不數驚覺。若欲使覺。當持音樂。若持好語。誦經往覺之。用是故。佛在內默聲。諸天梵釋持音樂香往覺之。

菩薩世世為佛作精舍好<sup>⑤</sup>。治床臥具什物。用是故。蚊虻蜂蛇蚤虱之屬。不敢近佛身。

菩薩世世寒冬之時。為佛諸菩薩作細<sup>⑥</sup>美之衣。用是故。隨<sup>⑦</sup>嵐風<sup>⑧</sup>起在佛前。不寒不熱。亦不動衣毛。

菩薩世世有奇異美飯食。終不獨食。若師父母有飯食。不減損而食之。用是故。佛捨置威神力。雖無所食。佛亦不飢渴。身亦不羸。

菩薩世世不放火於山野。并除他人三毒。用是故。佛般泥洹後。火雖盛熾。不能令佛變色。菩薩世世常上師父母及有道德人。上貴舍宅衣被飲食。有從乞者。給與之。用是故。諸天及鬼神諸長者。持世間所有珍寶什物以上佛。

菩薩世世為佛治道徑。持澤香塗地。用是

故。佛行道時。諸好雜華。行列散地上。

菩薩世世持戒。未曾有犯時。亦不教他人犯。用是故。隨嵐風四面起。不能動佛一毛。

菩薩世世為佛於佛道中。施五色幔。於下請飯。佛及比丘僧。用是故。佛所行處。諸天張五色幔。隨佛而行。佛威神巍巍乃如是。

菩薩世世持珍寶履。履以善意與佛。用是故。佛經行時。足去地四寸不蹈地。其相文為現。

菩薩世世持幢幡華蓋。雜種五色。持用上佛塔。用是故。自然生雜色幢幡。蓋隨佛而行。

菩薩世世為佛治道。以雜香汁用灑地<sup>⑨</sup>。是故。佛所行處。諸龍持雜香汁灑地。

菩薩世世不曾說不淨人所諱語。設有是語。當意制不作。用是故。諸天龍神飛鳥。不過佛上。

菩薩世世見佛。若比丘僧來至。扶迎為佛作禮。用是故。佛所行處。諸天<sup>⑩</sup>梵釋阿須倫鬼神。世間人民。莫不迎佛。持頭面著佛足者。

菩薩世世常護身口意。不犯眾惡。不但用身。故為十方天下人施。用是故。菩薩在母腹中時。臭處<sup>⑪</sup>污露。不著身。常安隱。不恐怖。亦無有媿者。

菩薩世世持善意視佛。見怨家見父母。心正等。無有異<sup>⑫</sup>相。用是故。佛智慧悉具足。但為眾善。無有惡人。有疑難問。佛無不解者。

菩薩世世持諸音樂。雜香華。供養佛及塔。用是故。佛入城時。城中諸音樂不鼓。而自鳴。

菩薩世世持無梨弊結金銀珍寶。附憚持用上佛及塔。諸菩薩比丘僧及世間人。悉

布施與之。常持和顏悅意。與共語。用是故。佛行分越時。卑戶為高。

菩薩世世為佛施。軒交露。令佛住。行其下。持善意視佛。復讚歎佛之功德。用是故。佛放光焰。日月星辰。皆冥。無能當佛光明者。佛威神巍巍乃如是。

佛言。我前世為菩薩時。世世所行。如是無數世。用人故。粗說。少功德耳。我從無數世以來。所有財產。知非常。是故。持施與人。我世世所作功德。如是。釋梵天人。所不能作。是皆前世所行功德。所致。虛空尚可度。須彌山尚可稱。海水尚可量。佛所作功德。行。累<sup>⑬</sup>劫億世。說之不可稱。不可量。若有人至。意念佛功德者。其福無量。況為作禮。嗟歎者哉。人有欲求佛者。作功德行。亦當如是。佛說經已。諸菩薩及諸<sup>⑭</sup>天。皆歡喜。前以頭面禮佛而去。

菩薩行五十緣身經

佛說<sup>⑮</sup>無希望<sup>⑯</sup>經

20.813[20.814]

西晉<sup>⑰</sup>三藏竺法護譯

聞如是。一時佛遊王舍城靈鷲山。與大比丘<sup>⑱</sup>眾五百<sup>⑲</sup>人俱。菩薩六萬。一切大聖神通已達。逮得總持。所成辯才。而無罣礙。願宣經道。常無二言。神足變化。不可思議。眾行備悉。普無不入。其名曰無損<sup>⑳</sup>進菩薩。度<sup>㉑</sup>響雷震威菩薩。㉒若夜月華菩薩。大雨電言辭菩薩。觀無底度境界菩薩。㉓

①(為)○(為) ②治-去○(為) ③(見)+人○(為) ④蟲-虫○(為) ⑤治-持○(為) ⑥美-靡○(為) ⑦嵐-藍○(為)\* ⑧(用)+是○(為) ⑨梵釋-釋梵○(為) ⑩污-惡○(為) ⑪(相)○(為) ⑫劫億○(為)-功德 ⑬天+(人)○(為) ⑭無+(所)○(為)\* ⑮經+(一名象步)○(為) ⑯三藏+(法師)○(為) ⑰眾+(俱比丘)○(為) ⑱(人俱)○(為) ㉑隨嵐風又作毘嵐。吹藍等。譯迅猛風。正云吹藍婆。慧琳音義13曰。吹嵐僧伽。劫災時大猛風也。此風猛暴能壞世界 ⑲餘請見後

起山頂菩薩。欣樂令悅菩薩。多離垢莫能當光菩薩。決眾生性誼度菩薩。得堅強如金剛菩薩。於諸音響最妙菩薩。越梵威聲菩薩。稱自在可畏莫能犯菩薩。積諸德本如壘寶菩薩。文殊師利童真菩薩。如是上首六萬開士

於諸賢者舍利弗。在於獨處一心禪思。從燕坐起往詣佛所。彼時世尊坐於樹下。逮寂隨響三昧正定。時舍利弗住遠世尊。遙見大聖威儀禮節寂然和雅。尋即求草敷一面座。而結加趺。直正其身而不傾。猗適坐已。竟心自念言。至未曾有。如來至真威神光儀不可稱載。安隱道本。由是之故。群生得安。所可逮致。無上正慧。諮嗟功勳。皆了諸法。無不通達。於時大聖靜然安和。從三昧起。聲揚發音。時舍利弗。聞佛世尊聲揚發音。善心生焉。得其本願。前進佛所。一心而住。稽首歸命。志懷踊躍。尋歎此偈。而讚頌曰

若有眾生 不懷希望 未曾著念  
於諸經典 遊步世間 平等獨歡  
則能常忍 於斯經法 眾生無能  
見其瑕短 斯等信解 如幻自然  
選擇諸法 了如虛空 不見吾我  
爾乃大安 其不思想 一切眾生  
不念眾生 若無眾生 未曾逮得  
一切思想 不見吾我 爾乃大安  
從始已來 不令相合會 不為有相  
之所迷惑 不令興立 亦無所住

不見壽命 爾乃安隱 若有明智  
不猗眾生 則於法界 而無鬪諍  
棄捐一切 眾人之想 無若干念  
乃為安隱 其常建立 於禁戒者  
能仁一切 不懷慳嫉 而生於法  
無有計數 不見怯弱 爾乃為安  
若以忍辱 安和超眾 彼未曾覩  
諍訟之貪 不得精進 亦不懈怠  
不想忍辱 爾乃為安 諦住堅固  
一心禪思 心無所念 除其煩亂  
曉了諸法 而在等定 其不想禪  
爾乃為安 若無明達 亦無智慧  
亦復不從 無智之教 不懷了了  
亦無愚冥 無智慧想 爾乃為安  
如處閑居 聚落亦然 於斯二事  
而修平等 亦不惟惡 是為聚落  
不思閑居 是乃為安 假使行索  
具足分衛 亦不念言 吾身求食  
不自諮嗟 我行乞食 無分衛想  
是乃為安 其從久遠 著弊壞衣  
受取執持 於斯身形 不自歎言  
我著麤服 不憍慢人 爾乃為安  
諸佛所教 安住勅示 三品之衣  
不離其身 不自想念 我不違禮  
不自欣豫 爾乃為安 其能頒宣  
微妙之法 不計吾我 不著眾生  
不自譽言 我為講法 不猗音響  
爾乃為安 於諸德本 不懷妄想  
無鬪固想 不念居業 心中所懷

不思清濁 身不造行 是乃為安  
若以興起 無興起想 有所住立  
不想其處 夙夜精進 經行應節  
其無言辭 是乃為安 設不思念  
作與不作 常無妄想 奇特之念  
如來外學 不以殊別 不懷勝相  
是乃為安 其不計數 安隱之想  
等如虛空 無所踰越 心不懷念  
吾我眾生 不見殊特 爾乃為安  
若了幻化 如夜所夢 逮得辯才  
志不忽忘 遊於世間 如水中月  
無有進退 爾乃為安 若了善權  
明見真諦 其言有身 無一堅固  
則能覺了 寂然之法 不行妄想  
爾乃為安  
於是世尊讚舍利弗曰。善哉善哉。所知深遠。奉行慧義。極究竟矣。以法談言。應道妙歸。何其快乎。今舍利弗。諸所遊止。耆闍崛山。周旋學者。比丘菩薩。普令會此。啟受道教。時舍利弗尋即白佛。我不堪任。請令集會。所以者何。諸大士等。威德過龍。道智無盡。非吾所及。於時世尊。從身放光。照於三千大千世界。尋時。佛界諸菩薩眾。蒙此明曜。如一念頃。皆來集會於靈鷲山。行詣佛所。稽首足下。遶佛三匝。還住空中。閑居比丘。及諸菩薩。來詣佛所。稽首于地。還坐一面。王舍大城。無數人民。百千之眾。行詣佛所。稽首足下。退坐一面。於時世尊。

10 頌-班-同 11 下 12 進+(意) 13 音+響 14 若- 15 起-超 16 燕坐-宴坐 17 加-跏 18 猗-倚 19 己- 20 由-猶 21 無-靡 22 聲揚-警歎 23 希望-妄想 24 歡-歎 25 爾乃-乃為 26 相-想 27 常-帝 28 覩-有 29 貪-賀 30 煩-憤 31 無-不 32 惡-德 33 於-持 34 身-體 35 猗-倚 36 響-聲 37 於諸-諸於 38 無-不 39 作-住 40 相-想 41 威德-威勢 42 光+(明) 43 還-羅 44 于-於 45 退-却 46 時-是



見無數眾皆來集會，舉其尊顏瞻文殊面，尋復即笑。文殊師利便從座起，徧袒右肩，右膝著地，叉手問佛：向者所笑為何？應如來至真，未曾虛欣。佛告文殊：今靈鷲山有萬菩薩，俱講經典，經名喻象。於往昔亦曾所論，賢者阿難聞佛所說，即從座起，更整衣服，長跪叉手稽首自歸。善哉！世尊，愍傷眾生，令致永安。唯當頒宣此喻象經。斯法難值，眾所希聞，願欲時說。一切諸部皆來雲集，聽此經典，必當逮得深入光明幽奧玄妙。所以者何？如來至真尊無雙比三界無侶。向者尊顏觀文殊面，應時即笑。此不虛妄會當有意。佛言：善哉善哉。阿難：汝乃觀察殊異德本，所可識者，慧不可限。阿難諦聽善思念之，當為汝說。向者笑意，於是阿難與諸大眾受教而聽。佛告阿難：若有眾生信樂斯法，舉動進止如象遊步，信此法者，彼等之類如大象遊，亦如龍步。愛喜此法，真諦義者為師子步。舉動進止尊無儔匹。佛告阿難：此經典要悅諸菩薩，是經法教順菩薩眾，應當諮受。本宿功德現於目前。我逝之後，此經典者歸諸菩薩，令手執持，志靜意定，所以歸空。口誦心思，是菩薩藏，不歸薄德闇塞菩薩。不歸懷毒諂偽菩薩之身也。亦復不歸多願妄想菩薩之手也。

爾時世尊即顯瑞應，感動文殊。文殊師利應時知之，即自念言：我欲啟問如來至真深遠之法，一切聲聞及與緣覺所不能逮。

諸菩薩眾履迹瑞應，以為等類。文殊師利前白佛言：唯然世尊，今欲啟問如來至真等正覺，設見聽者，乃敢自陳。佛告文殊：汝所問諸大眾會悉來集此，并當蒙恩。文殊師利即白佛言：何謂菩薩而得建立諸功德法？普現一切諸菩薩行，開化無數不可計會眾生之類。現諸佛國如水中月。佛言：善哉善哉。文殊師利，向所問者，但舉其要。如來當為具足分別，令致建立功德之德。諦聽諦聽善思念之。文殊師利與諸大眾受教而聽。佛告文殊：若有菩薩當行六法，亦能具足道義之教，立於一切功德之德。何謂為六？若有菩薩奉行施度無極，一切所有施而不吝，無所貪惜，具足順行，不見身，建立禁戒，不犯眾惡，不見吾我而曉了義，成就忍辱柔和安雅，心不懷恨，觀已解脫不在結滯，慙懃精進，身無所行，心無所懷，分別一切，一心正志於解脫門，曉了便宜，定意正受，心常永安，不慕一意解暢智慧，以為道業，自觀其身不離五趣，諸所生處皆令蒙度，是為六法。菩薩所行備悉此法，具足一切功德之勳。

佛告文殊師利：復有六法，具足此事。建立一切功德之法，何等為六？一曰菩薩往詣地獄，攝護拔濟燒炙之患，使生天上。其在畜生擾攘不安，或憤憤不識義理，攝取其性顯以柔和微妙之法。其在下賤庶民小姓，則以開示轉輪聖王之勢貴之位，皆以普現諸生五趣而等開度。所生之處與眾

超異，明曉隨時入諸佛國土，而於法身無所動移，無來無去，而悉遍現諸佛國土。演萬億音，暢出言教，各令得聞。其心常定，不偏不黨，志性蕩蕩。是為六法。菩薩建立一切功德。文殊師利復問佛言：何謂菩薩攝護地獄，使生天上？佛告文殊：菩薩大士以大蓮華三昧正受，將護地獄，就住拔濟。則令于彼一切得昇天祚之安。用以眾生被苦惱故，顯示忉利最選之宮。見此厄難，因則患厭，而得度脫諸所受惱。為地獄人而說經典，令無央數百千之眾，度地獄痛，是為菩薩攝護地獄，令得拔濟燒炙之患。已常順法，無所違失。文殊復問佛言：何謂菩薩攝護擾攘拔濟畜生迷憒之厄？生於人間安樂之處。佛告文殊：菩薩大士有三昧定名曰寂滅，以是三昧正受之時，因能攝護在畜生者，令心不亂，志性和悅，則得安隱生於人間。守護三事為說經法，令無央數眾生之類，建立道法。是為菩薩攝護畜生迷憒之厄。令生人間。文殊師利復問佛言：何謂菩薩生於下賤庶民小姓，則得更受轉輪聖王安隱之德？佛告文殊：有三昧名入於清澄定意正受，因其三昧越諸衰種，使皆清淨。雖生小姓，則得更受轉輪聖王安隱之德。是為菩薩生於下賤庶民小姓，而受轉輪聖王安隱之德。文殊又問：何謂世尊菩薩普顯生諸五趣，與眾超異？佛告文殊師利：有三昧名遣諸行，照明殊特，以此定意正受。菩

①便-即②袒-出③文殊+(師利)④不-非⑤言-告⑥儔-疇⑦告-語⑧遠-濶⑨以為-為何⑩(平)+等⑪汝所-所欲⑫諸-現⑬但-粗⑭亦-爾乃⑮施-於⑯恪-倦⑰正+(行)⑱德-之勳-勳之德⑲或憤憤亂-迷惑憤亂⑳勢-豪㉑(國)-㉒為-以明㉓昇-享㉔則-而㉕衰種-種衰㉖(生)-㉗遣-遺㉘受-是

薩住斯定時。普現五趣導御眾。令得超異殊特之行。皆發無上正真道也。文殊師利復問佛言。何謂菩薩隨時方便。普入一切諸佛國土。於本法身不動移處不來不去。普顯一切諸佛國土如月現水。佛告文殊師利。有三昧名咸入諸音菩薩。以是定意正受立時。能現己身在於十方。東西南北四維上下。不動移處不來不去。住彼定意。觀見十方諸佛世尊。聞所說經。是為菩薩不動移處隨時方便。普現一切諸佛國土。如月現水不來不去。菩薩如是所周旋化亦無往來。

文殊師利復白佛言。何謂菩薩演萬億音暢出言教各令得聞。佛告文殊。於是菩薩逮得無量迴轉總持。達知無限眾生志性。隨其言語各暢辭聲。分別無數諸響言教。而稱其意。達其所趣。逮此總持。演一切音。普令得聞。各各開演。辭不錯謬。是為菩薩演萬億音暢出言教各令得所。

於是文殊師利前白佛言。唯然世尊。諸菩薩等善權方便。難及難及超絕無侶。是經典要諸菩薩學。常所啟受。當以何業至信脫門。佛告文殊。菩薩欲學斯經典者。則當信解虛空之門。又問世尊。何謂虛空。佛告文殊。其虛空者。則謂虛無。無有塵污。無有患害。心亦不忽忘。一切諸法亦復如是。無污無害。亦無忽忘。猶如虛空。不成布施。不具持戒。忍辱。精進。一心智慧。永無所及。如是文殊。一切諸法不成。施戒忍進寂慧。猶如

虛空。以是之故。無解無除。一切諸法亦復如是。無解無除。猶如虛空。有所行者。無所造證。一切諸法亦復如是。則無所行。亦無造證。猶如虛空。無有闇冥。亦無明耀。諸法如是。無闇無明。猶如虛空。曠然無際。不可捉持。諸法如是。普無齊限。不可捉持。猶如虛空。無有正路。亦無邪徑。諸法如是。無路無徑。亦無邪正。猶如虛空。不建立身。離諸漏行。不學聲聞。不志緣覺。不著諸佛。無上大乘。諸法如是。不學聲聞。緣覺。大乘。猶如虛空。無有思想。無所分別。諸法如是。無有妄想。亦無分別。猶如虛空。無舉無下。無進無怠。諸法如是。無進無怠。猶如虛空。無應不應。無雙無雙。猶如虛空。普照眾生。無能塵污。令不淨者。諸法如是。至於滅度。永無塵污。以是之故。不可滅除。無能移去。猶如虛空。無所建立。亦無所住。不動不搖。無處所故。佛告文殊。菩薩大士。解諸眾生。無有住處。不當觀察。見有處所。逮致本際。不動不搖。無住無不住。佛言。如是。文殊師利。彼法自然。其欲得見。如來至真。則為邪見。其邪見者。求入正見。其正見者。是為泥洹。非大德果。無大功勳。其至泥洹。非大德果。無功勳。已則世眾。其世眾。則於眾。無所希望。其於眾。無希望。已。即能具足。虛靜之慧。已具靜慧。則能速成。無所從。生法忍。時彼眾會六十比丘。皆懷甚慢。各心念言。今者如來。頒宣冥路。迷惑之訓。諸外邪學。悉有

是辭。何以為行。向者世尊。復演此教。亦如是。辭。何以為行。向者世尊。復演此教。亦如是。弗蘭迦葉。摩訶離瞿耶樓。阿夷。帝基耶。今離披休迦旃旒。比盧持。尼捷子等。悉說此言。何因如來。亦演斯辭。有何殊別。云何則之。所當遵修。以何為業。爾時世尊。知諸比丘六十人等。懷甚慢者。心之所念。尋時即告文殊師利。佛為如來。至真正覺。頒宣經典。亦與外道異學。俱同等。無差特。又外異學。不能分別。如來說法。義之所歸。六十比丘。適聞此言。益懷憂感。意不歡悅。甚不欽樂。講是經義。即從座起。無何而去。文殊師利告諸比丘。諸賢者。等欲何所。湊。時諸比丘報文殊曰。吾等不解。是法所說。為何所歸。時舍利弗告諸比丘。諸賢者。斯義善哉。當以此事。重白其意。且待須臾。我當啟問。如來至真。何故說此。時諸比丘聞舍利弗宣如是教。還復故座。時舍利弗則前問佛。何故如來。頒宣此言。令諸比丘。皆懷猶豫。唯願世尊。加哀垂恩。為決結網。彼時世尊。告舍利弗。於意云何。其有比丘。漏盡意解。無餘結縛。聞此言教。寧懷狐疑。心怖懼乎。答曰。不也。世尊。已見諦者。奉比丘行。於一切音。諸所言辭。不恐不怖。亦不懷懼。何況比丘。漏盡意解。無餘結縛。懷疑恐也。佛告舍利弗。或有愚人。意塞沈冥。於未曾有法。而懷妄想。逮虛空行。時舍利弗復問佛言。唯願大聖。發遣斯教。章句所趣。令諸會者。蠲除沈吟。心中坦然。佛告舍利弗。其有夢中見

①現·顯◎◎\* ②告·言◎◎ ③稱·解◎◎ ④開·演◎◎ ⑤解·脫◎◎ ⑥及·生◎◎ ⑦(無)+不◎◎ ⑧無·雙◎◎ ⑨亦·無◎◎ ⑩無·雙◎◎ ⑪其·入◎◎ ⑫即·則◎◎ ⑬弗·不◎◎ ⑭帝·常◎◎ ⑮比·北◎◎ ⑯因·緣◎◎ ⑰歡·悅◎◎ ⑱湊·奉◎◎ ⑲(諸·比·丘)◎◎ ⑳唯·惟◎◎ ㉑結·縛◎◎ ㉒已·以◎◎ 下同



如來者。為寧審見真人形乎。如來謂此夢中所覩。則非真實。不為堅要。皆因思想計所思想。審無有想。無合會想。無所有已。則解如來無所分別想。無審諦想。不懷想想。無合會想。無所有。則解一切眾生萬物皆為虛妄。不見真實。便能曉了諸法迷惑顛倒放逸。已能曉了諸法迷惑。是故如來具足宣暢迷惑邪見。已能分別一切諸法皆為邪見。則不復隨迷惑邪疑六十二見。是為舍利弗。若有欲觀如來至真。則墮邪見。是故舍利弗。如來說此。若有欲觀如來身者。則墮邪見。除見聞想。為觀如來。乃無邪見。時舍利弗復問佛言。何謂世尊。其邪見者。令入正見。佛告舍利弗。一切愚癡凡夫之士。諸所妄想。不應所可發。起立在此處所。則於此事而不信之。無所建立。精進懈怠。無雙無隻。起自見身。我人壽命。依計吾而貪著我。曉了分別如此色像見聞。念知喜樂。所說悉無所有。如是所有審無所有。是為所生。是為無所生。是為虛妄。是真實言。皆無所有。其虛妄者。則當知之。為無。疇匹無像之謂。以無疇匹。則成邪見。佛謂舍利弗。其如是像見諸虛妄。了不以惑是謂邪見。則與外道邪見俱同。以是之故。舍利弗。知其墮邪見緣。致正見。舍利弗復問佛言。何謂正見。施與彼者。其福不大。功勳不遠。佛告舍利弗。假使有人如是像。施彼眾祐。則成無為。親近無為。其無為者。無有少福。無大功勳。無小名稱。亦不大稱。

所以者何。其無為者。皆離一切功勳之報。無有處所。時舍利弗復問佛言。如來至真云何。講說無為。而無處所。本歎無為。最為奇特。功勳無限。佛告舍利弗。愚駭凡夫。眾行茂盛。計有吾我。及人壽命。如來故為。諍嗟無為。功勳無量。顯其處所。欲令眾人斷終始患。故歎殊特。又舍利弗。當察賢聖。非賢非聖。亦非眾祐。當作斯觀。成就賢聖。離欲眾祐。猶如農夫。隨其所種。各得其類。反依穀苗。或生荊棘草穢之瑕。於舍利弗所志云何。為是農夫所報實乎。本種荊棘草穢。瑕耶。舍利弗答曰。不也。世尊。佛言。如是舍利弗。設如農夫。下種子於地。依倚於此。誕生荊棘。地之荒穢。直變為。如是舍利弗。施於賢聖。欲立功德。不能歡悅。此非好種。不成。為果將無所獲。若不建立。無為之田。則當知之。生死果報。是故舍利弗。欲致平等。是等無為。則非大福。非大功勳。時舍利弗復問佛言。唯然世尊。何修無為。非有大福。非大功勳。布施斯等。其福云何。在世眾祐。佛告舍利弗。假使不懷小福之想。無大福想。是為種。殖眾祐之德。已能種殖眾祐之德。明靡不曜。不受果報。是則。無疑之誤。上世間諸類之大眾祐。若舍利弗。建此施者。無盡德田。不受其華。不獲其實。以是之故。如此施者。非有大福。非大功勳。是世眾祐。不受果報。舍利弗復問佛言。云何世尊。為施眾祐。入於眾祐。無受果報乎。佛言。於舍利弗所志云何。所施眾祐。依於無

為。又計其法。有報應乎。舍利弗白佛。無也。世尊。其以無為。施於眾祐。不受報應。則無果證。其無為者。則無所求。賢聖之士。亦無所望。時佛讚曰。善哉善哉。舍利弗。誠如所云。在世眾祐也。假使有人。施此眾祐。則無希望。時舍利弗復問佛言。云何世尊。有所施者。而無報應。具足空慧。佛告舍利弗。其能曉了。一切諸法。悉自然者。彼義為實。為是虛耶。白世尊曰。其能曉了。諸法自然。則能分別自然。如幻。其能曉了。諸法如幻。彼應虛無。了虛無慧。所以者何。一切諸法。自然如幻。是佛所說。其如幻者。彼謂虛無。虛無之慧。是故世尊。曉了諸法。自然如幻。所以者何。計於彼法。不有所成。亦無所獲。佛言。善哉善哉。舍利弗。如汝所云。假使有法。實有處所。有所有者。念行真諦。則不復知。眾生滅度。無為之義。用一切法。虛無無諦。而無真實。以是之故。開化度脫。如江沙等。五趣眾生。令得滅度。眾生之類。而無損減。悉由眾生。因虛無出也。如是舍利弗。何以故。眾生所想。虛無。其所思想。無所逮得。是故名曰。具虛無慧。因此所學。用施眾祐。無報應果。具虛無慧也。時舍利弗復問佛言。云何具足虛無之慧。以是之故。能疾逮成。無所從生。法忍。佛言。其於虛無。而不造證。是則名曰。具虛無慧。又舍利弗。何謂虛無。知身虛無。我人壽命。亦復虛無。見於斷滅。而計有常。眾事牽連。亦復虛無。佛法聖眾。無為之想。療治心

①起-越 ②猗-倚 ③是為-此 ④疇-儔 ⑤謂 ⑥為-為 ⑦見+(時) ⑧(施)- ⑨勳-德 ⑩反-及 ⑪地-田 ⑫若-若 ⑬(是等)- ⑭斯-田 ⑮殖-植 ⑯无(吃喝時氣逆不得息)-天 ⑰施-世 ⑱望+(報) ⑲如[磧麗]-自 ⑳(彼)- ㉑(有所)- ㉒(何)-

意諸念思想。心所遊逸皆悉虛無故。舍利弗。其能諒受如是像比。當了斯慧。以至解脫。此舍利弗。具虛無慧。分別若斯。則能疾速無所從。生法忍。說是語時。四萬菩薩尋時皆速無所從。生法忍。時六千人發大道意。三萬六千天子。值遇慧時。當近道迹。其六十比丘。懷甚慢者。漏盡意解。至無起餘。異口同音。而俱舉聲。白佛言。我等。世尊。從今以往。奉六師教。而因出家。佛非我師。不奉受法。不歸聖眾。從今以往。悉無所作。亦無報應。不興重覺。亦無惡趣。一切眾會。聞說斯義。無央數人。皆悉驚愕。不知云何。各心念言。斯等比丘。將求迷惑。遠佛違法。捨於禁戒。就外異學。所以如是。今演此辭。時舍利弗。知諸眾會。心之所念。即時告此諸比丘言。仁等。何故發於斯言。吾等之身。從今以往。無佛世尊。因從異學。出為沙門。時諸比丘。報舍利弗。吾從今始。敬事六師。一切所歸。為一相耳。不猗六入。是以不見若千種佛。不想出家。為沙門也。舍利弗復問。何故諸賢。復發此言。從今日始。不以佛為聖師。諸比丘報曰。從今日始。自在其地。不在他鄉。自歸於己。不歸他人。己為師主。不用他師。是以故往。不以佛為聖師。所以者何。其佛正覺。不離吾我。其吾我者。不離於佛。時舍利弗。又復更問。諸比丘。眾賢者等。何故復言。從今以往。不啟受法。不歸聖眾。比丘答曰。不得諸法。所可歸念。亦無合集。故不歸法眾。舍利弗復問。諸比丘。何故

發言。從今日往。無所造業。亦無所作。諸比丘曰。從今日始。曉了諸法。一切無作。其無作者。亦非不作。以是之故。從今以往。無所造業。舍利弗應時復問。仁等。何故向者。說言。從今以往。無有果報。諸比丘答曰。朋愚不解。故趣生死。纏綿終始。吾等愚盡。無緣無報。以是之故。從今以往。無有果報。時舍利弗復問之曰。仁等。何故復發此言。從今以往。無有殃覺。諸比丘曰。吾等曉了一切諸法。皆寂滅度。吾等解了一切諸法。無法無報。所以諸法。無有果報。因是之故而發斯言。從今以往。無有殃覺。時舍利弗復問言曰。諸仁。何故復發此言。從今以往。無有惡趣。諸比丘曰。吾等從今。曉了一切諸法。所趣。永無惡趣。其無開化。無不開化。無律不律。以是之故。從今以往。無有惡趣。亦無不趣。無律不律。時諸比丘說。如是。比棄自大義。時彼聞者。三千六百比丘。漏盡意解。至無起餘。於是世尊讚諸比丘曰。善哉。善哉。其於諸法。無所得者。乃為真得。又問世尊。何謂於法。有所逮得。佛告文殊。所謂得者。謂逮無所從。生法忍。文殊又問。若有菩薩。欲樂逮得。無所從。生法忍。當云何學。如何建立。何謂奉行。佛時欲解。文殊師利。學法。無上遊。一切智。諸通慧義。常當遵習。無所從。生法忍。佛爾時頌曰

欲慕學佛慧 一切學中尊 不受於諸法  
亦復無所捨 法者無所得 亦不越成就  
諸法無所有 愚者欲令有 欲為除此行

故為眾說法 反志樂所生 不信無所起 若能棄魔事 佛道尊無上 若以生愚冥 故不了此義 以興若干種 愚者見各異 其生無若干 一切為一相 佛者世明慧 為凡夫說之 用計吾我故 不能奉修道 念言當久如 滅盡於貪婬 遠離瞋愚冥 念言當久如 滅盡於貪婬 斷滅於滅度 開化貪欲恚 故說寂然空 豈盡無所生 故歎於泥洹 方便讚滅盡 離佛法甚遠 想施奉禁戒 若希望樂道 是不修佛教 為慕學思想 愚者或虛妄 不解虛無法 諸法一等想 及懷若干念 若曉了此法 諸法自然想 如人觀五指 得道然不難 道不離人遠 亦復不在近 精勤求安相 以故離人遠 愚者行各異 展轉相求短 是人奉禁戒 此者凶犯惡 善施行正法 有為悉虛無 不復受神識 如幻無所見 無有奉戒相 亦復無犯惡 諸法因緣合 彼亦無吾我 若於億千劫 布施無等雙 將養上禁戒 導師不受決 若以去思想 所施無所望 棄捐諸希求 然後見授別 說布施得福 持戒生天上 其無所逮得 此乃無上道 愚者猗顛倒 妄想有所求 吾當致法忍 無起無為業 無所從生法 心不念所生 逮法忍不難 不更億千劫 假宣有法名 諸法無所作 無本無所任 想皆如虛空 無數億諸佛 頌宣上妙法 令除婬怒疑 諸法亦無盡 諸法假使實 則當歸盡賜 以無所有故 是以不可得

①起-趣(用)②以往-已往(用)③興重-與罪(用)④皆悉-悉懷(用)⑤佛-師(用)⑥(為)- (用)⑦日-已(用)⑧非不-無非(用)⑨朋-明(用)⑩用(用)⑪仁-人(用)⑫無-為(用)⑬學-慧(用)⑭越-起(用)⑮行-言(用)⑯若以-著已(用)⑰興-與(用)⑱明-問(用)⑲念-令(用)⑳冥-演(用)㉑或-惑(用)㉒虛-空(用)㉓想-相(用)\* ㉔及-反(用)㉕相-想(用)㉖所-無(用)㉗別-荊(用)㉘福-富(用)㉙無所-所無(用)㉚住-作(用)



姪怒癡無量 計之無<sup>①</sup>崖底 設<sup>②</sup>無有崖底  
 彼則無根本 所種無有<sup>③</sup>芽 何因生華實  
 設不得業者 何緣當有花 無所從生法  
 則無有人種 眾生無眾生 不生亦不滅  
 猶如姪女人 彼則無有子 以無有子者  
 則無有子憂 明智觀如是 諸法無所生  
 彼便無恐懼 周旋生死<sup>④</sup>苦 愚為虛偽惑  
 不解法如幻 受取虛空擔 患厭聖善教  
 若分別此<sup>⑤</sup>教 無量無邊際 無數不可限  
 爾乃不患厭 如佛說本際 宣暢無崖底  
 當來際亦然 中際為一相 無際想有際  
 無底際虛無 吾<sup>⑥</sup>已了此義 則解無二分  
 本際虛空相 人際不可議 其際譬如影  
 斯慧不可了 因以行妄想 由是退轉心  
 當盡斯羅網 何緣當成佛 正覺無所想  
 彼則無所成 諸法無所生 愚者欲令成  
 虛空不可捉 及宿諸處所 虛空無所住  
 無為無形像 如諮嗟虛空 解道亦當然  
 如分別了道 曉眾生亦如 眾生界悉等  
 平等<sup>⑦</sup>虛空界 其能了此等 成佛道不難  
 不精進求度 不思念隨順 不求願諸法  
 成佛道無難 道離諸所願 一切斷要誓  
 心不抱求願 諸佛道最上 布施心自念  
 所施用得道 道者無所得 上道無所獲  
 志常懷禁戒 想精進有實 彼不承佛教  
 欲求望報故 諸法無勤修 而反現精進  
 其無所行者 此上度精進 其<sup>⑧</sup>發如是想  
 所講無念法 斯法為有<sup>⑨</sup>漏 彼心不隨順  
 讚之如虛空 不縛亦無脫

是慧為無上 其希望奉戒 亦想犯禁者  
 此二俱犯禁 無二為上禁 諸法無有異  
 無想無殊<sup>⑩</sup>特 若解達無見 此乃奉佛教  
 其心無所生 譬之如虛空 等受如是決  
 乃為真寂志 其無所想者 一切無所念  
 無心無所生 佛道不難得 其不受貪欲  
 不為欲所使 貪則無所生 佛道不難得  
 若不厭劫數 不畏億本際 不懼生死難  
 佛道不難得  
 於是世尊說此頌竟。告文殊師利。若有菩  
 薩。凡<sup>⑪</sup>人篤信斯經典者。聞之不疑不懷猶  
 豫。受持諷誦。為他人說。具足解義。則當現  
 致二十事功德之勳。何謂二十事。一曰諸  
 天神明。悉宿左右。二曰諸<sup>⑫</sup>大<sup>⑬</sup>蛟龍而來  
 護之。三曰諸大鬼神。咸共衛之。四曰心常  
 安隱。未曾見亂。五曰所生之處。為眾尊長。  
 六曰世世<sup>⑭</sup>在處。常識宿命。七曰生生所處  
 常得五通。八曰速得法忍。加當復見彌勒  
 菩薩。九曰專精修此經典之要。心捐睡寐  
 疲極之意。十曰若<sup>⑮</sup>以寐時。常於夢中得見  
 諸佛。亦復當得見諸菩薩。十一曰用以篤  
 信此經典故。當疾逮得柔順法忍。十二曰  
 若有受此經典本者。現世得致滅除諍訟。  
 十三曰若行蛇<sup>⑯</sup>。蝮毒害之蟲。念是經典<sup>⑰</sup>。  
 終無恐懼。十四曰思此經卷。則能降伏怨  
 讎嫌隙。十五曰若能專惟斯經典者。便即  
 逮得普光三昧。十六曰若能曉了斯經典  
 者。則當知之除一切罪。十七曰若講斯經  
 便能獲致不可稱計百千法門。十八曰世

世所在不失道心。十九曰所生之處。面見  
 諸佛。致無量轉總持之要。彼若思惟斯經  
 典時。諸魔波旬。未曾得便。所至受身常見  
 諸佛。二十曰思此經者。所願必成。一足<sup>⑱</sup>。  
 三足。四足。毒蟲悉共護之。若有非人欲來  
 恐之。王者群臣。飛屍惡鬼。欲來恐之。自然  
 有護。無能犯者。佛語文殊。是為二十功德  
 之<sup>⑲</sup>勳。法師比丘。聞此經典。欣然篤信。而  
 不以<sup>⑳</sup>疑不懷猶豫。受持諷誦。抱在心懷。  
 具足分別。為他人說功德如是。  
 文殊師利。復白佛言。譬如藥樹名曰普療。  
 皆<sup>㉑</sup>能除愈一切疾病。斯經如是。療治一  
 切姪怒癡疾。眾想之患。佛言文殊。如仁所  
 言。誠無有異。斯經典者。實為消除一切眾  
 生五陰六衰三毒五蓋十二因緣九十六  
 徑六十二疑邪見之礙。所以者何。乃往過  
 去久遠世時。其劫無限不可計會。其數過  
 此時。世有佛號樂師子步。會無央數。無限  
 人民。大眾之中。講說經典。時樂師子步如  
 來至真等正覺。有一菩薩名金剛幢。於其  
 佛所聞是經典。其心不疑不懷猶豫。即時  
 啟受於斯經典功德之勳。持諷誦讀。篤信  
 執翫。不離其心。行入郡國縣邑<sup>㉒</sup>。聚落州  
 城大邦。見之歡<sup>㉓</sup>欣。皆言良醫。當來治  
 我眾患之疾。一心相信。豫懷欣然。時百千  
 人共相聚會。皆俱往詣於金剛幢菩薩之  
 所。各欲求護。時金剛幢。則以篤信悲哀之  
 心。用斯經典。呪於眾人。取此經中神呪諸  
 句。將護眾人。以德勞之。而以宿衛。文殊師

①崖：涯。②無有：有無。③芽：牙。④苦：無。⑤教：法。⑥已：以。⑦等：若。⑧發：數。⑨斯：此。⑩漏：法。⑪讚  
 (同讚。先部位同夫。如攢。鑽等)：講。⑫特：持。⑬時：時。⑭人：夫。⑮大：天。⑯蛟：神。⑰在處：所在。⑱以：臥。⑲蝮：蝮。⑳三足：經。  
 ㉑動+(不懷猶豫)。㉒疑+(不以疑故)。㉓能：悉。㉔聚：村。㉕城：域。㉖欣：喜。

利彼為何謂神呪句耶。以辭呪曰：無捶<sup>1</sup>離<sup>2</sup>為<sup>3</sup>。以律<sup>4</sup>捨<sup>5</sup>捨。善度<sup>6</sup>不有實<sup>7</sup>無有處<sup>8</sup>。離迷惑<sup>9</sup>尊虛空<sup>10</sup>。荒如幻<sup>11</sup>無所生<sup>12</sup>不可得<sup>13</sup>慈善慈<sup>14</sup>愍眾生<sup>15</sup>一切下<sup>16</sup>求徑路<sup>17</sup>義精進<sup>18</sup>斯無<sup>19</sup>楚<sup>20</sup>此神呪<sup>21</sup>。

是神呪章句將護眾生。若得惱病至於困<sup>22</sup>病。眾患之苦痛不可言。若干諸疾悉得除愈。諸天龍神及與非人所見燒者<sup>23</sup>并<sup>24</sup>餘毒蟲蟒蛇虎狼蚊虻蜂。慈念此經無能觸者。病瘡<sup>25</sup>痛癩。若得水疾悉得除愈。佛語文殊。時金剛幢菩薩大士<sup>26</sup>住此經典。為眾生類皆療眾疾莫不安隱。於文殊<sup>27</sup>意志云何。時金剛幢菩薩大士為異人乎。莫作斯觀。所以者何。則吾身是。吾於彼世受斯經典。篤信愛樂持誦<sup>28</sup>讀誦。開化饒益一切眾生。是故文殊。當觀此經如普藥樹。

文殊師利復問佛言。其有菩薩受此神呪章句義者。持誦讀誦當云何行。佛告文殊。若有菩薩受斯神呪章句義者。持誦讀誦其人發意奉行是經。不<sup>29</sup>服食肉。不以香油塗薰其身。常懷慈心愍於眾生。饒益一切如普藥樹。常當親近<sup>30</sup>於一切智。諸通普慧令無惱害得其便者。若誦此經常當清淨。柔和其心無穢濁行。諷是經時。淨掃除地。令無塵埃。見者悅豫。文殊師利復白佛言。若有菩薩讀是經時。棄捐貪愛。不惜身命。忽如無形。爾乃隨教。佛告文殊。誠如所云。一無有異。彼時世尊告賢者阿難。受此經典持誦讀誦。以用加益無數眾生。斯經典

者所益無量。阿難白佛。唯諾。當受如聖尊教。宣如佛說。佛言。善哉善哉。賢者阿難。若受此經奉持誦誦。為諸眾生施作佛事。佛說如是。賢者舍利弗。賢者阿難。文殊師利。諸天世人。阿須倫鬼神龍。聞佛所說。莫不歡喜。作禮而<sup>31</sup>去。佛說無希望經。

佛說象腋<sup>32</sup>經

No. 814 [No. 813]

宋元明宮四本俱無每句下一乃至十八等記數

如是我聞。一時佛在王舍城耆闍崛山。與大比丘眾五百人俱。菩薩六萬眾所知。識得陀羅尼樂說無礙。說法無二。成就不可思議神通。其名曰無減進意菩薩。過名聲威德藏菩薩。寶月花菩薩。大雲雷燈菩薩。無量觀出一切世菩薩。山勇菩薩。樂喜生菩薩。淨臂無礙光明菩薩。解度眾生心菩薩。金剛得堅菩薩。解一切眾生語離菩薩。梵音勇威德菩薩。名稱面威無礙覺菩薩。一切善根寶聚菩薩。文殊師利童子與如是上首六萬菩薩俱。爾時大德舍利弗。於日晡時從禪定起。來詣佛所。爾時世尊坐異樹下。入寂靜三昧。爾時大德舍利弗。遙見世尊威儀寂靜。疾疾取草敷以為座。加趺而坐。正身<sup>33</sup>坐頃。爾時大德舍利弗。即於坐處生是思惟。未曾有也。如來如是寂靜之行。安樂之本。安樂眾生。亦知一切法性三昧。爾時世尊從於三昧安詳而起。發

警效聲。爾時舍利弗聞於如來<sup>34</sup>警效之聲。受歡喜樂。亦得悲心。即往佛所。到已。住立佛前。敬禮佛已。而說偈言。

若有眾生無分別。入於三昧常行世。不見眾生有差別。分別諸法虛空體。於和合中無想著。亦非有起非不起。於諸眾生無憶想。於諸眾生<sup>35</sup>相無聲。智不分別於眾生。分別丈夫一切想。當善住於施持戒。住於無染污法中。彼忍得者甚勇猛。不得精進及懈怠。修行禪定住堅固。是善知於禪定法。無有憶想無智慧。亦非聰慧非愚癡。若在空中野聚亦然。於村聚中無厭惡。於乞食事悉具足。亦<sup>36</sup>未曾想我乞食。若有<sup>37</sup>棄之糞掃衣。亦無受畜弊衣想。善逝所讚佛聽許。無有憶想我正行。 乃至於法不憶想。常忍樂於如是法。同於幻性解脫者。彼無我想受安樂。無有愚癡物所想。彼不見命受安樂。是諸眾生非眾生。無我見者彼安樂。是得無諍之法界。無<sup>38</sup>異覺者彼安樂。常行覺了無慳垢。無高下見彼安樂。無有憎愛二見者。無思想者彼安樂。亦不思惟是散亂。無禪想者彼安樂。亦非無<sup>39</sup>智得自在。無異想者彼安樂。彼一切處平等行。空處無憍彼安樂。亦終無有乞食想。無乞想者彼安樂。收取聚集以覆身。不輕慢他彼安樂。善受持用三法衣。無異想者是安樂。

1 宋元明宮四本俱無每句下一乃至十八等記數 2 為-偽 3 捨-舍 4 荒-荒 5 楚-楚 6 是+(時) 7 病-疾 8 餘-除 9 痛-疽 10 住-作 11 意+(所) 12 讀誦-誦讀 13 服-復 14 (於)- 15 去-退 16 經+(一卷) 17 (劉)+宋元 18 三藏+(法師) 19 疾-即 20 加-跏 21 坐-起 22 警-警 23 相-想 24 異-量 25 智-志 26 未-不 27 棄-之 28 衣-身



若說法者勝<sup>①</sup>美妙 亦無有我及眾生  
 亦無有心我說法 不著不實者安樂  
 於諸善根無實想 非有物想無<sup>②</sup>愛想  
 不思分別諸結使 無二行者彼安樂  
 於生起中無起想 見所住處過患想  
 晝夜常勤行精進 無戲論者彼安樂  
 亦無妄想住非處 亦不分別增上智  
 如來外道無差別 無貢高妙彼安樂  
 無量無數無有限 亦不捨離等虛空  
 我及眾生無異想 無增減見彼安樂  
 若有得於或夢行 得於辯才化愚癡  
 行於世間如水月 無進行者一切樂  
 種種方便第一義 不著生死堅牢想  
 覺於微細寂靜法 無想行者彼安樂  
 爾時世尊讚舍利弗。善哉善哉。汝深慧行  
 能轉<sup>③</sup>法輪。汝舍利弗。是<sup>④</sup>祇闍崛山所有  
 比丘諸菩薩等。入禪定者。勅令集會。舍利  
 弗白佛言。世尊。我不堪任。何以故。如是等  
 者。皆是威德大龍。爾時世尊即放身光。所  
 放光明遍照無量無邊諸佛世界。諸菩薩  
 悉皆來詣祇闍崛山。到已皆住於虛空中。  
 此諸比丘及諸菩薩。從禪定起來詣佛所。  
 王舍城中無量千眾來詣佛所。爾時世尊  
 知於一切眾會已集。觀文殊師利童子面  
 已。即便微笑。爾時文殊師利即從座起。<sup>⑤</sup>正  
 於衣服偏袒右<sup>⑥</sup>臂。右膝著地合掌向佛。白  
 佛言。世尊。何因何緣而微笑耶。諸佛如來  
 應供正遍知。非無緣笑。佛告文殊師利。過  
 去於此祇闍崛山<sup>⑦</sup>中。有十千佛說象腋經。

爾時大德阿難。聞佛所說疾從座起。正於  
 衣服<sup>⑧</sup>偏袒右肩。右膝著地合掌向佛。白佛  
 言。善哉世尊。善哉善逝。今當演說此象腋  
 經。是經難聞。若如來說者。令無有疑。此深<sup>⑨</sup>  
 妙典。有深光明。世尊。何故觀文殊面已而  
 微笑也。爾時世尊讚阿難言。善哉善哉。阿  
 難。善慧分別。汝今阿難。諦聽諦聽。善思念  
 之。我今當說。阿難從佛受教。勅已。佛告阿  
 難。若有眾生解此經者。如大象力。如大龍  
 力。是諸眾生解此經者。亦復如是。阿難。諸  
 眾生等解此經者。如師子遊步進趣勝道。  
 阿難。此經典者。當來菩薩能愛樂之。阿難。  
 此經能令菩薩勇猛。我去世後。當來菩薩  
 手得此經。手書此經。此經床座。非旃陀羅  
 菩薩手所執持。亦非戲論菩薩手得。亦非  
 假名菩薩手得。爾時世尊現如文殊師利  
 之像。作是像已。文殊師利亦如是解。我今  
 當請問於世尊甚深之法。非是聲聞緣覺  
 之地。是菩薩地。爾時文殊師利童子即白  
 佛言。世尊。我今欲少問於如來。應供正遍  
 知。若佛聽許。乃敢諮請。文殊師利如是請  
 已。佛告文殊師利。恣汝所問。隨意所喜。一  
 切眾集。爾時文殊師利童子白佛言。世尊。  
 何謂菩薩善能安住諸功德法。示現一切  
 諸菩薩行。教化無量阿僧祇眾生。現諸佛  
 形如水月影。文殊師利如是問已。佛即讚  
 言。善哉善哉。文殊師利。能總略問如來是  
 義。我今當為廣分別說。文殊師利。諦聽諦  
 聽。善思念之。吾今當說。文殊師利白言。如

是受教而聽。佛告文殊師利。菩薩成就六  
 法者。得具安住諸功德法。何等為六。文殊  
 師利。是菩薩施。能一切捨。不見自己。離慳  
 垢行。安住於戒。不見我。能離破戒業。成就  
 忍辱。不見我。能離瞋恚行。有於精進。非身  
 心進。知入一切禪定。解脫三昧。方便。亦不  
 自念成就一心。有慧行明了。自見解脫一  
 切諸道。文殊師利。菩薩成就如是六法。善  
 能安住一切功德。復次文殊師利。復有六  
 法。善能安住一切功德。何等為六。文殊師  
 利。是菩薩住<sup>⑩</sup>於地獄中。攝取眾生受於天  
 樂。生畜生身。攝取畜生受人妙樂。生卑賤  
 家。受轉輪王樂。現入諸道。受勝道樂。善知  
 往返一切佛剎。如水月影。出一切語。無所  
 言說。各不親近。文殊師利。菩薩成就此六  
 法者。能安住一切功德。爾時文殊師利白  
 佛言。世尊。云何菩薩住地獄中受於天樂。  
 作是問已。佛告文殊師利。若是菩薩入於  
 三昧。名大蓮華。住地獄中。攝取眾生受於  
 天樂。見諸眾生受種種苦。各現其形。而為  
 說法。令無量眾生悉得解脫。文殊師利。菩  
 薩如是住地獄中。受於天樂。文殊師利。復  
 白佛言。云何菩薩生畜生中。攝取畜生受  
 人天妙樂。佛言。文殊師利。而是菩薩入於  
 三昧。名曰寂靜。現生畜生而不失心。受人  
 天妙樂。各隨其形。而為說法。菩薩安止無  
 量千眾。令住於法。文殊師利。菩薩如是受  
 畜生身受天妙樂。文殊師利。復白佛言。世  
 尊。云何菩薩生卑賤家。受轉輪王樂。佛言。

①美=善②愛=受③法輪=於法④祇=耆⑤正=整⑥臂=肩⑦(中)=⑧偏=偏明⑨妙典=經典⑩(於)=  
 言=告

文殊師利。而是菩薩入於三昧名曰靜過。是三昧力故。生卑賤家。受轉輪王樂。文殊師利。菩薩如是生卑賤家。受轉輪王樂。文殊師利。白佛言。世尊。云何菩薩現入諸道。受勝道樂。佛言。文殊師利。而是菩薩入於三昧。名見一切行無作光明。菩薩住是三昧。示入諸道。受勝道樂。文殊師利。菩薩如是現入諸道。受勝道樂。爾時文殊師利。白佛言。世尊。云何菩薩善知往返一切佛刹。不動本處。亦無去來。現諸佛刹。如水月影。佛言。文殊師利。而是菩薩入於三昧。名曰過於一切言說。是菩薩住此三昧時。東西南北四維上下。一切十方世界之中。示現其身。不動本處。亦無去來。住是三昧。得見諸佛。亦聞說法。文殊師利。菩薩如是善知往返一切佛刹。不動本處。亦無去來。現諸佛刹。如水月影。爾時文殊師利。白佛言。世尊。云何菩薩出一切語。無所言說。各不親近。佛言。文殊師利。而是菩薩得陀羅尼名曰無量。得<sup>①</sup>是持已。入無量心。知無量語。是菩薩得旋陀羅尼力故。出一切語。各不親近。文殊師利。菩薩如是出一切語。無所言說。各不親近。爾時文殊師利。白佛言。世尊。是菩薩方便甚難。世尊。若有菩薩入此經時。入何等法。佛言。文殊師利。若有菩薩欲入此經。如解虛空。文殊師利言。虛空何也。佛言。文殊師利。是虛空者。不染於欲。不瞋不癡。文殊師利。一切諸法。亦復如是。無染瞋癡。文殊師利。是虛空者。非施成就。非戒

成就。非忍成就。非進成就。非禪成就。非慧成就。如是文殊師利。一切諸法。亦復如是。非施成就。非戒忍進禪慧成就。文殊師利。猶如虛空。非智非斷。文殊師利。一切諸法。亦復如是。非智非斷。文殊師利。猶如虛空。非修非證。文殊師利。一切諸法。亦復如是。非修非證。文殊師利。猶如虛空。非闇非明。文殊師利。一切諸法。亦復如是。非闇非明。文殊師利。猶如虛空。遍一切處。而不可捉。文殊師利。一切諸法。亦復如是。遍一切處。而不可捉。文殊師利。猶如虛空。非進正道。非進邪道。文殊師利。猶如虛空。非聲聞乘。非緣覺乘。亦非佛乘。文殊師利。一切諸法。亦復如是。非聲聞乘。非緣覺乘。亦非佛乘。文殊師利。猶如虛空。非思非智。文殊師利。一切諸法。亦復如是。非思非智。文殊師利。猶如虛空。非動非發。非不動發。文殊師利。一切諸法。亦復如是。非動發。非不動發。文殊師利。猶如虛空。非動發。非不動發。文殊師利。菩薩亦爾。於一切法。非動發。非不動發。文殊師利。猶如虛空。無有眾生。能污染者。文殊師利。一切諸法。亦復如是。是涅槃分。究竟無染。非寂靜。非不寂靜。文殊師利。猶如虛空。住無住處。不動不搖。不住處。故。文殊師利。諸菩薩等。亦復如是。見諸眾生。住無住處。得實不動。不搖不住。文殊師利。是實相法。欲見如來。是名邪見。如是邪見。即是正行。若是正行。是中布施

無有大果。亦無大報。若其施中。無大果報。是世福田。若世福田。是中所施。無有果報。若施無果報。是則滿足。不實之智。若其滿足。不實之智。是等疾得。無生法忍。爾時眾中。六十比丘。增上慢者。聞如是法。作是思惟。是道闇昧。如來說。同外道說。是外道等。富蘭那迦葉。末伽梨憍舍。耶。阿耆多翅舍。欽婆羅。珊闍耶。毘羅坻子。波復多迦旃延。尼。捷陀。若提子等。所說如是。佛亦如是。爾時世尊。知是六十增上慢比丘。心之所念。即告文殊師利童子。曰。文殊師利。如是如是。我如來說法。同於外道。然是外道不解佛法。爾時六十增上慢比丘。聞是說已。增益受苦。憂惱不悅。其心不樂。不知如是。所說法。故從座而去。爾時大德舍利弗。問諸比丘。大德汝等。今欲何去。當解如來如是說法。何因。何緣。故如來爾時說。大德且住。我問如來。以何因緣。如是說也。爾時諸比丘。聞於大德舍利弗語。即還各各復於本座。爾時大德舍利弗。白佛言。世尊。如來何緣說如是事。願當演說。斷比丘疑。佛告舍利弗。於意云何。若有比丘。諸漏已盡。心得解脫。是比丘等。聞此言說。生驚畏不。舍利弗言。不也。世尊。若有比丘。見聖諦者。聞一切聲。不驚怖畏。何況諸漏已盡。心得解脫者。佛告舍利弗。或有癡人。妄想分別。於不實法。得虛空行。舍利弗言。願世尊。說是法句。義令斷眾疑。佛告舍利弗。若見如來。如夢如幻。是名正見。若正見者。

①是-自②(文殊...動發)三十四字-③耶-利④捷-捷⑤(何)-



於如來所不作實想，不作堅想，不作物想，不作名想，不作聚想。若於如來不作實想，不作堅想，不作物想，不作名想，不作聚想，如是等行。一切諸行悉是妄見。若一切行悉是妄見，是知一切諸法是邪見。若知一切諸法是邪見，佛說是等滿足邪見。又知一切諸見是邪，是亦邪見。如是舍利弗，以是緣故欲見如來名為邪見。舍利弗，是不見如來密身，是取分別。於如來身為舍利如來之想，舍利弗，若有如是見於如來名為邪。知爾時舍利弗白佛言，世尊，云何邪見名為正行。佛言，舍利弗，一切凡夫正起覺觀，妄想分別起，依止動發不動發，起我見眾生見命見人見，著我勝我所勝，知是諸事。小凡夫等動搖總務生於戲論，知如是等悉皆不實。舍利弗，無者名為不實。舍利弗，不實者名妄語。舍利弗，妄語者名曰為邪。舍利弗，如是等事，攝取不實，是等邪見，名為正行。舍利弗，以是緣故，所謂邪見名為正行。爾時舍利弗白佛言，世尊，頗有正行。所有布施無小果大果也。佛言，舍利弗，若如是等正行成就，有所施與趣向涅槃，受於涅槃，齊分涅槃。舍利弗，而是涅槃無小果大果，非小功德。何以故，是涅槃者離一切果無有齊分，不可齊分。舍利弗言，世尊，若其涅槃無齊分者，云何如來說增益無量無邊功德。佛告舍利弗，諸凡夫具煩惱行，我論眾生論，命論丈夫論，為如是等諸眾生故，說言涅槃無有分齊。涅

槃增益無量功德，乃至令生於欲樂心。舍利弗，假聖福田非入涅槃。又舍利弗，離欲聖人，名見福田。舍利弗，譬如農夫種下穀種，因生稗，莠亦生餘草。舍利弗，於汝意云何，而是農夫所得稗草是果報，不也。世尊，佛言，舍利弗，譬如農夫依因穀種，生稗餘草，生相似穀。如是舍利弗，施聖福田自然大報，後斷諸漏，乾焦愛果。舍利弗，而是農夫本期為穀，見餘稗草心不生喜，非果故非所利。故如是舍利弗，非有為田。安於上施，聖得大果報。舍利弗，以是因緣，施正行者，無大果大報。舍利弗言，世尊，若其布施無大果大報，云何名為世福田也。佛言，舍利弗，非小果想非大果想，是施不生，若施不生，是能受於世間天人阿修羅供。舍利弗，於無盡田不取果報，不與果報，是故舍利弗，非大報非小果，是世福田。舍利弗言，世尊，云何是世福田不得果報。佛言，舍利弗，汝意云何，若為涅槃有果報，不舍利弗言，無也。世尊，若施為涅槃得果報者，一切聖人不名無為。佛即讚言，善哉善哉。舍利弗，以是事故，施世福田無有果報。爾時舍利弗白佛言，世尊，若施無果報，云何具足於妄想智。佛言，舍利弗，於意云何，若知於一切法，性是實不也。舍利弗言，世尊，知一切法猶如幻性。世尊，若知幻性是不實，知何以故。如來演說一切諸法猶如幻性，如幻性者即是不實。世尊，若知一切法性如此是不實智，所以者何，無有一法而是

實者。爾時佛復讚舍利弗，善哉善哉。舍利弗，如是如是。舍利弗，若法有實有物有真，則無眾生入於涅槃。舍利弗，一切諸法亦非是實，非物非真，是故舍利弗，恒沙眾生入於涅槃，永不復生，亦不知盡。眾生不實，故舍利弗，若一切眾生無有實想，是名具足於不實智。是故舍利弗，施無果報，能得具足滿於不實智。爾時舍利弗白佛言，世尊，云何智滿於不實智，而疾獲得無生法忍。佛言，舍利弗，若知不實而亦不證，舍利弗，何等是不實者。我見眾生見命見人見，斷見常見，有不實者。佛想法想，僧想，涅槃想，舍利弗，若心動搖戲論總務皆是不實。舍利弗，如是執不實中而得解脫，舍利弗，以是事故，具不實智，而疾得於無生法忍。說是法時，四萬二千人得無生法忍。六萬優婆塞發於無上正真道心。三萬六千天子得向智證，是六十增上慢比丘，斷於諸漏心得解脫，心解脫已，俱共同聲說如是言，世尊，我今始於六師出家，從今日往，佛非我尊，亦非念法，又非念僧。世尊，我從今日說於無作，說無因緣，說無有業，說無調伏。爾時眾中若干眾生各作是言，是諸比丘，或捨佛戒，受外道服，所說顛倒。爾時大德舍利弗覺知眾心，語諸比丘言，大德何緣說如是語。耶，我今始於六師出家，諸比丘言，大德舍利弗，從今已往，六師諸師等同一相無增無減。大德舍利弗，我等今知諸師不異，於出家中無所分別。故言出家。

①取-邪②舍利+(弗)③知-智④務-豫⑤小-少⑥名-各⑦莠-稗(分別,各異)⑧於上-止於⑨(聖)-⑩知-智⑪想-相⑫六師,天竺外道,富蘭那迦葉,末伽黎拘隸黎,刪闍夜毘羅胝,阿耆多翅舍欽婆羅,迦羅鳩駄迦旃延,尼犍陀若提子⑬餘見後

舍利弗言。大德。何緣說言。從今佛非我尊。諸比丘言。大德。舍利弗。我從今往。自然明了。熾然明熾。不假餘明。我自歸依。非餘歸。依自歸自尊。是故說言。佛非我尊。何以故。我不離佛。佛不離我。舍利弗言。大德。何緣說如是言。不念於法。不念於僧。諸比丘言。大德。舍利弗。我從今日。無法可得。若念若攝。是故我言。從今日往。不念於僧。舍利弗言。大德。何言。我從今往。說於無作。諸比丘言。大德。舍利弗。我從今往。知於一切諸法。無作。是中。非作。非不作。以是故言。我從今日。說於無作。舍利弗言。大德。何緣說言。從今說無因緣。諸比丘言。大德。舍利弗。我從今日。一切有道。生因緣盡。是中。無因。是故說言。我從今說。無因。無緣。舍利弗言。大德。何故說言。我從今往。說無有業。諸比丘言。大德。舍利弗。我從今往。知一切法。究竟涅槃。是中。無有調伏。無非調伏。以是故言。我說無業。是增上。慢。諸比丘等。說是法時。有三千六百比丘。悉斷諸漏。心得解脫。爾時世尊讚諸比丘。善哉善哉。是實。希望。中無法可得。爾時文殊師利童子。白佛言。世尊。所言得者。何法名得。佛言。文殊師利。得者名曰。無生法忍。文殊師利言。世尊。菩薩欲得無生法忍。當云何學。云何行。云何住。云何修。集。爾時世尊答於文殊師利童子。所問無生法忍義。故。即說偈言。

若有求佛智 一切諸智<sup>⑥</sup>上 無有法可取  
亦無法可捨 無有法可得 若生是有者

無有和合法	凡夫欲和合	若可知可斷	如是不實法	是實際叵得	姪欲瞋無邊
說法為眾生	凡夫生諸行	不信無生法	愚癡亦無邊	若不得實者	亦復不得中
捨離於魔法	菩提道最上	凡夫人見異	種子中無芽	何處有果葉	若其不得葉
不知無二法	種種幻無實	凡夫人或說	花亦不可得	無生法如是	眾生當生子
是中無有異	一切同一相	若有凡夫說	不生亦不出	此見於如實	猶之如石女
無二無二作	同幻化平等	凡夫人或說	是終無有子	以其無子故	亦無有子憂
我不時盡欲	斷瞋及愚癡	我當善思惟	慧如是分別	一切法無生	是無有恐怖
非物生物想	計斷為涅槃	壞貪欲瞋癡	受於生死苦	憂妄覆凡夫	不知法如幻
說示於空法	無盡亦無生	是說名涅槃	重荷擔虛空	非智慧者 <sup>⑦</sup> 癡	若知於此法
精進者進生	是去我法遠	布施持戒想	無實無有邊	無量阿僧祇	於此無有癡
樂於菩提想	是不入菩提	是等行想行	如所言本際	我說是無際	後際亦復爾
凡夫虛妄覆	不知於空法	諸法等一相	眾生際叵思	無際憶想際	空無有邊際
當各各異說	若解知此法	其體性無異	以知此義故	其智無有二	如虛空際相
如五指名手	得菩提不難	無遠菩提者	眾生際叵思	本際如鏡像	是智無所知
無近菩提者	別無分別者	是去菩提遠	是分別行者	其心如是思	我何時盡惡
凡夫各異行	各各相是非	此持戒成就	我何時成佛	諸佛無有生	是中無和合
此是破戒惡	諸法猶如夢	諸有為無實	法無和合者	凡夫欲和合	無能空 <sup>⑧</sup> 合
慧 <sup>⑨</sup> 不取牢固	知之如幻化	是中戒不實	亦無止住處	虛空無住故	無礙無有物
破戒亦不實	諸法因緣生	是中無有我	如是說虛空	如是知菩提	如是知菩提
於千億劫中	布施與受者	護持無上戒	知眾生亦爾	菩提虛空界	眾生界同等
諸佛不記我	我時離於想	布施想無餘	若知如是等	得菩提不難	若人不進慈
離一切顛倒	爾時我得記	說施得大富	不思惟 <sup>⑩</sup> 作善	斷於一切求	得菩提不難
持淨戒生天	是中無所得	是無上菩提	是菩提難求	思惟布施者	無有心能得
凡夫依止有	愚癡妄憶想	我等得於忍	覺無上菩提	不得成菩提	思惟著戒者
無為無有生	是無生法中	假名為說法	終不得菩提	非佛法妙進	如是憶想著
於千億劫中	是得忍不難	悉如空閑相	憶想精進 <sup>⑪</sup> 實	我非不顛倒	未始有動發
法無有作者	無根本住處	演說無上法	一切法顛倒	若有 <sup>⑫</sup> 憶想著	此法是有漏
多億數諸佛	斷貪瞋癡故	速疾歸於盡	是善無有上	此人心不善	不思惟法者
是法不可盡	實法無虛妄				

12 智-知 13 (耶)- 1 何+(緣說) 2 (我)+從 3 (無)+緣 4 希望-惶怖 5 集-進 6 上-者 7 不取-不最 8 最-不 9 癡-疑 10 合-者 11 (如是知菩提)- 12 實-實 13 非不-不非 14 憶-意 15 (此法是有漏)-